



প্রথম মুদ্রণ : ১৯৬০

প্রকাশক :

শ্রীহরিশদ কিম্বাস

আদিভা প্রকাশালয়

২৮/১, জামিৎস মন্ডল মুদ্রাঙ্কন-প্রো

কলিকাতা-৭০০ ০০১

মুদ্রাকর :

শ্রীকৃষ্ণবল্লভ মামা

মামা প্রিন্টার্স

৬৭/এ, ডব্লু. সি. বানার্জী স্ট্রীট

কলিকাতা-৭০০ ০০১

লোকবহুসা

লোকরহস্য

ব্যাভ্রাচার্য্য বৃহন্নাসুল

প্রথম প্রবন্ধ

একদা সুন্দরবন-মধ্যে ব্যাভ্রদিগের মহাসভা সমবেত হইয়াছিল। নিবিড় বনমধ্যে প্রশস্ত ভূমিখণ্ডে ভীমাকৃতি বহুতর ব্যাভ্র লাক্সুলে ভর করিয়া, দংষ্ট্রাপ্রভায় অরণ্যপ্রদেশ আলোকময় করিয়া, সারি সারি উপবেশন করিয়াছিল। সকলে একমত হইয়া অমিতোদর নামে এক অতি প্রাচীন ব্যাভ্রকে সভাপতি করিলেন। অমিতোদর মহাশয় লাক্সুলাসন গ্রহণপূর্বক সভার কার্য্য আরম্ভ করিলেন। তিনি সভ্য-দিগকে সম্বোধন করিয়া কহিলেন;—

“অত আমাদিগের কি শুভ দিন! অত আমরা যত অরণ্যবাসী মাংসাভিলাষী ব্যাভ্রকুলতিলক সকল পরম্পরের মঙ্গল সাধনার্থ এই অরণ্যমধ্যে একত্রিত হইয়াছি। আহা! কুংসাকারী, খলসভাব অশ্রান্ত পশুবর্গের টানা করিয়া থাকে যে, আমরা বড় অসামাজিক, একা এক বনেই বাস করিতে ভালবাসি, আমাদের মধ্যে ঐক্য নাই। কিন্তু অত আমরা সমস্ত সুসভা ব্যাভ্রমণ্ডলী একত্রিত হইয়া সেই অমূলক নিন্দাবাদের নিরাস করিতে প্রবৃত্ত হইয়াছি! এক্ষণে সভ্যতার যেরূপ দিন দিন জীবন্তি হইতেছে, তাহাতে আমার সম্পূর্ণ আশা আছে যে, শীঘ্রই ব্যাভ্রেরা সভ্যজাতির অগ্রগণ্য হইয়া উঠিবে। এক্ষণে বিধাতার নিকট প্রার্থনা করি যে, আপনারা দিন দিন এইরূপ জাতিহিতৈষিতা প্রকাশপূর্বক পরন সুখে নানাবিধ পশুহনন করিতে থাকুন।” (সভানধ্যে লাক্সুল চট্চটারব।)

এক্ষণে হে জাতৃবৃন্দ! আমরা যে প্রয়োজন সম্পাদনার্থ সমবেত হইয়াছি, তাহা সংক্ষেপে বিবৃত করি! আপনারা সকলেই অবগত

আছেন যে, এই সুন্দরবনের ব্যাঙ্গসমাজে বিদ্যার চর্চা ক্রমে লোপ পাইতেছে। আমাদের বিশেষ অভিল্লাষ হইয়াছে, আমরা বিদ্যান্ হইব। কেন না, আজিকালি সকলেই বিদ্যান্ হইতেছে। আমরাও হইব। বিদ্যার আলোচনার জন্ত এই ব্যাঙ্গসমাজ সংস্থাপিত হইয়াছে। এক্ষণে আমার বক্তব্য এই যে, আপনারা ইহার অনুমোদন করুন।”

সভাপতির এই বক্তৃতা সমাপ্ত হইলে, সভাগণ হাউমাউ শব্দে এই প্রস্তাবের অনুমোদন করিলেন। তখন যথারীতি কয়েকটি প্রস্তাব পঠিত এবং অনুমোদিত হইয়া সভাগণ কর্তৃক গৃহীত হইল। প্রস্তাবের সঙ্গে সঙ্গে দীর্ঘ বক্তৃতা হইল। সে সকল ব্যাকরণগুরু এবং অলঙ্কারবাশট বটে, তাহাতে শব্দবিন্যাসের ছটা বড় ভয়ঙ্কর; বক্তৃতার চোটে সুন্দরনে কাঁপিয়া গেল।

পরে সভার অন্ত্যস্ত কার্য্য হইলে, সভাপতি বলিলেন, “আপনারা জানেন যে, এই সুন্দরবনে বৃহন্নাঙ্গুল নামে এক অতি পণ্ডিত ব্যাঙ্গ বাস করেন। অজ্ঞ রাত্রে তিনি আমাদের অনুরোধে মনুষ্যচরিত্র সম্বন্ধে একটি প্রবন্ধ পাঠ করিতে প্রীকার করিয়াছেন।”

মনুষ্যের নাম শুনিয়া কোন কোন নবীন সভ্য ক্ষুধা বোধ করিলেন। কহু তৎকালে পত্রিক ডিনরের সূচনা না দেখিয়া নীরব হইয়া রহিলেন। ব্যাঙ্গাচার্য্য বৃহন্নাঙ্গুল মহাশয় সভাপতি কর্তৃক আহৃত হইয়া, গজ্ঞানপূর্ব্বক গাত্ৰোত্থান করিলেন এবং পাঠকের ভীতিবিধায়ক স্বরে নিম্নলিখিত প্রবন্ধটি পাঠ করিলেন :—

“সভাপতি মহাশয়! বাঘিনীগণ এবং ভয় ব্যাঙ্গগণ! মনুষ্য একপ্রকার দ্বিপদ জন্তু। তাহারা পক্ষাবশট নহে, সুতরাং তাহাদগকে পাখী বলা যায় না। এবং চতুষ্পদগণের সঙ্গে তাহাদগের সাদৃশ্য আছে। চতুষ্পদগণের যে যে অঙ্গ, যে যে অস্থি আছে, মনুষ্যেরও সেইরূপ আছে। অতএব মনুষ্যদিগকে একপ্রকার চতুষ্পদ বলা যায়। প্রভেদ এই যে, চতুষ্পদের যেরূপ গঠনের পারিপাট্য, মানুষের তাদৃশ্য নাই। কেবল ঈদৃশ প্রভেদের জন্ত আমাদের কর্তব্য নহে যে, আমরা মনুষ্যকে দ্বিপদ বলিয়া ঘৃণা করি।

চতুঃপদার্থে বানরদিগের সঙ্গে মনুষ্যগণের বিশেষ সাদৃশ্য। পণ্ডিতেরা বলেন যে, কালক্রমে পশুদিগের অবয়বের উৎকর্ষ জন্মিতে থাকে ; এক অবয়বের পশু ক্রমে অন্য উৎকৃষ্টতর পশুর আকার প্রাপ্ত হয়। আমাদিগের ভরসা আছে যে, মনুষ্য-পশুও কালপ্রভাবে লাদুলাদিবিধিষ্ট হইয়া ক্রমে বানর হইয়া উঠিবে।

মনুষ্য-পশু যে অত্যন্ত সুস্বাদু এবং সুভক্ষ্য, তাহা আপনারা বোধ হয়, সকলেই অবগত আছেন। (শুনিয়া সভাগণ সকলে আপন আপন মুখ চাটিলেন)। তাহারা সচরাচর অনায়াসেই নারা পড়ে। মৃগাদির শ্রায় তাহারা দ্রুত পলায়নে সক্ষম নহে, অথচ মতিবাদির শ্রায় বলবান্ বা শূল্যাদি আয়ুধ-যুক্ত নহে। জগদীশ্বর এই জগৎ-সংসার ব্যাঘ্রজাতির সুখের জন্য সৃষ্টি করিয়াছেন, সন্দেহ নাই। সেই জন্তু ব্যাঘ্রের উপাদেয় ভোজ্য পশুকে পলায়নের বা আত্মরক্ষায় ক্ষমতা পর্য্যাপ্ত দেন নাই। বাস্তবিক মনুষ্যজাতি যেকণ অরক্ষিত—নখ-দন্ত শূল্যাদি বর্জিত, গমনে মন্থর এবং কোমলপ্রকৃতি, তাহা দেখিয়া বিস্মিত হইতে হয় যে, কি জন্তু ইশ্বর ইহাদিগকে সৃষ্টি করিয়াছেন। ব্যাঘ্রজাতির সেবা ভিন্ন ইহাদিগের জীবনের কোন উদ্দেশ্য দেখা যায় না।

এই সকল কারণে, বিশেষ তাহাদিগের মাংসের কোমলতা হেতু, আমরা মনুষ্যজাতিকে বড় ভালবাসি। দৃষ্টি মাত্রেই ধরিয়া খাই। আশ্চর্য্যের বিষয় এই যে, তাহারাও বড় ব্যাঘ্রভক্ত। এই কথায় যদি আপনারা বিশ্বাস না করেন, তবে তাহার উদাহরণ স্বরূপ আমার যাহা ঘটিয়াছিল, তদ্ব্তান্ত বলি। আপনারা অবগত আছেন, আমি বহুকালাবধি দেশ ভ্রমণ করিয়া বহুদূরী হইয়াছি। আমি যে দেশে প্রবাসে ছিলাম, সে দেশে এই ব্যাঘ্রভূমি সুন্দরবনের উত্তরে আছে। তথায় গো মনুষ্যাদি দুষ্প্রাণ্য অসিংস পশুগণই বাস করে। তথাকার মনুষ্য দ্বিবিধ ; এক জাতি কুম্ভবর্ণ, এক জাতি শ্বেতবর্ণ। একথা আমি সেই দেশে বিষয়কর্ম্মোপলক্ষে গমন করিয়াছিলাম।”

শুনিয়া মহাদেবীনাথে একজন উদ্ধতস্বভাব ব্যাঘ্র জিজ্ঞাসা করিলেন,
—“বিষয়কর্ম্মটা কি ?”

বৃহন্নাল মহাশয় কহিলেন, “বিষয়কর্ম, আহারাধেবণ। এখন সভ্যলোকে আহারাধেবণকে বিষয়কর্ম বলে। ফলে সকলেই যে আহারাধেবণকে বিষয়কর্ম বলে, এমনত নহে। সম্ভ্রান্ত লোকের আহারাধেবণের নাম বিষয়কর্ম, অসম্ভ্রান্তের আহারাধেবণের নাম জুয়াচুরি, উত্তবৃত্তি এবং ভিক্ষা। ধূর্তের আহারাধেবণের নাম চুরি; বলবানের আহারাধেবণ দস্যুতা; লোকবিশেষে দস্যুতা শব্দ ব্যবহার হয় না; তৎপরিবর্তে বীরত্ব বলিতে হয়। যে দস্যুর দণ্ডপ্রণেতা আছে, সেই দস্যুর কার্যের নাম দস্যুতা; যে দস্যুর দণ্ডপ্রণেতা নাই, তাহার দস্যুতার নাম বীরত্ব। আপনারা যখন সভ্যসমাজে অধিষ্ঠিত হইবেন, তখন এই সকল নামবৈচিত্র্য স্মরণ রাখিবেন, নচেৎ লোকে অসভ্য বলিবে। বস্তুতঃ আমার বিবেচনায় এত বৈচিত্র্যের প্রয়োজন নাই; এক উদয়-পূজা নাম রাখিলেই বীরত্বাদি সকল বুঝাইতে পারে। সে যাহাই হউক, যাত্রা চলিতোছলাম, শ্রবণ করুন। মনুষ্যেরা বড় বাজ্রভক্ত। আমি একদা মনুষ্যবসতি মধ্যে বিষয়-কর্মোপলক্ষে গিয়াছিলাম। শুনিয়াছেন, কয়েক বৎসর হইল, এই সুন্দরবনে পোট ক্যানিং কোম্পানি স্থাপিত হইয়াছিল।”

মহাশয় বক্তৃতা বন্ধ করাইয়া জিজ্ঞাসা করিলেন, “পোট ক্যানিং কোম্পানি কিরূপ ছত্ত ?”

বৃহন্নাল কহিলেন, “তাহা আমি সর্বিশেষ অবগত নহি। ঐ জন্তুর আকার, হস্তপদাদি কিরূপ, জিহ্বাংসাই বা কেমন ছিল, ঐ সকল আমরা অবগত নহি। শুনিয়াছি, ঐ জন্তু মনুষ্যের প্রাতিষ্ঠিত; মনুষ্যদিগেরই হৃদয়-শোণিত পান করত; এবং তাহাতে বড় মোটা হইয়া মরিয়া গিয়াছে। মনুষ্যজাত অত্যন্ত অপরিণামদর্শী। আপন আপন বধোপায় সর্বদা আপনারই সৃজন করিয়া থাকে। মনুষ্যেরা যে সকল অস্ত্রাদি ব্যবহার করিয়া থাকে, সেই সকল অস্ত্রই এ কথার প্রমাণ। মনুষ্যবধই ঐ সকল অস্ত্রের উদ্দেশ্য। শুনিয়াছি, কখন কখন সহস্র মনুষ্য প্রান্তরমধ্যে সমবেত হইয়া ঐ সকল অস্ত্রাদি দ্বারা পরস্পর গ্রোহার করিয়া বধ করে। আমার বোধ হয়, মনুষ্যগণ পরস্পরের বিনাশার্থ এই পোট

ক্যানিং কোম্পানি নামক শাকসের সৃজন করিয়াছিল। সে যাহাই হউক, আপনারা স্থির হইয়া এই মনুষ্য-বৃত্তান্ত গ্রহণ করুন। মধো মধো রসভজ করিয়া প্রাণ জিজ্ঞাসা করিলে বক্তৃতা হয় না। সভাজ্ঞানিগের এরূপ নিয়ম নাই। আমরা এক্ষণে সভা হইয়াছি, সকল কাজে সভানিগের নিয়মানুসারে চলা ভাল।

আমি একদা সেই পোর্ট ক্যানিং কোম্পানির বাসস্থান মাতলায় বিষয়কর্মোপলক্ষে গিয়াছিলাম। তথায় এক বংশমগুপ-মধ্যে একটা কোমল মাংসাক্ত নৃত্যশীল ছাগবৎস দৃষ্টি করিয়া তদাদ্যাদনার্থ মগুপ-মধ্যে প্রবেষ্ট হইলাম। ঐ মগুপ ভৌতিক—পশ্চাৎ জানিয়াছি, মনুষ্যেরা উহাকে কঁাদ বলে। আমার প্রবেশ মাত্র আপনা হইতে তাহার দ্বার রুদ্ধ হইল। কতকগুলি মনুষ্য তৎপরে সেইখানে উপস্থিত হইল। তাহারা আমার দর্শন পাইয়া পরমাস্তিত হইল এবং আহ্লাদসূচক টীংকার, হাস্য, পরিহাসাদি করিতে লাগিল। তাহারা যে আমার ভূয়সী প্রশংসা করিতেছিল, তাহা আমি বুঝিতে পারিয়াছিলাম। কেহ আমার আকারের প্রশংসা করিতেছিল, কেহ আমার দন্তের, কেহ নখের, কেহ লাজুলের গুণগান করিতে লাগিল এবং অনেকে আমার উপর প্রীত হইয়া, পত্নীর সহোদরকে যে সম্বোধন করে, আমাকে সেই প্রিয়সম্বোধন করিল। পরে তাহারা ভক্তিভাবে আমাকে মগুপ-সমেত স্বন্ধে বহন করিয়া, এক শকটের উপর উঠাইল। তুই অমলশ্বেতকাস্তি বলদ ঐ শকট বহন করিতেছিল। তাহাদিগকে দেখিয়া আমার বড় ক্ষুধার উজ্জেক হইল। কিন্তু তৎকালে ভৌতিক মগুপ হইতে বাহির হইবার উপায় ছিল না, এ জন্ত অর্ধভুক্ত ছাগে তাহা পরিতৃপ্ত হইলাম। আমি সুখে শকটারোহণ করিয়া ছাগমাংস ভক্ষণ করিতে করিতে এক নগরবাসী স্বেতবর্ণ মনুষ্যের আবাসে উপস্থিত করিলাম। সে আমার সম্মানার্থ স্নায় দ্বারদেশে আসিয়া আমায় অভ্যর্থনা করিল এবং লৌহদণ্ডাদিভূষিত এক সুরমা গৃহমধ্যে আমার আবাসস্থান নির্দেশ করিয়া দিল। তথায় সজীব বা সস্ত হত ছাগ মেঘ গবাদির উপায়ে মংস শোণিতের দ্বারা আমার সেবা করিত। অন্যান্য দেশবিদেশীয় বহুতর মনুষ্য আমাকে দর্শন করিতে

আসিত, আমিও বুকিতে পারিতাম যে, উহারা আমাকে দেখিয়া চরিতার্থ হইত।

আমি বহুকাল ঐ লৌহজালারূপ প্রকোষ্ঠে বাস করিলাম। ইচ্ছা ছিল না যে, সে মুখ ত্যাগ করিয়া আর ফিরিয়া আসি। কিন্তু স্বদেশ-বাংসলা প্রযুক্ত থাকিতে পারিলাম না। আহা! যখন এই জন্মভূমি আমার মনে পড়িত, তখন আমি হাউ হাউ করিয়া ডাকিতে থাকিতাম। হে মাতঃ স্মরণবন! আমি কি তোমাকে কখন ভুলিতে পারিব? আচ্ছা! তোমাকে যখন মনে পড়িত; তখন আমি ছাগমাংস ত্যাগ করিতাম, মেঘমাংস ত্যাগ করিতাম। (অর্থাৎ অস্থি এবং চর্ম মাত্র ত্যাগ করিতাম)—এবং সর্বদা লাঙ্গুলাঘাতের দ্বারা আপনার অন্তঃ-করণের চিন্তা লোককে জানাইতাম। হে জন্মভূমি! যতদিন আমি তোমাকে দেখি নাই, ততদিন ক্ষুধা না পাইলে খাই নাই, নিদ্রা না আসিলে নিদ্রা যাই নাই। তুম্বের অধিক পরিচয় আর কি দিব, পেটে যাহা ধরিত, তাহাই খাইতাম, তাহার উপর আর তুই চারি সের মাত্র মাংস খাইতাম। আর খাইতাম না।”

তখন বৃহস্পতি মতালয়, জন্মভূমির প্রেমে অভিভূত হইয়া অনেককণ নীরব হইয়া রহিলেন। বোধ হইল, তিনি অশ্রুপাত করিতেছিলেন এবং তুই এক বিন্দু স্বচ্ছ দ্বারা পতনের চিহ্ন ভূতলে দেখা গিয়াছিল। কিন্তু কড়িপয় যুবা বাস্তব তর্ক করেন যে, সে বৃহস্পতীর অশ্রুপতনের চিহ্ন নহে। মনুষ্যালয়ের প্রচুর আহারের কথা স্মরণ হইয়া সেই ব্যস্তের মুখে লাল পড়িয়াছিল।

লেকচারর তখন বৈধা প্রাপ্ত হইয়া পুনরাপি বলিতে আরম্ভ করিলেন, “কি প্রকারে আমি সেই স্থান ত্যাগ করিলাম, তাহা বলিবার প্রয়োজন নাই। আমার অভিপ্রায় বুঝিয়াই হউক, আর ভুলক্রমেই হউক, আমার ভৃত্য একদিন আমার মন্দির-মার্জনাতে দ্বার মুক্ত রাখিয়া গিয়াছিল। আমি সেই দ্বার দিয়া নিজাস্ত হইয়া উদ্ভানরক্ষকে মুখে করিয়া লইয়া চলিয়া আসিলাম।

এই সকল বৃত্তান্ত সবিস্তারে বলার কারণ এই যে, আমি বহুকাল

মনুষ্যালয়ে বাস করিয়া আসিয়াছি—মনুষ্যচরিত্র সর্বশেষ অবগত আছি—তুমিরা আপনারা আমার কথায় বিশেষ আস্থা করিবেন, সন্দেহ নাই। আমি যাহা দেখিয়াছি, তাহাই বলিব। অন্ত পৰ্বটকদিগের দ্বায় অমূলক উপস্থাস বলা আমার অভ্যাস নাই। বিশেষ, মনুষ্যসম্বন্ধে অনেক উপস্থাস আমরা চিরকাল তুমিরা আসিতেছি ; আমি সে সকল কথায় বিশ্বাস করি না। আমরা পূৰ্ব্বাপর তুমিরা আসিতেছি যে, মনুষ্যেরা ক্ষুদ্রজীবী হইয়াও পৰ্ব্বতাকার বিচিত্র গৃহ নির্মাণ করে। ঐরূপ পৰ্ব্বতাকার গৃহে তাহারা বাস করে বটে, কিন্তু কখন তাহাদিগকে ঐরূপ গৃহ নির্মাণ করিতে আমি চক্ষু দেখি নাই। সুতরাং তাহারা যে ঐরূপ গৃহ স্বয়ং নির্মাণ করিয়া থাকে, ইহার প্রমাণাভাব। আমার পোষ হয়, তাহারা যে সকল গৃহে বাস করে, তাহা প্রকৃত পৰ্ব্বত বটে, দভাবের সৃষ্টি ; তবে বহু গুহাবিশিষ্ট দেখিয়া বুদ্ধিজীবী মনুষ্যপণ্ড তাহাতে আশ্রয় করিয়াছে।*

মনুষ্য-জন্ত উভয়াঙ্গারী। তাহারা মাংসভোজী ; এবং ফলমূলও আহাৰ করে। বড় বড় গাছ খাইতে পারে না ; ছোট ছোট গাছ সমূলে তাহার করে। মনুষ্যেরা ছোট গাছ এত ভালবাসে যে, আপনারা তাহার চাষ করিয়া ঘেরিয়া রাখে। ঐরূপ রক্ষিত ভূমিকে ক্ষেত বা বাগান বলে। এক মনুষ্যের বাগানে অন্য মনুষ্য চরিতে পায় না।

মনুষ্যেরা ফল মূল লতা গুল্মাদি ভোজন করে বটে, কিন্তু ঘাস খায় কি না, বলিতে পারি না। কখন কোন মনুষ্যকে ঘাস খাইতে দেখি নাই। কিন্তু এ বিষয়ে আমার কিছু সংশয় আছে। শ্বেতবর্ণ মনুষ্যেরা এবং কৃষ্ণবর্ণ ধনবান্ মনুষ্যেরা বহু যত্নে আপন আপন উচ্চানে ঘাস তৈয়ার করে। আমার বিবেচনায় উভারা ঐ ঘাস খাইয়া থাকে। নহিলে

* পাঠক মহাশয় বহুভাষ্যের ন্যায়শাস্ত্রে ব্যাংগ্যে দেখিয়া বিস্মিত হইবেন না। এইরূপ তর্কে মাক্সমুলার দ্বির করিয়াছেন যে, প্রাচীন ভারতবর্ষীয়েরা লিখিতে জানিতেন না। এইরূপ তর্কে জেমস মিল দ্বির করিয়াছেন যে, প্রাচীন ভারতবর্ষীয়েরা অসভ্য জাতি এবং সংস্কৃত ভাষা অসভ্য ভাষা। কিন্তু এই ব্যাখ্যা পাঠ্যে এবং অন্য পাঠ্যে অধিক কৈলকণ্য দেখা যায় না।

ঘাসে তহাদের এত যত্ন কেন ? একপ আমি একজন কৃকবর্ণ মনুষ্যের মুখে শুনিরাছিলাম । সে বলিতেছিল, ‘দেশটা উচ্চর গেল—যত সাহেব শুবো বড় মানুষে বসে এসে ঘাস খাইতেছে ।’ সুতরাং প্রধান মনুষ্যেরা যে ঘাস খায়, তাহা এক প্রকার নিশ্চয় ।

কোন মনুষ্য বড় ক্রুদ্ধ হইলে বলিয়া থাকে, ‘আমি কি ঘাস খাই ?’ আমি জানি, মনুষ্যদিগের সম্ভাব এই তাহারা যে কাজ করে, অতি যত্নে তাহা গোপন করে । অতএব দেখানে তাহারা ঘাস খাওয়ার কথায় রাগ করে, তখন অপর ‘সিদ্ধান্ত’ করিতে হইবে যে, তাহারা ঘাস খাইয়া থাকে ?

মনুষ্যেরা পশু পূজা করে । আমার যে প্রকার পূজা করিয়াছিল, তাহা বলিয়াছি । অশ্বদিগেরও উহার ঐরূপ পূজা করিয়া থাকে ; অশ্বদিগকে আশ্রয় দান করে, আহার যোগায়, গাত্র মৌত ও মাজুনাঙ্গি করিয়া দেয় । বোধ হয়, অশ্ব মনুষ্য হইতে শ্রেষ্ঠ পশু বলিয়াই মনুষ্যেরা তাহার পূজা করে ।

মনুষ্যেরা ছাগ, মেঘ, গবাদিও পালন করে । গো সম্বন্ধে তাহাদের এক আশ্চর্য্য ব্যাপার দেখা গিয়াছে ; তাহারা গোরুর দুগ্ধ পান করে । ইহাতে পূর্বকালের ব্যাজ পণ্ডিতেরা সিদ্ধান্ত করিয়াছেন যে, মনুষ্যেরা কোন কালে গোরুর বৎস ছিল । আমি তত দূর বল না, কিন্তু এই কারণেই বোধ করি, গোরুর সঙ্গে মানুষের বৃদ্ধিগত সাদৃশ্য দেখা যায় ।

সে যাহাই হউক, মনুষ্যেরা আহারের সুবিধার জন্য গোরু, ছাগল, এবং মেঘ পালন করিয়া থাকে । ইহা এক সুরীতি, সন্দেহ নাই । আমি মানস করিয়াছি, প্রস্তাব করিব যে, আমরাও মানুষের গোহাল প্রস্তুত করিয়া মনুষ্য পালন করিব ।

গো, অশ্ব, ছাগ ও মেঘের কথা বলিলাম । ইহা ভিন্ন হস্তী, উই, পক্ষি, কুকুর, বিড়াল, এমন কি, পক্ষী পর্য্যন্ত তাহাদের কাছে সেবা প্রাপ্ত হয় । অতএব মনুষ্য জাতিতে সকল পশুর ভৃত্য বলিলেও বলা যায় ।

মনুষ্যালয়ে অনেক বানরও দেখিলাম । যে সকল বানর দ্বিবিধ ; এক সলাজুল, অপর লাজুল-শূন্য । সলাজুল বানরেরা প্রায় ছাদের উপর,

না হয় গাছের উপর থাকে। নীচেও অনেক বানর আছে বটে, কিন্তু অধিকাংশ বানরই উচ্চপদস্থ। বোধ হয়, বংশমর্যাদা বা জাতিগৌরব ইহার কারণ।

মনুষ্যচরিত্র অতি বিচিত্র। তাহাদের মধ্যে বিবাহের সে রীতি আছে, তাহা অসম্ভব কৌতুকবহু। তন্তুর তাহাদিগের রাজনীতিও অত্যন্ত মনোহর। ক্রমে ক্রমে তাহা বিবৃত করিতেছি।

এই পর্য্যায় প্রবন্ধ পঠিত হইলে, সভাপতি অমিতোদর, দূরে একটি হরিণশিশু দেখিতে পাইয়া, চেয়ার হইতে লাফ দিয়া তদনুসরণে ধাবিত হইলেন। অমিতোদর এইরূপ দূরদর্শী বলিয়াই সভাপতি হইয়াছিলেন। সভাপতিকে অকস্মাৎ বজ্রালোচনায় বমুখ দেখিয়া, প্রবন্ধপাঠক কিছু ক্ষুব্ধ হইলেন। তাহার মনের ভাব বুঝিতে পারিয়া একজন বিজ্ঞ সভ্য তাহাকে কহলেন “আপনি ক্ষুব্ধ হইবেন না, সভাপতি মহাশয় বিষয়কসম্মোপলক্ষে দৌড়িয়াছেন। হরিণের পাল আসিয়াছে, আমি জ্ঞান পাইতেছি।”

এই কথা শুনিবামাত্র মহাবিজ্ঞ সভ্যরা লাঙ্গুলোখিত করিয়া, যিনি যে দিকে পারলেন, সেই দিকে বিখয়কর্মের চেষ্টায় ধাবিত হইলেন। লেকচাররও এই বিজ্ঞার্থীদের দৃষ্টান্তের অনুবর্তী হইলেন। এইরূপে সে দিন ব্যাজ্রদিগের মহাসভা অকালে ভঙ্গ হইল।

পরে তাহারা অল্প একদিন সকলে পরামর্শ করিয়া আহাৰাস্ত্রে সভার অধিবেশন করিলেন। সে দিন নিম্নলিখিত সভার কার্য সম্পন্ন হইয়া প্রবন্ধের অবশিষ্টাংশ পঠিত হইল। তাহার বিজ্ঞাপনী প্রাপ্ত হইলে, আমরা প্রকাশ করিব।

দ্বিতীয় প্রবন্ধ

সভাপতি মহাশয়, বাঘিনীগণ এবং ভদ্র ব্যাজ্রগণ।

আমি প্রথম বক্তৃতায় অঙ্গীকার করিয়াছিলাম যে, বাঘুষের বিবাহ-প্রণালী এবং অন্যান্য বিষয় সম্বন্ধে কিছু বলিব। ভদ্রের অঙ্গীকার পালনই প্রধান ধর্ম। অতএব আমি একবারেই আমার বিষয়ে প্রবেশ করিলাম।

বিবাহ কাহাকে বলে আপনারা সকলেই অবগত আছেন। সকলেই মধো মধ্য অবকাশ মতে বিবাহ করিয়া থাকেন। কিন্তু মনুষ্যবিবাহে কিছু বৈচিত্র্য আছে। ব্যাজ প্রভৃতি সভ্য পশুদিগের দারপরিগ্রহ কেবল প্রয়োজনানুযায়ী, মনুষ্যপশুর সেরূপ নহে—তাহাদের মধো অনেকেই এককালীন জন্মের মত বিবাহ করিয়া রাখে।

মনুষ্যবিবাহ দ্বিবিধ—নিতা এবং নৈমিত্তিক। তন্মধ্যে নিতা অথবা পৌরোহিত্য বিবাহই মান্য। পুরোহিতকে মধ্যবস্ত্রী করিয়া যে বিবাহ সম্পন্ন হইয়া থাকে, তাহাই পৌরোহিত্য বিবাহ।

মহাদেবী। পুরোহিত কি?

ব্রহ্মজ্ঞানী। অভিধানে লেখে, পুরোহিতঃ চালকলাভোজী বঞ্চনা-বাবসায়ী মনুষ্যনিষেধ। কিন্তু এই বাখ্যা চুট্ট কেন না, সকল পুরোহিত চালকলাভোজী নহে, অনেক পুরোহিত মজা মাংস খাইয়া থাকেন; অনেক পুরোহিত সর্বভুক্ত। পক্ষান্তরে চালকলা খাইলেই পুরোহিত হয়, এমন নহে। বারানসী নামক নগরে অনেকগুলি ব্রাহ্মণ আছে—তাহারা চালকলা খাইয়া থাকে। তাহারা পুরোহিত নহে, তাহার কারণ তাহারা বঞ্চক নহে। বঞ্চকে যদি চালকলা খায়, তাহা হইলেই পুরোহিত হয়।

পৌরোহিত্য বিবাহে এইরূপ একজন পুরোহিত বরকন্যার মধ্যবস্ত্রী হইয়া বসে। বসিয়া কতকগুলি বকে। এই বক্তৃতাকে মন্ত্র বলে। তাহার অর্থ কি, আমি সর্বশেষ অবগত নহি, কিন্তু আমি যেক্রপ পণ্ডিত, তাহাতে ঐ সকল মন্ত্রের একপ্রকার অর্থ মনে মনে অনুভূত করিয়াছি। বোধ হয়, পুরোহিত বলে, “তু বরকন্যা! আমি আত্মা করিতেছি, তোমরা বিবাহ কর। তোমরা বিবাহ করিলে, আমি নিতা চালকলা পাইব—অতএব তোমরা বিবাহ কর। এই কন্যার গর্ভাধানে, সীমন্তোন্নয়নে, সূতিকাগারে, চালকলা পাইব—অতএব তোমরা বিবাহ কর। সন্তানের বস্ত্রীপূজায়, অন্নপ্রাশনে, কর্ণবেধে, চূড়াকরণে বা উপনয়নে—অনেক চালকলা পাইব, অতএব তোমরা বিবাহ কর। তোমরা সংসারধর্ম্যে প্রবৃত্ত হইলে, সর্বদা ব্রত নিয়মে, পূজা পার্বণে, যাগ যজ্ঞে রত হইবে, সুতরাং আমি অনেক চালকলা পাইব, অতএব তোমরা বিবাহ কর। বিবাহ কর, কখন এ-

বিবাহ রহিত করিও না। যদি রহিত কয়, তবে আমার চালকলার বিশেষ বিষয় হইবে। তাহা হইলে এক এক চপেটাঘাতে তোমাদের মুণ্ডপাত করিব। আমাদের পূর্বপুরুষদিগের এইরূপ আজ্ঞা।" বোধ হয়, এই শাসনের জন্তই পৌরোহিত্য বিবাহ কখন রহিত হয় না।

আমাদিগের মধ্যে যে বিবাহপ্রথা প্রচলিত আছে, তাহাকে নৈমিত্তিক বিবাহ বলা হয়। মনুষ্যমধ্যে এরূপ বিবাহও সচরাচর প্রচলিত। অনেক মনুষ্য এবং মানুষী, নিত্য নৈমিত্তিক উভয়বিধ বিবাহ করিয়া থাকে। কিন্তু নিত্য নৈমিত্তিক বিবাহে বিশেষ প্রভেদ এই যে, নিত্য বিবাহ কেহ গোপন করে না, নৈমিত্তিক বিবাহ সকলেই প্রাণপণে গোপন করে। যদি একজন মনুষ্য অথবা মনুষ্যের নৈমিত্তিক বিবাহের কথা জানিতে পারে, তাহা হইলে কখন কখন তাহাকে ধরিয়া প্রহার করে। আমার বিবেচনায় পুরোহিতরাই এই অনর্থের মূল। নৈমিত্তিক বিবাহে তাহারা চালকলা পায় না—সুতরাং ইহার দমনই তাহাদের উদ্দেশ্য—তাহাদের শিক্ষামতে সকলেই নৈমিত্তিক বিবাহকারীকে ধরিয়া প্রহার করে। কিন্তু বিশেষ চমৎকার এই যে, অনেকেই গোপনে সয়ঃ নৈমিত্তিক বিবাহ করে, অথচ পরকে নৈমিত্তিক বিবাহ করিতে দেখিলে ধরিয়া প্রহার করে।

ইহাতে আমার বিবেচনা হইতেছে যে, অনেক মনুষ্যই নৈমিত্তিক বিবাহে সম্মত, তবে পুরোহিত প্রভৃতির ভয়ে মুখ ফুটিতে পারে না। আমি মনুষ্যালয়ে বাসকালীন জানিয়া আসিয়াছি, অনেক উচ্চশ্রেণীস্থ মনুষ্যের নৈমিত্তিক বিবাহে বিশেষ আদর। যাহারা আমাদের স্থায় সুসভা, সুতরাং পশুবৃত্ত, তাঁহারা এই বিষয়ে আমাদের অনুকরণ করিয়া থাকেন। আমার এমনও ভরসা আছে যে, কাল মনুষ্যজাতি আমাদের স্থায় সুসভ্য হইলে, নৈমিত্তিক বিবাহ তাহাদের মধ্যে সমাজ-সম্মত হইবে। অনেক মনুষ্যপণ্ডিত তৎপক্ষে প্রবৃত্তিদায়ক গ্রন্থাবলি লিখিতেছেন। তাঁহারা স্বজাতিহিতৈষী, সন্দেহ নাই। আমার বিবেচনায়, সম্মানবর্দ্ধনার্থ তাঁহাদিগকে এই ব্যাঙ্গ-সমাজের অনার্যের মেঘের নিবৃত্ত করিলে ভাল হয়। ভরসা করি, তাঁহারা সভ্য হইলে, আপনারা তাঁহাদিগকে জলযোগ করিবেন না। কেন না, তাঁহারা আমাদের স্থায়

নীতিজ্ঞ এবং লোকহিতৈষী ।

মহুগ্ৰামাধো বিশেষ এক প্রকার নৈমিত্তিক বিবাহ প্রচলিত আছে, তাহাকে মৌজিক বিবাহ বলা যাইতে পারে । এ প্রকার বিবাহ সম্পন্ন হইলেই মৌজিক বিবাহ সম্পন্ন হয় ।

মহাদেবী । মুজা কি ?

গৃহস্বামী । মুজা মহুগ্ৰামাদের পূজা দেবতাবিশেষ । যদি আপনাদিগের কৌতূহল থাকে, তবে আমি সবিশেষ সেই মহাদেবীর গুণ কীর্ত্তন করি । মহুগ্ৰা যত দেবতার পূজা করে, তন্মধ্যে ইহার প্রতিই তাহাদের বিশেষ ভক্তি । ইনি সাকারা । স্বর্ণ, রৌপ্য এবং তাম্রে ইহার প্রতিমা নিৰ্ম্মিত হয় । লৌহ, তাম্র এবং কাষ্ঠে ইহার মন্দির প্রস্তুত করে । রেশম, পশম, কার্পাস, চন্দ্র প্রভৃতিতে ইহার সিংহাসন রচিত হয় । বাহুযগণ রাত্রিদিন ইহার ধ্যান করে এবং কিসে ইহার দর্শন প্রাপ্ত হইবে, সেই জন্য সর্বদা শশবাস্ত হইয়া বেড়ায় । যে বাড়ীতে টাকা আছে জানে, অচরিত সেই বাড়ীতে মহুগ্ৰামা যাতায়াত করিতে থাকে,—এমনিই ভক্তি কিছুতেই সে বাড়ী ছাড়ে না—মারিলেও যায় না । যে এই দেবীর পুরোচিত, অথবা যাহার গৃহে ইনি অধিষ্ঠান করেন, সেই ব্যক্তি মহুগ্ৰামাধো প্রধান হয় । অতঃপর মহুগ্ৰামা সর্বদাই তাঁহার নিকট যুক্তকরে স্থব স্তব করিতে থাকে । যদি মুজাদেবীর অধিকারী একবার তাঁহাদের প্রাতঃকটাক্ষ করে, তাহা হইলে তাঁহারা চরিতার্থ হয়েন

দেবতাও বড় জাগ্রৎ । এমন কাজই নাই যে, এই দেবীর অনুগ্রহে সম্পন্ন হয় না । পৃথিবীতে এমন সামগ্রীই নাই যে, এই দেবীর বরে পাওয়া যায় না । এমন চক্ষুই নাই যে, এই দেবীর উপাসনায় সম্পন্ন হয় না । এমন দোষই নাই যে, ইহার অনুকম্পায় টাকা পড়ে না । এমন গুণই নাই যে, তাঁহার অনুগ্রহে বাতীত গুণ বলিয়া মহুগ্ৰামাজে প্রতিপন্ন হইতে পারে ; যাহার ঘরে ইনি নাই—তাঁহার আবার গুণ কি ? যাহার ঘরে ইনি বিরাজ করেন, তাঁহার আবার দোষ কি ? মহুগ্ৰামাজে মুজাদেবীর অনুগ্রহীত ব্যক্তিকেই ধার্মিক বলে—মুজাহীনতাকেই

অর্থ্য বলে । মুদ্রা থাকিলেই বিজ্ঞান হইল । মুদ্রা বাহার নাই, তাহার বিজ্ঞা থাকিলেও, মনুষ্য-শাস্ত্রানুসারে সে মূৰ্য্য বলিয়া গণ্য হয় । আমরা যদি “বড় বাঘ” বলি, তবে অমিতোদর, মহামন্ত্ৰী প্রভৃতি প্রকাণ্ডাকার মহাব্যাঙ্গগণকে বুঝাইবে । কিন্তু মনুষ্যলয়ে “বড় মানুষ” বলিলে সেরূপ অর্থ হয় না—আট হাত বা দশ হাত মানুষ বুঝায় না, বাহার ঘরে এই দেবী বাস করেন, তাঁহাকেই “বড় মানুষ” বলে । বাহার ঘরে এই দেবী স্থাপিতা নহেন সে পাঁচ হাত লম্বা হইলেও তাহাকে “ছোট লোক” বলে ।

মুদ্রাদেবীর এইরূপ নানা বধ গুণগান শ্রবণ করিয়া আমি প্রথমে সন্দেহ করিয়াছিলাম যে, মনুষ্যালয়ে হইতে ইহাকে আনিয়া বায়াজালে স্থাপন করিব । কিন্তু পশ্চাৎ বাহা শুনিলাম, তাহাতে বিরত হইলাম । শুনিলাম যে, মুদ্রাই মনুষ্যজাতির হৃৎ অনিষ্টের মূল । বায়াজাদ প্রধান পত্নীরা কখন সজাতির হিংসা করে না, কিন্তু মনুষ্যেরা সর্বদা আত্মজাতির হিংসা করিয়া থাকে । মুদ্রাপূজাই ইহার কারণ । মুদ্রার লোভে, সকল মনুষ্যেই পরস্পরের অনিষ্ট চেষ্টায় রত । প্রথম বক্তৃতায় বলিয়াছিলাম যে, মনুষ্যেরা সহস্রে সহস্রে প্রাক্তরমধো সমবেত হইয়া পরস্পরকে হনন করে । মুদ্রাই তাহার কারণ । মুদ্রাদেবীর উদ্বেজনায়ে সর্বদাই মনুষ্যেরা পরস্পরে হত, আহত, পীড়িত, অবরুদ্ধ, অপমানিত, তিরস্কৃত করে । মনুষ্যলোকে বোধ হয়, এমত অনিষ্টই নাই যে, এই দেবীর অক্লান্ত প্রেরিত নহে । ইহা আমি জানিতে পারিয়া, মুদ্রাদেবীর উদ্দেশে প্রণাম করিয়া তাঁহার পূজার অভিশাপ ভাগ করিলাম ।

কিন্তু মনুষ্যেরা ইহা বুঝে না । প্রথম বক্তৃতাতেই বলিয়াছি যে, মনুষ্যেরা অত্যন্ত অপরিণামদর্শী—সর্বদাই পরস্পরের অনঙ্গল চেষ্টা করে । অতএব তাহারা অবিরত রূপার চাকি ও তামার চাকি সংগ্রহের চেষ্টায় কুমারের চাকের স্থায় ঘুরিয়া বেড়ায় ।

মনুষ্যদিগের বিবাহতত্ত্ব যেমন কৌতুকান্বিত, অস্বাভাবিক বিষয়ও তদ্রূপ । তবে, পাছে দীর্ঘ বক্তৃতা করিলে, আপনাদিগের বিষয়কর্ণের সময় পুনরুপস্থিত হয়, এইজন্য অল্প এইখানে সমাধা করিলাম । ভবিষ্যতে

যদি অবকাশ হয়, তবে অস্তিত্ব বিষয়ে কিছু বলিব।

এইরূপে বক্তৃতা সমাধা করিয়া পণ্ডিতবর ব্যাজাচার্য্য বৃহন্নাঙ্গুল, বিপুল লাজুলচট্টোপাধ্যায়ের উপবেশন করিলেন। তখন দীর্ঘনিশ্বাস নামে এক সুশিক্ষিত যুবা ব্যাজ গাজোখান করিয়া, হাউ মাউ শব্দে বিতর্ক আরম্ভ করিলেন।

দীর্ঘনিশ্বাস মহাশয় গর্জনাতে বলিলেন, “হে ভদ্র ব্যাজগণ। আমি অল্প বক্তার সম্বন্ধতার জন্ত তাঁহাকে ধন্যবাদ দিবার প্রস্তাব করি। কিন্তু ইহা বলিও কর্তব্য যে, বক্তৃতাটি নিতান্ত মন্দ; মিথ্যাকথাপরিপূর্ণ এবং বক্তা অতি গণ্ডমূর্থ।”

অমিত্যেদর : আপনি শাস্ত হউন। সভাজাতীয়েরা অতি স্পষ্ট করিয়া গালি দেয় না। প্রকটভাবে আপনি আরও গুরুতর গালি দিতে পারেন।

দীর্ঘনিশ্বাস : যে আজ্ঞা। বক্তা অতি সভাবাদী, তিনি বাহা বলিলেন, তাহার মধ্যে অধিকাংশ কথা অপ্রকৃত হইলেও, দুই একটা সত্য কথা পাওয়া যায়। তিনি অতি সুপণ্ডিত ব্যক্তি। অনেকেই মনে করিতে পারেন যে, এটি বক্তৃতার মধ্যে বক্তব্য কিছুই নাই। কিন্তু আমরা যাহা পাইলাম, তাহার জন্ত কৃতজ্ঞ হওয়া উচিত। তবে বক্তৃতার সকল কথায় সম্মতি প্রকাশ করিতে পারি না। বিশেষ, তাদৌ মনুষ্যমণ্ডো বিবাহ কাহাকে বলে, বক্তা তাহাই অবগত নহেন। ব্যাজজাতীর কুলরক্ষার্থ যদি কোন বাঘ কোন বাঘিনীকে আপন সহচরী করে (সহচরী, সঙ্গে চরে) তাহাকেই আমরা বিবাহ বলি। মানুষের বিবাহ সেরূপ নহে। মানুষ সম্ভবতঃ দুর্বল এবং প্রভুভক্ত। সুতরাং প্রত্যেক মনুষ্যের এক একটি প্রভু চাহি। সকল মনুষ্যই এক একজন স্ত্রীলোককে আপন প্রভু বলিয়া নিযুক্ত করে। ইহাকেই তাহার বিবাহ বলে। যখন তাহার কাহাকে সাক্ষী করিয়া প্রভু নিয়োগ করে, তখন সে বিবাহকে পৌরোহিত্য বিবাহ বলা যায়। সাক্ষীর নাম পুরোহিত। বৃহন্নাঙ্গুল মহাশয় বিবাহ মন্ত্রের যে ব্যাখ্যা করিয়াছেন, তাহা অযথার্থ সে মন্ত এইরূপ;—

পুরোহিত। বল, আমাকে কি বিষয়ের সাক্ষী হইতে হইবে?

বর। সাক্ষী থাকুন, আমি এই ত্রীলোকটিকে জন্মের মত আমার প্রভুকে নিযুক্ত করিলাম।

পুরো। আর কি ?

বর। আর আমি জন্মের মত ইঁহার ত্রীচরণের গোলাম হইলাম।
আহার যোগানোর ভার তাহার উপর ;—খাইবার ভার উঁহার উপর।

পুরো। (কন্যার প্রতি) তুমি কি বল ?

কন্যা। আমি ইচ্ছাক্রমে এই ভূতটিকে গ্রহণ করিলাম। যত দিন ইচ্ছা হইবে, চরণসেবা করিতে দিব। যে দিন ইচ্ছা না হইবে, সে দিন নাতি মারিয়া তাড়াইয়া দিব।

পুরো। শুভমস্ত্ব।

এইরূপ আরও অনেক ভুল আছে। যথা মুক্তাকে বক্তা মনুষ্য-পূজিত দেবতা বলিয়া বর্ণনা করিয়াছেন, কিন্তু বাস্তবিক উহা দেবতা নহে। মুক্তা একপ্রকার বিষচক্র। মনুষ্যেরা অত্যন্ত বিষপ্রিয় ; এই জন্য সচরাচর মুক্তাসংগ্রহজন্য যত্ববান। মনুষ্যগণকে মুক্তাভক্ত জানিয়া আমি পূর্বের বিবেচনা করিয়াছিলাম যে, ‘নাজানি, মুক্তা কেমনই উপাদেয় সামগ্রী ; আমাকে একাদিন খাইয়া দেখিতে হইবে।’ একদা বিভাধরী নদীর তীরে একটা মনুষ্যকে হত করিয়া ভোজন করিবার সময়ে, তাহার বস্ত্রমধ্যে কয়েকটা মুক্তা পাইলাম। পাইবামাত্র উদরসাৎ করিলাম। পরদিনবস উদরের পাঁড়া উপস্থিত হইল। সুতরাং মুক্তা যে একপ্রকার বিষ, তাহাতে সংশয় কি ?

দীর্ঘনিশ্বাস এইরূপে বক্তৃতা সমাপন করিলে পর অন্যান্য ব্যাঘ্র মহাশয়েরা উঠিয়া বক্তৃতা করিলেন। পরে সভাপতি আমিতোদর মহাশয় বলিতে লাগিলেন—

“এক্ষেত্রে রাত্রি অধিক হইয়াছে, বিষয়কক্ষের সময় উপস্থিত। বিশেষ, হরিণের পাল কখন আইসে, তাহার স্থিরতা কি ? অতএব দীর্ঘ বক্তৃতা করিয়া কালহরণ কর্তব্য নহে ; বক্তৃতা অতি উত্তম হইয়াছে—এবং বৃহত্তাঙ্গুল মহাশয়ের নিকট আমরা বড় বাধিত হইলাম। এক কথা এই বলিতে চাহি যে, আপনারা দুই দিন যে বক্তৃতা শুনিলেন, তাহাতে

অবশ্য বুঝিয়া থাকিবেন যে, মনুষ্য অতি অসভ্য পশু। আমরা অতি সভ্য পশু। সুতরাং আমাদের কর্তব্য হইতেছে যে, আমরা মনুষ্যগণকে আমাদের ন্যায় সভ্য করি। বোধ করি, মনুষ্যদিগকে সভ্য করিবার জন্যই জগদীশ্বর আমাদের মনুষ্যরূপে সৃষ্টি করিয়াছেন। বিশেষ, মানুষেরা সভ্য হইলে তাহাদের মাংস আরও কিছু সুখাদ্য হইতে পারে, এবং তাহারাও আরও সহজে ধরা দিতে পারে। কেন না, সভ্য হইলেই তাহারা বৃত্তিতে পারিবে যে, ব্যাজদিগের আহারার্থ শরীরদান করাই মানুষের কর্তব্য। এইরূপ সভ্যতাই আমরা শিখাইতে চাই। অতএব আপনারা এ বিষয়ে মনোযোগী হউন। ব্যাজদিগের কর্তব্য যে মনুষ্যদিগকে অগ্রে সভ্য করিয়া পশুচাং ভোজন করেন।”

সভাপতি মহাশয় এইরূপে বক্তৃতা সমাপন করিয়া লাঙ্গুলচট্টারব-
ন্ধে উপবেশন করিলেন, তখন সভাপতিকে ধন্যবাদ প্রদানান্তর
ব্যাজদিগের মহাসভা ভঙ্গ হইল। তাহারা যে স্থায়ী পারলেন, বিষয়-
কর্মে প্রয়াণ করিলেন।

যে ভূমিখণ্ডে সভার অধিষ্ঠান হইয়াছিল, তাহার চারি পার্শ্বে
কতকগুলি বড় বড় গাছ ছিল। কতকগুলি বানর তত্পরি আরোহণ
করিয়া বৃক্ষপত্রমধ্যে প্রচুর থাকিয়া ব্যাজদিগের বক্তৃতা শুনিতছিল।
ব্যাজেরা সভাকূর্মে ত্যাগ করিয়া গেলে, একটি বানর মুখ বাহির করিয়া
অন্য বানরকে ডাকিয়া কহিল, “বলি ভায়া, ডালে আছ?”

দ্বিতীয় বানর বলিল, “আছে, আছি।”

প্রথম বানর। আইস, আমরা এই ব্যাজদিগের বক্তৃতার
সমালোচনায় প্রবৃত্ত হই।

দ্বি, বা। কেন?

প্র, বা। এই বাঘেরা আমাদের চিরশত্রু। আইস, কিছু নিন্দা
করিয়া শত্রুতা সাধা যাউক!

দ্বি, বা। অবশ্য কর্তব্য। কাজটা আমাদের জাতির উচিত
বটে।

প্র, বা। আজ্ঞা, তবে দেখ, বাঘেরা কেহ নিকটে নাই ত?

ছি, বা। না। তথাপি আপনি একটু প্রচুর থাকিয়া বলুন।

প্র, বা। সেই কথাই ভাল! নইলে কি জানি কোন্ দিন কোন্
বাবের সম্মুখে পাড়িব, আর আমাকে ভোজন করিয়া ফেলিবে।

ছি, বা। বলুন। কি দোষ?

প্র, বা। প্রথম ব্যাকরণ অশুদ্ধ। আমরা বানরজাতি, ব্যাকরণে
বড় পণ্ডিত। ইহাদের ব্যাকরণ আমাদের বাঁহুরে ব্যাকরণের মত নহে।

ছি, বা। তারপর?

প্র, বা। ইহাদের ভাষা বড় মন্দ।

ছি, বা। হাঁ, উহারা বাঁহুরে কথা কয় না।

প্র, বা। ঐ যে অমিতোদর বলিল, ব্যাঙ্গদিগের কর্তব্য, অগ্রে
মহুগ্ৰদিগকে সভা করিয়া পশ্চাৎ ভোজন করেন, ইহা না বলিয়া যদি
বলিত, ‘অগ্রে মহুগ্ৰদিগকে ভোজন করিয়া পশ্চাৎ সভা করেন’, তাহা
হইলে সঙ্গত হইত।

ছি, বা। সন্দেহ কি—নাইলে আমাদের বানর বলিবে কেন?

প্র, বা। কি প্রকারে বক্তৃতা হয়, তাই উহারা জানে না। বক্তৃতায়
কিছু কিচমিচ করিতে হয়, কিছু লক্ষ্যক্ষ্য করিতে হয়, দুই এক বার মুখ
ভেঙ্গাইতে হয়, দুই এক বার কদলী ভোজন করিতে হয়; উহাদের
কর্তব্য আমাদের কাছে কিছু শিক্ষা হয়।

ছি, বা। আমরাদিগের কাছে শিক্ষা পাইলে বানর হইত, ব্যাঙ্গ
হইত না।

এমত সময়ে আরো কয়েকটা বানর সাহস লইয়া উঠিল। এক
বানর বলিল, “আমার বিবেচনায় বক্তৃতার মহাদোষ এই যে, বৃহন্নাজুল
আপনার জ্ঞান ও বুদ্ধির দ্বারা আবদ্ধ অনেকগুলি নূতন কথা
বলিয়াছেন। সে সকল কথা কোন গ্রন্থেই পাওয়া যায় না। যাহা পূর্ব-
লেখকদিগের চর্কিতচর্কণ নহে, তাহা নিতান্ত দুঃ। আমরা বানর
জাতি, চিরকাল চর্কিতচর্কণ করিয়া বানরলোকের ঐর্বাদ করিয়া
আসিতেছি—ব্যাঙ্গাচার্য যে তাহা করেন নাই ইহা মহাপাপ।”

তখন একটি রূপী বানর বলিয়া উঠিল, “আমি এই সকল বক্তৃতার

মধ্যে হাজার এক দোষ তালিকা করিয়া বাহির করিতে পারি। আমি হাজার এক স্থানে বৃক্ষিতে পারি নাই। বাহা আমার বিজ্ঞাবুদ্ধির অতীত তাহা মহাদোষ বই আর কি ?”

আর একটি বানর কহিল, “আমি বিশেষ কোন দোষ দেখাইতে পারি না। কিন্তু আমি ব্যায়াম রকম মুখভঙ্গী করিতে পারি; এবং অগ্নীল গালিগালাজ দিয়া আপন সভ্যতা এবং রসিকতা প্রচার করিতে পারি।”

এইরূপে বানরেরা ব্যাজদিগের নিন্দাবাদে প্রবৃত্ত রহিল। দেখিয়া এক খুলোদর বানর বলিল, “আমরা যেকোন নিন্দাবাদ করিলাম, তাহাতে মহান্নাগুল বাসায় গিয়া মরিয়া থাকিবে। আইস, আমরা কদলী ভোজন করি।”

ইরাজভোক্ত

(মহাভারত হইতে অনুবাদিত)

হে ইরাজ ! আমি তোমাকে প্রণাম করি। ১ ॥

তুমি নানাগুণে বিভূষিত, সুন্দর কাঙ্ক্ষাবিশিষ্ট, বহুল সম্পদযুক্ত ; অতএব হে ইরাজ ! আমি তোমাকে প্রণাম করি। ২ ॥

তুমি হস্তা—শরুদলের ; তুমি কঠা—আইনাদির ; তুমি বিধাতা—চাকরি প্রভৃতির। অতএব হে ইরাজ ! আমি তোমাকে প্রণাম করি। ৩ ॥

তুমি সমরে দিব্যানুধারী, শিকারে বল্লমধারী, বিচারাগারে অর্দ্ধ ইঞ্চি পরিমিত বাসবিশিষ্ট বেত্রধারী, আহারে কাটা-চাম্চেধারী ; অতএব হে ইরাজ ! আমি তোমাকে প্রণাম করি। ৪ ॥

তুমি একরূপে রাজপুরী মধ্যে অধিষ্ঠান করিয়া রাজ্য কর ; আর একরূপে পণ্যবীথিকা মধ্যে বাণিজ্য কর ; আর একরূপে কাছাড়ে চার চাব কর ; অতএব হে ত্রিমূর্ত্তে ! আমি তোমাকে প্রণাম করি। ৫ ॥

তোমার সবগুণ তোমার শ্রীত গ্রন্থাদিতে প্রকাশ ; তোমার রজোগুণ

তোমার কৃত মুছাদ্জিতে প্রকাশ ; তোমার তমোগুণ তোমার প্রদীপ্ত
ভারতবর্ষীয় সম্বাদনত্রাদিতে প্রকাশ ।—অতএব হে ত্রিগুণাত্মক ! আমি
তোমাকে প্রণাম করি । ৬ ॥

তুমি আছ, এই জন্ত তুমি সং ! তোমার শক্ররা রণক্ষেত্রে চিৎ ; এবং
তুমি উমেদারবর্গের আনন্দ ; অতএব হে সচ্চিদানন্দ ! তোমাকে আমি
প্রণাম করি । ৭ ॥

তুমি ব্রহ্মা—কেন না, তুমি প্রজাপতি ; তুমি বিষ্ণু—কেন না, কমলা
তোমার প্রতিই কৃপা করেন ; এবং তুমি মহেশ্বর—কেন না, তোমার
গৃহিণী গৌরী । অতএব হে ইংরাজ ! আমি তোমাকে প্রণাম
করি । ৮ ॥

তুমি ইন্দ্র, কামান তোমার বজ্র ; তুমি চন্দ্র, ইন্‌কম টেন্স তোমার
কলঙ্ক ; তুমি বায়ু, রেইলওয়ে তোমার গমন ; তুমি বরুণ, সমুদ্র তোমার
রাজ্য ; অতএব হে ইংরাজ ! আমি তোমাকে প্রণাম করি । ৯ ॥

তুমিই দিবাকর, তোমার আলোকে আমাদের অজ্ঞানান্ধকার দূর
হইতেছে ; তুমিই অগ্নি কেন না, সব খাও ; তুমিই যম, বিশেষ আমলা-
বর্গের । ১০ ॥

তুমি বেদ, আর ঋক্যজুসাদি মানি না ; তুমি স্মৃতি—ম্বাদি ভুলিয়া
গিয়াছি ; তুমি দর্শনশ্রায়, মীমাংসা প্রভৃতি তোমারই হাত । অতএব
হে ইংরাজ ! তোমাকে প্রণাম করি । ১১ ॥

হে শ্বেতকান্ত ! তোমার অমল-ধবল দ্বিরদ-রদন্তু মহাশ্মশ্রুশোভিত
মুখমণ্ডল দেখিয়া আমার বাসনা হইয়াছে, আমি তোমার স্তব করিব ;
অতএব হে ইংরাজ ! আমি তোমাকে প্রণাম করি । ১২ ॥

তোমার হরিতকপিশ পিঙ্গললোহিত কৃষ্ণশ্রুত্রাদি নানা বর্ণশোভিত,
অতিযত্নরঞ্জিত, ভল্লুকমেদমাজ্জিত কুস্তলাবলি দেখিয়া আমার বাসনা
হইয়াছে, আমি তোমার স্তব করিব ; অতএব হে ইংরাজ ! আমি
তোমাকে প্রণাম করি । ১৩ ॥

তুমি কলিকালে গৌরাজীবতার, তাহার সন্দেহ নাই । ছাট তোমার
সেই গোপবেশের চূড়া ; পেটুলন সেই ষড়া—আর ছইপ্‌ সেই মোহন

মুরলী—অতএব হে গোপীবরভ ! আমি তোমাকে প্রণাম করি । ১৪ ॥

হে বরদ ! আমাকে বর দাও । আমি শামলা মাথায় বাঁধিয়া তোমার পিছু পিছু বেড়াইব—তুমি আমাকে চাকরি দাও । আমি তোমাকে প্রণাম করি । ১৫ ॥

হে শুভঙ্কর ! আমার শুভ কর । আমি তোমার খোশামোদ করিব, তোমার প্রিয় কথা কহিব, মনরাখা কাজ করিব—আমায় বড় কর, আমি তোমাকে প্রণাম করি । ১৬ ॥

হে মানদ ! আমায় টাইটল দাও, খেতাব দাও, খেলাত দাও ;—আমাকে তোমার প্রসাদ দাও—আমি তোমাকে প্রণাম করি । ১৭ ॥

হে ভক্তবৎসল ! আমি তোমার পাত্রাবশেষ ভোজন করিতে ইচ্ছা করি—তোমার করম্পর্শে লোকমণ্ডলে মহামান্যস্পদ হইতে বাসনা করি, —তোমার স্বহস্তলিখিত তুমি একখানা পত্র বাঙ্গলমধ্যে রাখিবার স্পষ্টা করি—অতএব হে ইরাজ ! তুমি আমার প্রতি প্রসন্ন হও ; আমি তোমাকে প্রণাম করি । ১৮ ॥

হে অন্তর্ধামিন্ ! আমি যাহা কিছু করি, তোমাকে ভূলাইবার জন্ত । তুমি দাতা বলিবে বলিয়া আমি দান করি ; তুমি পরোপকারী বলিবে বলিয়া আমি পরোপকার করি, তুমি বিদ্বান্ বলিবে বলিয়া লেখা পড়া করি । অতএব হে ইরাজ ! তুমি আমার প্রতি প্রসন্ন হও । আমি তোমাকে প্রণাম করি । ১৯ ॥

আমি তোমার ইচ্ছামতে ডিম্পেকরি করিব ; তোমার প্রীতার্থ ফুল করিব ; তোমার আজ্ঞামত চাঁদা দিব ; তুমি আমার প্রতি প্রসন্ন হও, আমি তোমাকে প্রণাম করি । ২০ ॥

হে সৌম্য ! যাহা তোমার অভিমত, তাহাই আমি করিব । আমি বুট পাক্টলুন পরিব, নাকে চসমা দিব, কাঁটা চামুচে ধরিব, টেবিলে খাইব—তুমি আমার প্রতি প্রসন্ন হও ! আমি তোমাকে প্রণাম করি । ২১ ॥

হে মিষ্টভাষিন্ ! আমি মাতৃভাষা ত্যাগ করিয়া তোমার ভাষা কহিব ; পৈতৃক ধর্ম ছাড়িয়া ব্রাহ্মধর্মাবলম্বন করিব ; বাবু নাম ঘুচাইয়া

মিষ্টর লেখাইব ; তুমি আমার প্রতি প্রসন্ন হও । আমি তোমাকে প্রণাম করি । ২২ ॥

হে সুভোজক ! আমি ভাত ছাড়িয়াছি, পাউরুটি খাই ; নিষিদ্ধ মাংস নহিলে আমার ভোজন হয় না ; কুকুট আমার জলপান । অতএব হে ইংরাজ ! আমাকে চরণে রাখিও, আমি তোমাকে প্রণাম করি । ২৩ ॥

আমি বিধবার বিবাহ দিব ; কুলানের জাতি মারিব, জাতিভেদ উঠাইয়া দিব—কেন না, তাহা হইলে তুমি আমার সুখ্যাতি করিবে । অতএব হে ইংরাজ ! তুমি আমার প্রতি প্রসন্ন হও । ২৪ ॥

হে সর্ব্বদ ! আমাকে ধন দাও, মান দাও, যশঃ দাও ;—আমার সর্ব্ববাসনা সিদ্ধ কর । আমাকে বড় চাকরি দাও, রাজা কর, রায়বাহাদুর কর, কোম্পিলের মেথর কর, আমি তোমাকে প্রণাম করি । ২৫ ॥

যদি তাহা না দাও, তবে আমাকে দিনরে আটহোমে নিমন্ত্রণ কর ; বড় বড় কমিটির মেথর কর, সেনেটের মেথর কর, জুটিস কর, অনরারী মার্জিষ্ট্রেট কর, আমি তোমাকে প্রণাম করি । ২৬ ॥

আমার স্পর্শে শুন, আমার এশে পড়, আমায় বাহবা দাও,—আমি তাহা হইলে সমগ্র হিন্দু-সমাজের নিন্দাও গ্রাস্ত করিব না । আমি তোমাকেই প্রণাম করি । ২৭ ॥

হে ভগবন্ ! আমি অকিঞ্চন । আমি তোমার দ্বারে দাঁড়াইয়া থাকি, তুমি আমাকে মনে রাখিও । আমি তোমাকে ডালি পাঠাইন, তুমি আমাকে মনে রাখিও । হে ইংরাজ ! আমি তোমাকে কোটি কোটি প্রণাম করি । ২৮ ॥

বাবু

জনমেজয় কহিলেন, হে মহর্ষে ! আপনি কহিলেন যে, কলিযুগে বাবু নামে এক প্রকার মনুষ্যেরা পৃথিবীতে আবির্ভূত হইবেন । তাঁহারা কি প্রকার মনুষ্য হইবেন এবং পৃথিবীতে জন্মগ্রহণ করিয়া কি কার্য্য

করিবেন, তাহা শুনিতে বড় কৌতূহল জন্মিতেছে। আপনি অনুগ্রহ করিয়া সবিস্তারে বর্ণনা করুন।

বৈশম্পায়ন কহিলেন, হে নরবর ! আমি সেই বিচित्रবুদ্ধি, আহাৰ-নিজ্জাকুশলী বাবুগণকে অখ্যাত করিব, আপনি শ্রবণ করুন। আমি সেই চম্ভাঅলঙ্কৃত, উদারচরিত্র, বহুভাষা, সন্দেশপ্রিয় বাবুদিগের চরিত্র কীৰ্ত্তিত করিতেছি, আপনি শ্রবণ করুন। হে রাজন, যাহারা চিত্রবসনাবু, বেত্রহস্ত রঞ্জিতকুন্তল এবং মহাপাতক, তাহারা ই বাবু। যাহারা একো ভজ্যেয়, পরভাষাপারদশী, মাতৃভাষাবিরোধী, তাহারা ই বাবু। মহারাজ ! এমন অনেক মহাবুদ্ধিসম্পন্ন বাবু জন্মিবেন যে, তাহারা মাতৃভাষায় বাক্যালাপে অসমর্থ হইবেন। যাহাদিগের দশোদ্ভ্রম প্রকৃতিস্থ, অতএব অপরিপুষ্ট, যাহাদিগের কেবল রসনেন্দ্রিয় পরজ্ঞাতি-নিষ্ঠীবনে পবিত্র, তাহারা ই বাবু। যাহাদিগের চরণ নাঃসান্ধিবিশী- শুষ্ক কাষ্ঠের স্থায় হইলেও পলায়নে সক্ষম ;—হস্ত দুর্বল হইলেও লেখনা-ধারণে এবং বেনতনগ্রহণে সুপটু ;—চক্ষু কোমল হইলেও সাগরপার-নির্মিত জব্যবিশেষের প্রহারসহিষ্ণু ; যাহাদিগের ইন্দ্রিয়নাশেরই ঐক্লপ প্রশংসা করা যাইতে পারে, তাহারা ই বাবু। যাহারা বিনা উদ্দেশ্যে সক্ষম করিবেন, সক্ষয়ের জন্ত উপার্জন করিবেন, উপার্জনের জন্ত বিজ্ঞাধায়ন করিবেন, বিজ্ঞাধায়নের জন্ত প্রশ্ন চুরি করিবেন, তাহারা ই বাবু।

মহারাজ। বাবু শব্দ নানার্থ হইবে। যাহারা কলিযুগে ভারতবর্ষে রাজ্যভিষিক্ত হইয়া, ইংরাজ নামে খ্যাত হইবেন, তাহাদিগের নিকট “বাবু” অর্থে কেরানী বা বাজারসরকার বুঝাইবে। নির্ধনদিগের নিকটে “বাবু” শব্দে অপেক্ষাকৃত ধনী বুঝাইবে। ভূত্যের নিকট “বাবু” অর্থে প্রভু বুঝাইবে। এ সকল হইতে পৃথক্, কেবল বাবুজন্মনির্বাহাভিলাষী কতকগুলি মনুষ্য জন্মিবেন ; কেবল তাহাদিগেরই গুণকীৰ্ত্তন করিতেছি। যিনি বিপরীতার্থ করিবেন, তাহার এই মহাভারত শ্রবণ নিফল হইবে। তিনি গোজন্ত গ্রহণ করিয়া বাবুদিগের ভক্ষ্য হইবেন।

হে নরাধিপ ! বাবুগণ দ্বিতীয় অগস্ত্যের স্থায় সমুদ্ররূপী বরুণকে শোষণ করিবেন, ফাটিক পাত্র ইহাদিগের গণ্ডুষ। অগ্নি ইহাদিগের

আজীবন হইবেন—“ভামাকু” এবং “চুৰুট” নামক দুইটি অভিনব খাণ্ডকে আশ্রয় করিয়া রাজি দিন ইঁহাদিগের মুখে লাগিয়া থাকিবেন। ইঁহাদিগের যেমন মুখে অগ্নি, তেমনি জঠরেও অগ্নি জ্বলিবেন এবং রাজি তৃতীয় প্রহর পর্য্যন্ত ইঁহাদিগের রথস্থ যুগল প্রদীপে জ্বলিবেন। ইঁহাদিগের আলোচিত সঙ্গীতে এবং কাব্যো অগ্নিদেব থাকিবেন। তথায় তিনি “মদন আশ্বিন” এবং “মনাশ্বিন” রূপে পরিণত হইবেন। বার-বিলাসিনীদিগের মতে ইঁহাদিগের কপালেও অগ্নিদেব বিরাজ করিবেন। বাবুকেই ইঁহারা ভক্ষণ করিবেন—ভজ্ঞতা করিয়া সেই চুর্কি কার্খোর নাম রাখিবেন “বায়ুসেবন”। চন্দ্র ইঁহাদের গৃহে এবং গৃহের বাহিরে নিত্য বিরাজমান থাকিবেন—কদাপি অবশুষ্ঠনাবৃত। কেহ প্রথম রাত্রে কৃষ্ণপক্ষের চন্দ্র, শেষ রাত্রে শুক্লপক্ষের চন্দ্র দেখিবেন, কেহ তদ্বিপরীত করিবেন। সূর্য্য ইঁহাদিগকে দেখিতে পাইবেন না। যম ইঁহাদিগকে ভুলিয়া থাকিবেন। কেবল অশ্বিনীকুমারদিগকে ইঁহারা পূজা করিবেন। অশ্বিনীকুমারদিগের মন্দিরের নাম হইবে “আস্থাবল”।

হে নরশ্রেষ্ঠ! যিনি কাব্যরসামিতে বঞ্চিত, সঙ্গীতে দক্ষ কোকিলাহারী, যাহার পাণ্ডিত্য শৈশবভাস্ত্র গ্রন্থগত, যিনি আপনাকে অনন্তজ্ঞানী বিবেচনা করিবেন, তিনিই বাবু। যিনি কাব্যের কিছুই বুঝিলেন না, অথচ কাব্যপাঠে এবং সমালোচনায় প্রবৃত্ত, যিনি বারঘোষিতের চীৎকার মাত্রকেই সঙ্গীত বিবেচনা করিবেন, যিনি আপনাকে অশ্রান্ত বলিয়া জানিবেন, তিনিই বাবু। যিনি রূপে কাঙ্ক্ষিকের কনিষ্ঠ, গুণে নিষ্ঠুর পদার্থ, কণ্ঠে জড় ভরত এবং বাক্যে সরস্বতী, তিনিই বাবু। যিনি উৎসবার্থ দুর্গাপূজা করিবেন, গৃহীণীর অনুরোধে লক্ষ্মীপূজা করিবেন, উপ-গৃহীণীর অনুরোধে সরস্বতীপূজা করিবেন এবং পাটার লোভে গঙ্গাপূজা করিবেন, তিনিই বাবু। যাহার গমন বিচিত্র রথে, শয়ন সাধারণ গৃহে, পান জাকারস এবং আহার কমলো দক্ষ, তিনিই বাবু। যিনি মহাদেবের তুল্য মাদকপ্রিয়, ব্রহ্মার তুল্য প্রজাসিন্ধু এবং বিষ্ণুর তুল্য লীলা-পট তিনিই বাবু। হে কুরু-কুলভূষণ! বিষ্ণুর সহিত এই বাবুদিগের বিশেষ সাদৃশ্য হইবে। বিষ্ণুর

জায় ইহাদের লক্ষী এবং সরস্বতী উভয়ই থাকিবেন । বিষ্ণুর জায় ইহারাত অনন্তলযাশাস্ত্রী হইবেন । বিষ্ণুর জায় ইহাদিগের লক্ষ অবতার —যথা কেরাণী, মাষ্টার, ব্রাহ্ম, মুৎসুদী, ডাক্তার, উকিল, হাকিম, জমিদার, সহাদপত্রসম্পাদক এবং নিকরী । বিষ্ণুর জায় ইহারাত সকল অবতারেই অমিতলবলপরাক্রম অমুসরণগণকে বধ করিবেন । কেরাণী অবতারে যথা অমুর দপ্তরী ; মাষ্টার অবতারে যথা ছাত্র ; ষ্টেশন মাষ্টার অবতারে যথা টিকেটটীন পথিক ; ব্রাহ্মাবতারে যথা চালকলাপ্রত্যাশী পুরোহিত ; মুৎসুদী অবতারে যথা বণিক ইংরাজ ; ডাক্তার অবতারে যথা রোগী ; উকিল অবতারে যথা নোয়াকল ; হাকিম অবতারে যথা বিচারপ্রার্থী ; জমিদার অবতারে যথা প্রজা ; সম্পাদক অবতারে যথা ভ্রমলোক এবং নিকরীঅবতারে যথা পুষ্করিণীর মৎস্ত ।

মহারাজ ! পুনশ্চ শ্রবণ করুন । যাহার বাক্য মনোমধ্যে এক, কখনো দল, লিখনে শত এবং কলহে সহস্র, তিনিই বাবু । যাহার বল হস্তে একগুণ, মুখে দশগুণ, পৃষ্ঠে শতগুণ এবং কার্যকালে অদৃশ্য, তিনিই বাবু । যাহার বুদ্ধি বালো পুস্তকমধ্যে, যৌবনে বোতলমধ্যে, বাক্কো গৃহিণীর অকলে, তিনিই বাবু । যাহার ইষ্টদেবতা ইংরাজ, গুরু ব্রাহ্মধর্মবেত্তা, বেদদেশী সহাদপত্র এবং তীর্থ “জ্ঞানশাল থিয়েটার” তিনিই বাবু । যিনি মিসনারির নিকট খ্রীষ্টিয়ান, কেশবচন্দ্রের নিকট ব্রাহ্ম, পিতার নিকট হিন্দু এবং ভিক্ষুক ব্রাহ্মণের নিকট নাস্তিক, তিনিই বাবু । যিনি নিজগৃহে জল খান, বন্ধুগৃহে মদ খান, বেষ্টাগৃহে গালি খান এবং মুনিব সাহেবদের গৃহে গলাধাক্কা খান তিনিই বাবু । যাহার স্নানকালে তৈলে স্নাণ, আহারকালে আপন অঙ্গুলিকে স্নাণ এবং কথোপকথনকালে হাতুড়াবাক্যে স্নাণ, তিনিই বাবু । যাহার যত্ন কেবল পরিচ্ছদে, তৎপরতা কেবল উমেদারিতে, ভক্তি কেবল গৃহিণী বা উপ-গৃহিণীতে এবং রাগ কেবল সদগ্রন্থের উপর নিঃসন্দেহে তিনিই বাবু ।

হে নরনাথ ! আমি যাহাদিগের কথা বলিলাম, তাহাদিগের মনে মনে বিশ্বাস জন্মবে যে, আমরা তাহুল চর্চণ করিয়া, উপাধান অবলম্বন করিয়া, ঐতাবিকী কথা কহিয়া এবং তাহাকু সেবন করিয়া ভারতবর্ষের

পুনরুজ্জ্বল করিব

অনয়েজয় কহিলেন, হে মুনিপুত্রব ! বাবুদিগের জয় হউক, আপনি
অন্ত প্রসঙ্গ আরম্ভ করুন ।

গর্দভ

হে গর্দভ ! আমার প্রদত্ত, এই নবান তৃণ সকল ভোজন
করুন । ১ ।

আমি বহুমুখে, গোবৎসাদির অগম্য প্রাপ্তির সকল হইতে, নব-
জলকণানিষেকসুরাভি তৃণাগ্রভাগ সকল আহরণ করিয়া আনিয়াছি,
আপনি সুন্দর বদনমণ্ডলে গ্রহণ করিয়া, মুক্তা নান্দিত দন্তে ছেদনপূর্ব্বক
আমার প্রতি কৃপাবান হউন ।

হে মহাভাগ ! আপনার পূজা করিব ইচ্ছা হইয়াছে ; কেন না,
আপনাকেই সর্ব্বত্র দেখিতে পাই । অতএব হে বিশ্বব্যাপীন্ । আমার
পূজা গ্রহণ করুন ।

আমি পূজা ব্যক্তির অনুসন্ধানে প্রবৃত্ত হইয়া, নানা দেশে নানা স্থানে
পরিভ্রমণ করিয়া দেখিলাম, আপনি সর্ব্বত্রই বসিয়া আছেন, সকলেই
আপনার পূজা করিতেছে । অতএব হে দীর্ঘকৰ্ণ ! আমারও পূজা
গ্রহণ করুন ।

হে গর্দভ ! কে বলে তোমার পদগুলি ক্ষুদ্র । যেখানে সেখানে
তোমারই বড় পদ দেখিয়া থাকি । তুমি উচ্চাসনে বসিয়া, স্তাবকগণে
পরিবৃত্ত হইয়া, মোটা মোটা ঘাসের আঁটি খাইয়া থাক । লোকে তোমার
অবশেষের প্রশংসা করে ।

তুমিই বিচারাসনে উপবেশন করিয়া, মহাকর্ষের ইত্যন্ততঃ সঞ্চালন
করিতেছ । তাহার অবাধ গহ্বর দেখিতে পাইয়া, উকীল নামক কবিগণ
নানানিধ কাব্যরস তন্মধ্যে ঢালিয়া দিতেছে । তখন তুমি অরণ্যতৃপ্তিশুখে
অতিভূত হইয়া নিদ্রা গিয়া থাক ।

হে বৃহদ্রথ ! তখন সেই কাব্যরসে আত্মীভূত হইয়া, তুমি দয়াময়

হইয়া, অসীম দয়ার প্রভাবে আমার সর্বস্ব শ্রামকে দাও, আমার সর্বস্ব কানাইকে দাও ; তোমার দয়ার পার নাই ।

হে রক্তকণ্ঠভূষণ ! কখনও দেখিয়াছি, তুমি লাজুল সন্দেশনপূর্বক কাষ্ঠাসনে উপবেশন করিয়া সরসতীমণ্ডপমধ্যে বজ্রীয় বালকগণকে গর্দভলোক প্রাপ্তির উপায় বলিয়া দিতেছ । বালকেরা গর্দভলোকে প্রবেশ করিলে, “প্রবেশিকায় উত্তীর্ণ হইল” বলিয়া, মহা গর্জন করিয়া থাক । শুনিয়া আমরা ভয় পাই ।

হে প্রকণ্ডোদর ! তুমিই চতুস্পাঠীমধ্যে কুশাসনে উপবেশন করিয়া তৈলনিষিক্ত ললাটপ্রান্তরে চন্দনে নদী অঙ্কিত করিয়া, তুলটহস্তে শোভা পাও । তোমার কৃত শাস্ত্রের বাখ্যা শুনিয়া আমরা ধন্য ধন্য করিতেছি । অতএব হে মহাপশো ! আমার প্রদত্ত কোমল তৃণাঙ্কুর ভোজন কর ।

তোমারই প্রতি লক্ষ্মীর কৃপা—তুমি নহিলে আর কাতারও প্রতি কমলার দয়া হয় না । তিনি তোমাকে কখনও ত্যাগ করেন না, কিন্তু তুমি তাঁহাকে বুদ্ধির গুণে সর্বদাই ত্যাগ করিয়া থাক । এই ক্ষুণ্ণই লক্ষ্মীর চাকলা কলঙ্ক । অতএব হে সুপুচ্ছ ! তৃণ ভোজন কর ।

তুমিই গায়ক । ষড়জ্, ঋষভ, গান্ধার প্রভৃতি সপ্ত সুরই তোমার কণ্ঠে । অস্ত্রে বহুকাল তেমোর অনুসরণ করিয়া, দীর্ঘ শৃঙ্খ রাখিয়া, অনেক প্রকার কাশি অভ্যাস করিয়া, তোমার মত সুর পাইয়া থাকে । হৈ ভৈরবকণ্ঠ ! ঘাস খাও ।

তুমি বহুকাল হইতে পৃথিবীতলে বিচরণ করিতেছ ; তুমিই রামায়ণে রাজা দশরথ, নহিলে রাম বনে যাইবে কেন ? তুমি মহাভারতে পাণ্ডুপুত্র যুধিষ্ঠির, নহিলে পাণ্ডব পাশ্চাত্য ক্রী হারিবে কেন ? তুমি কলিযুগে বঙ্গদেশে বৃদ্ধ সেনারাজা ছিলে,—নহিলে বঙ্গদেশে মুসলমান কেন ?

তুমি নানা রূপে, নানা দেশ আলো করিয়া যুগে যুগে প্রতিষ্ঠিত হইয়াছ । এক্ষণে ভপস্রাবলে, ব্রহ্মার বরে, তুমি বঙ্গদেশে সমালোচক হইয়া অবতীর্ণ হইয়াছ । হে লোমশাবতার ! আমার সমাহৃত কোমল নবীন তৃণাঙ্কুর সকল ভক্ষণ কর, আমি আহলাদিত হইব ।

হে মহাপুষ্ঠ ! তুমি কখন রাজ্যের ভার বহ, কখন পুস্তকের ভার

বহ, কখন খোবার গাঁটরি বহ। হে লোমশ। কোনটি গুরুভার;
আমায় বলিয়া দাও।

তুমি কখন ঘাস খাও, কখন ঠেঙ্গা খাও; কখন গ্রন্থকারের মাথা
খাও; হে লোমশ। কোনটি সুভক্ষ্য, অর্ধাচীনকে বলিয়া দাও।

হে সুন্দর! তোমার রূপ দেখিয়া আমি মোহিত হইয়াছি। তুমি
যখন গাছতলায় ঝাঁড়াইয়া, নববর্ষাসারসিক্ত হইতে থাক, তুমি মহাকর্ণ
উর্দ্ধে স্থিত করিয়া, মুখচন্দ্র বিনত করিয়া, চক্ষু হৃদি ক্ষণে মুদ্রিত, ক্ষণে
উন্মেষিত করিতে করিতে ভিজিতে থাক,—তোমার পৃষ্ঠে, মুণ্ডে এবং
স্বঃক বসুধারা বহিতে থাকে—তখন তোমাকে আমি বড় সুন্দর দেখি।
হে লোকমনোমোহন! কিছু ঘাস খাও।

বিধাতা তোমায় তেজ দেন নাই, এজ্ঞা তুমি শাস্ত্র, বেগ দেন নাই,
এজ্ঞা সুধীর, বুদ্ধি দেন নাই, এজ্ঞা তুমি বিদ্বান্; এবং মোট না
বহিলে খাইতে পাও না, এজ্ঞা তুমি পরোপকারী। আমি তোমার
যশোগান করিতেছি: ঘাস খাইয়া সুখী কর।

দাম্পত্য দণ্ডবিধির আইন

আমরা স্ত্রীজাতি, নিরীহ ভালমানুষ বলিয়া আজি কালি আমাদের
উপর ডব অত্যাচার হইতেছে। পুরুষের এক্ষণে বড় ন্যাকড়া হইয়াছে,
ভর্তৃগণ স্ত্রীকে আর মানেন না, স্ত্রীলোকদিগের পুরাতন দ্বন্দ্ব সকল লুপ্ত
হইতেছে, কেহই আর স্ত্রীর আঙ্গার বশবস্তী নহে। এই সকল বিষয়ের
সুনিয়ম করিবার জন্ত আমরা স্ত্রীদক্ষরক্ষিনী সভা সংস্থাপিতা করিয়াছি।
সে সভার পরিচয় যদি সাধারণে সর্বিশেষ অবগত না থাকেন, তবে
তাহার বিজ্ঞাপনী পক্ষাৎ প্রকাশ করিব। এক্ষণে বক্তব্য এই যে,
আমাদিগের স্বত্বরক্ষার্থ সভা হইতে একটি বিশেষ সত্বপায় হইয়াছে।
আমরা এ বিষয়ে ভারতবর্ষীয় গণগণ্মেটে আবেদনপত্র প্রেরণ করিয়াছি
এবং তৎসম্ভবিবাহারে ভর্তৃশাসনার্থ একটি দাম্পত্য দণ্ডবিধির আইনের
পাণ্ডুলিপি প্রেরণ করিয়াছি।

সকলের স্ব স্ব স্বার্থ যেখানে প্রত্যন্ত আইনের সৃষ্টি হইতেছে সেখানে আমাদের চিরস্থায়ী স্ব স্ব স্বার্থ কোন আইন হয় না কেন? অতএব এই আইন সম্বন্ধে পাস হইবে, এই কামনায় ব্যক্তিগণকে অবগত করিবার জন্য আমি তাহা বঙ্গদর্শনে প্রচার করিলাম। অনেক বাবুলোক বাঙ্গালাতে আইন ভাল বুঝিতে পারেন না, বিশেষতঃ আইনের বাঙ্গালা অনুবাদ সচরাচর ভাল হয় না এবং আইন আদৌ ইংরাজিতেই প্রণীত হইয়াছিল এবং ইহার বাঙ্গালা অনুবাদটি ভাল হয় তাই, স্থানে স্থানে ইংরাজির সঙ্গে ইহার প্রভেদ আছে, অতএব আমরা ইংরাজি বাঙ্গালা দুই পাঠ্যকর। ভরসা কর, বঙ্গদর্শনকারক একবার আমাদের বিরোধে ইংরাজির প্রতি বিরাগ ত্যাগ করিয়া ইংরাজিসমেত এই আইন প্রচার করিবেন। সকলেই দেখিবেন যে, এই আইনটিতে নূতন কিছু নাই; সাবেক *Lex non scripta* কেবল লিপিবদ্ধ হইয়াছে মাত্র।

শ্রীমতা অনুভূতমুখরী দাসী,
স্ব স্ব স্বার্থের প্রতিনিধি সভার সম্পাদিকা।

THE MATRIMONIAL PENAL CODE

CHAPTER I

INTRODUCTION.

Whereas it is expedient to provide a special Penal Code for the coercion of refractory husbands and others who dispute the supreme authority of Woman, it is hereby enacted as follows :

1. This Act shall be entitled the "Matrimonial Penal Code" and shall take effect on all natives of India in the married state.

CHAPTER II

DEFINITIONS.

2. A husband is a piece of moving and moveable property at the absolute disposal of a woman.

ILLUSTRATIONS.

(a) A trunk or a workbox is not a husband, as it is not a moving, though a moveable piece of property.

(b) Cattle are not husbands, for though capable of locomotion, they cannot be at the absolute disposal of any woman, as they often display a will of their own.

(c) Men in the married state, having no will of their own, are husbands.

3. A wife is a woman having the right of property in a husband.

EXPLANATIONS.

The right of property includes the right of flagellation.

4. "The married state" is a state of penance into which men voluntarily enter for sins committed in a previous life.

দাম্পত্য বণ্ডবিধির আইন

প্রথম অধ্যায়

দ্বীপিগের অবাধ স্বামী প্রভৃতির সুশাসনের জন্ত এক বিশেষ আইন করা উচিত, এই কারণ নিয়ে লিখিত হত আইন করা গেল।

১ ধারা। এই আইন “দাম্পত্য দণ্ডবিধির আইন” নামে খ্যাত হইবে। ভারতবর্ষীয় যে কোন দেশী বিবাহিত পুরুষের উপর ইহার বিধান থাকিবে।

দ্বিতীয় অধ্যায়

সাধারণ ব্যাখ্যা

২ ধারা। কোন স্ত্রীলোকের সম্পূর্ণ অধীন যে সচল অস্থাবর সম্পত্তি, তাহাকে স্বামী বলা যায়।

উদাহরণ

(ক) স্বামীর তোরঙ্গ প্রভৃতিকে স্বামী বলা যায় না, কেন না, যদিও সে সকল অস্থাবর সম্পত্তি বটে, তথাপি সচল নহে।

(খ) গোক বাছুরও স্বামী নহে, কেন না, যদিও গোক বাছুর সচল বটে, কিন্তু তাহাদের একটু স্বেচ্ছামতে কার্য্য করিবার ক্ষমতা আছে। সুতরাং তাহারা কোন স্ত্রীলোকের সম্পূর্ণ অধীন নহে।

(গ) বিবাহিত পুরুষেরাই স্বেচ্ছাধীন কোন কার্য্য করিতে পারেন না, এক্ষণ্ড গোক বাছুরকে স্বামী না বলিয়া তাহাদিগকেই স্বামী বলা যাইতে পারে।

৩ ধারা। যে স্বামীর উপর যে স্ত্রীলোকের সম্পত্তি বলিয়া স্বত্ত্ব আছে, সেই স্ত্রীলোক সেই স্বামীর পত্নী বা স্ত্রী।

অর্থের কথা

সম্পত্তি বলিয়া যাহার উপর স্বত্বাধিকার থাকে, তাহাকে মারপিট করিবারও স্বত্বাধিকার থাকিবে।

৪ ধারা। পূর্ব্বজন্মকৃত পাপের জন্য পুরুষের প্রায়শ্চিত্তবিশেষকে বিবাহ বলে।

CHAPTER III.

OF PUNISHMENTS.

5. The punishments to which offenders are liable under the provisions of this Code are ;

First, Imprisonment.

Which may be either within the four walls of a bed-room, or within the four walls of a house.

Imprisonment is of two descriptions, namely,

- (1) Rigorous, that is, accompanied by hard words.
- (2) Simple.

Secondly, Transportation, that is to another bed-room.

Thirdly, Matrimonial servitude.

Fourthly, Forfeiture of Pocket-money.

6. "Capital punishment" under this Code, means that the wife shall run away to her paternal roof, or to some other friendly house, with the intention of not returning in a hurry.

7. The following punishments are also provided for minor offences.

First, Contemptuous silence on the part of the wife.

Secondly, Frowns.

Thirdly, Tears and lamentation.

Fourthly, Scolding and abuse.

CHAPTER IV.

GENERAL EXCEPTIONS

8. Nothing is an offence which is done by a wife.

9. Nothing is an offence which is done by a husband in obedience to the commands of a wife.

10. No person in the married state shall be entitled to plead any other circumstances as grounds of exemption from the provisions of the Matrimonial Penal Code.

তৃতীয় অধ্যায়

দণ্ডের কথা

৫ ধারা। এই আইনের বিধানমতে অপরাধীদের নিম্নলিখিত দণ্ড হইতে পারে।

প্রথম। কয়েদ।

অর্থাৎ শয্যাগৃহের চারি ভিত্তির মধ্যে কয়েদ অথবা বাটীর চারি ভিত্তির মধ্যে কয়েদ।

কয়েদ দুই প্রকার।

(১) কঠিন তিরস্কারের সহিত।

(২) বিনা তিরস্কার।

দ্বিতীয়। শয্যাস্তর প্রেরণ বা শয্যাগৃহাস্তর প্রেরণ।

তৃতীয়। পত্নীর দাসত্ব।

চতুর্থ। সম্পত্তিদণ্ড, অর্থাৎ নিজখরচের টাকা বন্ধ।

৬ ধারা। এই আইনে "প্রাণদণ্ড" অর্থে বুঝাইবে যে, জ্ঞানী বাপের বাড়ী, কি ভাইয়ের বাড়ী চলিয়া যাইবেন, শীঘ্র আসিতে চাহিবেন না।

- ৭ ধারা। ক্ষুদ্র ক্ষুদ্র অপরাধের জন্ত নিম্নলিখিত দণ্ড হইতে পারে।
 প্রথম। বান।
 দ্বিতীয়। ঝকুটী।
 তৃতীয়। অষ্টবর্ষ বা উচ্চৈশ্বরে বোদন।
 চতুর্থ। গালি তিরস্কার।

চতুর্থ অধ্যায়

সাধারণ বর্জিত কথা

- ৮ ধারা। স্বীকৃত কোন ক্রিয়া অপরাধ বলিয়া গণ্য হইবে না।
 ৯ ধারা। দ্বীপ আক্রান্তসারে স্বামিকৃত কোন ক্রিয়া অপরাধ বলিয়া গণ্য হইবে না।
 ১০ ধারা। ইহা ভিন্ন অন্য কোন প্রকার গুজর করিয়া কোন বিবাহিত পুরুষ বলিতে পারিবেন না যে, আমি দাম্পত্য দণ্ডবিধির আইনানুসারে দণ্ডনীয় নই।

CHAPTER V.

OF ABETMENT.

11. A person abets the doing of a matrimonial offence who

FIRST, Instigates, persuades, induces, or encourages a husband to commit that offence.

SECONDLY, Joins him in the commission of that offence, or keeps him company during its commission.

EXPLANATION.

A man not in the married state or even a woman, may be an abettor.

ILLUSTRATIONS.

(a) A the husband of B, and C, an unmarried man, drink together. Drinking is a matrimonial offence. C has abetted A.

(b) A the mother of B, the husband of C, persuades B to spend money in other ways than those which C approves.

As spending money in such ways is a matrimonial offence, A has abetted B.

12. When a man in the married state abets another man in the married state in a matrimonial offence, the abettor is liable to the same punishment as the principal. Provided that he can be so punished only by a competent court.

EXPLANATION.

A competent court means the wife having right of property in the offending husband.

13. Abettors who are females or male offenders not in the married state are liable to be punished only with scolding, abuse, frowns, tears and lamentations.

পঞ্চম অধ্যায়

অপরাধের সহায়তার বিধি

১১ ধারা। যে কোন ব্যক্তি—

প্রথম। অন্য ব্যক্তিকে কোন দাম্পত্য অপরাধ করিতে প্রবৃত্তি দেয় বা উৎসাহিত বা উদ্বুদ্ধ করে,

দ্বিতীয়। বা তৎসঙ্গে সেই অপরাধে লিপ্ত হয় বা সেই অপরাধ করার সময়ে তাহার সঙ্গে থাকে,

তবে বলা যায় যে, ঐ অপরাধের সহায়তা করিয়াছে।

অর্থের কথা

অবিবাহিত পুরুষ বা কোন স্ত্রীলোকও দাম্পত্য অপরাধের সহায়তা করিতে পারে।

উদাহরণ

(ক) রাম, কামিনীর স্বামী। যহু অবিবাহিত পুরুষ। উভয়ে একত্রে মত্তপান করিল। মত্তপান একটি দাম্পত্য অপরাধ। যহু, রামের সহায়তা করিয়াছে।

(খ) হরমণি, রামের মা। রাম কামিনীর স্বামী। কামিনী যেক্রমে টাকা খরচ করিতে বলে, সেরূপে খরচ না করিয়া, রাম হরমণির পরামর্শে অন্য প্রকার খরচ করিল। স্ত্রীর অনভিমতে খরচ করা একটি দাম্পত্য অপরাধ। হরমণি তাহার সহায়তা করিয়াছে।

১২ ধারা। যদি কোন বিবাহিত পুরুষ কোন দাম্পত্য অপরাধে অন্য বিবাহিত পুরুষের সহায়তা করে, তবে সে আসল অপরাধীর সঙ্গে সমান দণ্ডনীয়। কিন্তু তাহার দণ্ড উপযুক্ত আদালত নহিলে হইবে না।

অর্থের কথা

ঐ ব্যক্তি যে স্ত্রীর সম্পত্তি, সেই স্ত্রীকেই উপযুক্ত আদালত বলা যায়।

১৩ ধারা। স্ত্রীলোক বা অবিবাহিত পুরুষ দাম্পত্য অপরাধের সহায়তা করিলে, তিরস্কার, ক্রকুটী, এবং অশ্রবর্ষণ ও রোদনের দ্বারা দণ্ডনীয় মাত্র।

CHAPTER VI.

OF OFFENCES AGAINST THE STATE.

14. "The State" shall in this Code mean the married state only.

15. Whoever wages war against his wife or attempts to wage such war or abets the waging of such war shall be punished capitally, that is by separation, or by transportation to another bed-room and shall forfeit all his pocket-money.

16. Whoever induces friends or gains over children to side with him or otherwise prepares to wage war with the intention of waging war against the wife shall be punished by transportation to another bed-room and shall also be liable to be punished with scolding and with tears and lamentations.

17. Whoever shall render allegiance to any woman other than his wife shall be guilty of incontinence.

EXPLANATION

(1) To show the slightest kindness to a young woman who is not the wife, is to render such young woman allegiance.

ILLUSTRATION.

A is the husband of B, and C is a young woman. A likes C's baby because he is a nice child and gives him buns to eat. A has rendered allegiance to C.

EXPLANATION.

(2) Wives shall be entitled to imagine offences under this section and no husband shall be entitled to be acquitted on the ground that he has not committed the offence.

The simple accusation shall always be held to be conclusive proof of the offence.

EXPLANATION.

(3) The right of imagining offences under this section shall be held to belong in general to old wives, and to women with old and ugly husbands ; and a young wife shall not be entitled to assume the right unless she can prove that she has a particularly cross temper, or was brought up a spoilt child or is herself supremely ugly.

বর্ধ অধ্যায়

স্ত্রী-বিদ্বেষিতার অপরাধ

১৪ ধারা। (অনুবাদক অন্তর্ভুক্ত)

১৫ ধারা। যে কেহ স্ত্রীর সঙ্গে বিবাদ করে, কি বিবাদ করিতে উদ্যোগ করে, কি বিবাদ করায় সহায়তা করে, তাহার প্রাণদণ্ড হইবে (অর্থাৎ স্ত্রী তাহাকে ত্যাগ করিবেন) বা শয্যাগৃহ পৃথক হইবে এবং তাহার খরচের টাকা জব্দ হইবে।

১৬ ধারা। যে কেহ বন্ধুবর্গকে মুরকি ধরিয়া বা সম্মানদিগকে

বন্ধিত করিয়া বা অন্য প্রকারে স্বীয় সহিত বিবাদ করিবার অভিপ্রায়ে বিবাদের উত্তোপ করে, সে শয্যাগৃহান্তরে প্রেরিত হইবে, এবং তিরস্কার, অশ্লবর্ণ এবং রোদনের দ্বারা দণ্ডনীয় হইবে।

১৭ ধারা। যে কেহ আপন স্বী তির অন্য স্বীলোকের প্রতি আসক্ত, তাহার অপরাধের নাম লাম্পট্য।

অর্থের কথা

প্রথম। স্বী তির অন্য কোন যুবতী স্বীলোকের প্রতি কিছুমাত্র দয়া বা আশ্রুকূল্য করিলেই লাম্পট্য গণ্য হইবে।

উদাহরণ

রাম কারিনীর স্বামী। বামা অন্য এক যুবতী। বামার শিশু সন্তানটি দেখিতে সুন্দর বলিয়া রাম তাকে আদর করে বা তাহার হাতে মিঠাই দেয়। রাম বামার প্রতি আসক্ত।

অর্থের কথা

দ্বিতীয়। স্বামীদিগকে নিষ্কারণে এ অপরাধে অপরাধী বিবেচনা করা, স্বীলোকদিগের অধিকার রহিল। আমি এ অপরাধ করি নাই বলিয়া কোন স্বামী খালস পাইতে পারিবে না।

“অপরাধ করিয়াছে” বলিলেই এ অপরাধ সপ্রমাণ হইয়াছে বিবেচনা করিতে হইবে।

অর্থের কথা

তৃতীয়। নিষ্কারণে স্বামিগণকে এ অপরাধে অপরাধী বিবেচনা করিবার অধিকার, প্রাচীনা স্বীদিগের পক্ষে বিশেষরূপে বস্তিবে, অথবা যাহাদিগের স্বামী কুৎসিত বা প্রাচীন, তাহাদিগের পক্ষে বস্তিবে। যদি কোন যুবতী স্বী এ অধিকার চাহেন, তবে তাঁহাকে অগ্রে প্রমাণ করিতে হইবে যে, তিনি নিজে বদমেজাজি বা আত্মরে মেয়ে বা তিনি নিজে কদাকার।

18. Whoever is guilty of incontinence shall be liable

to all the punishments mentioned in this Code and to other punishments not mentioned in the Code.

CHAPTER VII.

OF OFFENCES RELATING TO THE ARMY AND NAVY.

19. The army and navy shall in this Code mean the sons and the daughters and daughters-in-law.

20. Whoever abets the committing of mutiny by a son or a daughter or a daughter-in-law shall be liable to be punished by scolding and tears and lamentations.

CHAPTER VIII.

OF OFFENCES AGAINST THE DOMESTIC TRANQUILLITY

21. An assembly of two or more husbands is designated an unlawful assembly if the common object of such husbands is.

First, To drink as defined below or to gamble or to commit any other matrimonial offence.

Secondly, To overawe by show of authority their wives from the exercise of the lawful authority of such wives,

Thirdly, To resist the execution of a wife's order.

22. Whoever is a member of an unlawful assembly shall be punished by imprisonment with hard words and shall be liable to contemptuous silence or to scolding.

OF DRINKING WINE AND SPIRITS.

23. Any liquid kept in a bottle and taken in a glass vessel is wine and spirits.

24. Whoever has in his possession wine and spirits as above defined is to be said to drink.

EXPLANATION.

He is said to drink even though he never touches the liquid himself.

25. Whoever is guilty of drinking shall be punished with imprisonment of either description within the four walls of a bed-room during the evening hours and shall also be liable to scolding.

১৮ ধারা। যে কেহ লম্পট হইবে, সে এই আইনের লিখিত সকল প্রকার দণ্ডের দ্বারা দণ্ডনীয় হইবে এবং তাহার অন্ত দণ্ডও হইতে পারিবে।

সপ্তম অধ্যায়

পল্টন এবং নাবিকসেনা সম্বন্ধীয় অপরাধ

১৯ ধারা। এ আইনে পল্টন অর্থে ছেলের দল। নাবিকসেনা কি বউ।

২০ ধারা। যে স্বামী, পুত্র বা কন্যা বা বধূকর্তৃক গৃহিণীর প্রতি বিরোধিতার সহায়তা করিবে, সে তিরস্কার ও রোদনের দ্বারা দণ্ডনীয় হইবে।

অষ্টম অধ্যায়

গৃহমধ্যে শান্তি ভঙ্গনের অপরাধ

২১ ধারা। হুই, কি তাহার অধিক বিবাহিত ব্যক্তির জনতা হইলে যদি জনতাকারীদের নিজের লিখিত কোন অভিপ্রায় থাকে, তবে “বে আইন জনতা” বলা যায়।

প্রথম। যদি মত্তপান করা, কি অন্য প্রকার দাম্পত্য অপরাধ
করিবার অভিপ্রায় থাকে,

দ্বিতীয়। যদি আত্মকালন দ্বারা পত্নীদিগকে আইন মত ক্রমতা
প্রকাশ করণে নিবৃত্ত করার জন্য ভয় প্রদর্শন করার অভিপ্রায় থাকে,

তৃতীয়। যদি কোন স্ত্রীর আত্মমত কর্মের প্রতিবন্ধক হইবার
অভিপ্রায় থাকে।

২২ ধারা। যে কেহ “বে আইন জনতার ব্যক্তি” হয়, সে কঠিন
তিরস্কারের সহিত কয়েদ হইবে, অথবা মান অথবা তিরস্কারের সহিত
দণ্ডনীয় হইবে।

মত্তপানের কথা

২৩ ধারা। যে কোন জলবৎ দ্রব্য বোতলে থাকে, এবং কাচের
পাত্রে পীত হয়, তাহা মত্ত।

২৪ ধারা। উক্তরূপ মত্ত যে ঘরে রাখে, সেই মত্তপায়ী।

অর্ধের কথা

সে ঐ দ্রব্য স্পর্শ না করিলেও মত্তপায়ী।

২৫ ধারা। যে মত্তপায়ী, সে প্রত্যাহ সক্ষ্যার পর শয্যাগৃহের চারি
ভিত্তির মধ্যে কয়েদ থাকিবে, এবং তিরস্কার প্রাপ্ত হইবে।

OF RIOTING.

26. Whoever shall speak in an ungente voice to his
wife shall be guilty of domestic rioting.

27. Whoever is guilty of domestic rioting shall be
punished by contemptuous silence or by scolding or by tears
and lamentations.

হাদ্যাদার কথা

২৬ ধারা। যে কেহ স্ত্রীর প্রতি কর্কশ স্বরে কথা কহে, সে হাদ্যাদা
করে।

২৭। ধারা। যে কেহ গৃহস্থে ভ্রাম্য করিবে, তাহার সাজা
মান বা তিরস্কার বা অশ্রুবর্ষণ ও রোদন।

বসন্ত এবং বিরহ

রামী। সখি, ঋতুরাজ বসন্ত আসিয়া ধরাতে উদয় হইয়াছেন।
আইস, আমরা বসন্ত বর্ণনা করি। বিশেষ আমরা উভয়েই বিরাহী;
পূর্বগামিনী বিবাহীগণ চিরকাল বসন্তবর্ণনা করিয়া আসিয়াছেন, আইস
আমরাও তাই করি।

বামী। সই, ভাল বলিয়াও। আমরা বালিকা বিদ্যালয়ে লেখাপড়া
শিখিয়া কেবল কুটনো কুটিয়া মরিলাম, আইস অল্প কব্যালোচনা
করি।

রামী। সই! তবে আরম্ভ কর। সখি! ঋতুরাজ বসন্তের
সমাগম হইয়াছে। দেখ, পৃথিবী কেমন অনির্বচনীয় ভাব ধারণ
করিয়াছেন। দেখ, চূড়লতা কেমন নব মুকুলিত—

বামী। বৃক্ষে বৃক্ষে শঙ্কিনা খাড়া বিলম্বিত—

রামী। মলয় মারুত মুহু মুহু প্রধাবিত—

বামী। তদ্বাহিত ধূল্যয় দম্ব কিচ্‌কিচ্‌ত।

রামী। দূর ছুঁড়ি—ও কি! শোন্। ভ্রমরগণ পুষ্পের উপর
গুণ্‌ গুণ্‌ করিতেছে—

বামী। মাছিগণ ভাতের উপর ভন্‌ ভন্‌ করিতেছে—

রামী। বৃক্ষোপরে কোকিলগণ পঞ্চমস্বরে কুহু কুহু করিতেছে—

বামী। গাছনতলায় ঢাকিগণ অষ্টমস্বরে চড় চড় করিতেছে।

রামী। না ভাই, তোকে নিয়ে বসন্ত বর্ণন হয় না। আমি শ্রামীকে
ডাকি। আয় সই শ্রামি, আমরা বসন্ত বর্ণনা করি।

(শ্রামী আসিল)

শ্রামী। আমি ত সখি তোমাদের মত ভাল লেখা পড়া জানি না;
একটু একটু জানি মাত্র, আমি সকল বুঝিতে পারিব না—আমাকে
মধ্যে মধ্যে বুঝাইয়া দিতে হবে।

রামী। আচ্ছা! সব সখি, বসন্ত কি অপূর্ব সময়! কেমন চূতলতা সকল নব মুকুলিত—

শ্রামী। সেই, আঁবের গাছই দেখিয়াছি, আঁবের লতা কোন্‌গুলো?

রামী। আঁবের লতা আছে শুনিয়াছি, কিন্তু কখন চক্ষে দেখি নাই। দেখি না দেখি, চূতলতা ভিন্ন চূতবৃক্ষ কখন পড়ি নাই। তবে চূতলতাই বলিতে হইবে, চূতবৃক্ষ বলা হইবে না।

শ্রামী। তবে বল।

রামী। চূতলতা নব মুকুলিত হইয়া—

শ্রামী। সেই! এই বলিলে চূতলতা—আবার লতিকা হইল কেন?

রামী। আরও কিছু মিষ্ট হইল। চূতলতিকা নব মুকুলিত হইয়া চারিদিকে সৌগন্ধ বিকীর্ণ করিতেছে—

রামী। ভাই, আঁবের বোলে যে বসন্তকালে চুঁইয়ে গিয়া কড়িয়া ধরে।

শ্রামী। বলিলে কি হয়, কেমন মিষ্ট হইল দেখ দেখি।

রামী। তাহাতে ভ্রমরগণ মধুলোভে উন্মত্ত হইয়া ঝঙ্কার করিতেছে, শুনিয়া আমরাদিগের প্রাণ বাহির হইতেছে।

শ্রামী। আহা! সখি, সত্যি বলিয়াছি। সেই, ভ্রমর কাকে বলে?

রামী। মর্‌নোক, তাও জানিস্নে ভ্রমর বলে ভোমরাকে।

শ্রামী। ভোমরা কোন্‌গুলো ভাই?

রামী। ভোমরা বলে ভিম্বুলকে।

শ্রামী। তা ভাই ভিম্বুল আঁবের বোল দেখে পাগল হয় কেন? ভিম্বুলের পাগলামি কেমনতর? ওরা কি আবোল তাবোল বলে?

রামী। কে বলেছে পাগল হয়?

শ্রামী। ঐ যে তুমি বলিলে “উন্মত্ত হইয়া ঝঙ্কার করিতেছে।”

রামী। কোন্‌ শালী আর তোদের কাছে বসন্ত বর্ণনা করিবে!

শ্রামী। ভাই, রাগ কর কেন? তুমি বেশী লেখা পড়া শিখেছ,

আমি কম শিখেছি—আমায় বুঝাইয়া দিলেই ত হয়। সকলেই কি তোমার মত মসিকে ?

রামী। (সাহস্বরে) আচ্ছা, তব শোন। ভ্রমরগণ মধুলোভে উন্মত্ত হইয়া ঝঙ্কার করিতেছে। তাহাদিগের গুণ্ গুণ্ রবে আমাদের প্রাণ বাহির হইতেছে।

শ্রামী। সই, তোমরার ডাক “গুণ্ গুণ্” না “ভৌ ভৌ” ?

রামী। কবিরী বলেন, “গুণ্ গুণ্”।

শ্রামী। তবে গুণ্ গুণ্ ই বটে। তা উহাতে আমাদের প্রাণ বাহির হয় কেন ? ভিম্বরুল কামড়াইলে প্রাণ বাহির হয় জানি, কিন্তু ভিম্বরুল ডাকিলেও কি মরিতে হইবে ?

রামী। এ পর্য্যন্ত সকল বিরহীগণ গুণ্ গুণ্ রবে মরিয়া আসিতেছে, তুই কি পীর বে মরবি না ?

বামী। আচ্ছা ভাই, শাস্ত্রে যদি লেখে ত না হয় মরিব। কিন্তু জিজ্ঞাসা করি, কেবল কি ভিম্বরুলের ডাকে মরিতে হইবে, না বোলতা মৌমাছি গুব্রে পোকের ডাক শুনিলেও অন্তর্জলে শুইব ?

রামী। কবিরী শুধু ভ্রমরের রবেই মরিতে বলেন।

বামী। কবিদের বড় অবিচার। কেন, গুব্রে পোকা কি অপরাধ করেছে ?

রামী। তোর মরতে হয় মরিস, এখন শোন।

বামী। বল।

রামী। কোকিলগণ বৃক্ষে আসিয়া পঞ্চম সুরে গান করিতেছে।

শ্রামী। পঞ্চম সুর কি ভাই ?

রামী। কোকিলের সুরের মত।

শ্রামী। আর কোকিলের সুর কেমন ?

রামী। পঞ্চম সুরের মত।

শ্রামী। বুঝিয়াছি। তার পর বল।

রামী। কোকিলগণ বৃক্ষে বসিয়া পঞ্চম সুরে গান করিতেছে ; তাহাতে বিরহিনীর অঙ্গ অঙ্গ অঙ্গ হইতেছে।

বামী । আর কুক্কড়োর পঞ্চম স্বরে অঙ্গ কেমন করে ?

রামী । মরণ আর কি, কুক্কড়োর আবার পঞ্চম স্বর কি লো ?

বামী । আমার তাতেই অঙ্গ জ্বর জ্বর হয় । কুক্কড়া ডাকিলেই মনে হয় যে, তিনি বাড়ী এলেই আমায় ঐ সর্ব্বব্রতেশে পাখী রীতিয়া দিতে হবে ।

রামী । তার পর মলয় সমীরণ । যুহু যুহু মলয় সমীরণে বিরহিনী শিহরিয়া উঠিতেছে ।

শ্রামী । শীতে ?

রামী । না—বিরহে । মলয় সমীরণ অস্তুর পক্ষে শীতল, কিন্তু আমাদের পক্ষে অগ্নিতুল্য ।

বামী । সই, তা সকলের পক্ষেই । এই চৈত্র মাসের দুপুরে রৌদ্রের বাতাস আঙুনের হৃদয় বলিয়া কাহার বোধ হয় না ?

রামী । ও লো, আমি সে বাতাসের কথা বলিতেছি না ।

শ্রামী । বোধ হয়, তুমি উত্তরে বাতাসের কথা বলিতেছ । উত্তরে বাতাস যেমন ঠাণ্ডা, মলয় বাতাস তেমন নয় ।

রামী । বসন্তানিলম্পর্শে অঙ্গ শিহরিয়া উঠে ।

বামী । গায়ে কাপড় না থাকিলে উত্তরে বাতাসেও গায়ে কাঁটা দিয়ে উঠে ।

রামী । মরু ছুঁড়ী, বসন্তকালে কি উত্তরে বাতাস বয় যে, আমি বসন্তবর্ণনায় উত্তরে বাতাসের কথা বলিব ?

বামী । উত্তরে বাতাসই এখন বয় । দেখ, এখনকার যত ঝড়, সব উত্তরে । আমার বোধ হয়, বসন্তবর্ণনে উত্তরে বাতাসের প্রসঙ্গ করাই উচিত । আইস, আমরা বঙ্গদর্শনে লিখিয়া পাঠাই যে, ভবিষ্যতে কবিগণ বসন্তবর্ণনে মলয় বাতাস ত্যাগ করিয়া উত্তরে ঝড়ের বর্ণনা করেন ।

রামী । তাহা হইলে বিরহীদের কি উপায়-হইবে ? তাহারা কি লইয়া কাঁদিবে ?

শ্রামী । সখি, তবে থাক । এক্ষণে তোমার বসন্তবর্ণনা—উহঃ উহঃ সখি ! মোলেম, মোলেম গেলেম রে ! গেলেম রে । [ক্রমে পতন,

[চক্ষু মুজিত]

রামী । কেন, কেন, সই, কি হয়েছে ? হঠাৎ অমন হল কেন ?

গ্রামী । (চক্ষু বুজিয়া) ঐ তনিলে না ? ঐ সেগড়া গাছে কো'কল ডাকিতেছে ।

রামী । সখি, আশস্তা হও, আশস্তা হও, তোমার প্রাণকান্ত শীঘ্রই আসিবেন । সই, আমারও ঐরূপ যন্ত্রণা হইতেছে । নাথের সন্দর্শন ভিন্ন আমার বাঁচা ভার হইয়া উঠিয়াছে : (চক্ষু মুছিয়া) পাড়ার সকল পুকুরের যদি জল না শুকাইত, তবে এত দিন ডুবিয়া মরিতাম । হে হৃদয়-বল্লভ, জীবিতেশ্বর ! হে রমণীজনমনোমোহন ! হে নিশাশেষোদ্যোদ্যোমুখকমলকোরকোপমোন্তেজিতহৃদয়সুখ্যা ! হে অভল-জলদলতলকুন্তরভ্রাজিগ্নহামুলাপুরুষরত্ন ! হে কামিনীকণ্ঠবিলম্বিত-রত্নহারাবধিক প্রাণাবধিক ! আর প্রাণ বাঁচে না । আমি অবলা, সরলা, চঞ্চলা, বিকলা, দীনা, হীনী, কীণা, পীনা, নবীনা, শ্রীহীনা,—আর প্রাণ বাঁচে না । আর কত দিন তোমার আশাপথ চাহিয়া থাকিব ? যেমন সরোবরে সরোজিনী ভাস্কর আশা করে, যেমন কুমুদিনী কুমুদবান্ধবের আশা করিয়া থাকে, যেমন চাতক মেঘের জলের আশা করিয়া থাকে—আমি তেমনি তোমার আশা করিতেছি ।

গ্রামী । (কাদিতে কাদিতে) যেমন রাখাল, হারাণ গোকুর আশায় দাঁড়াইয়া থাকে, যেমন বালকে নয়রার দোকান হইতে লোক ফিরিবার আশায় দাঁড়াইয়া থাকে, যেমন অথ ভূগাহরক গ্রাসকটের আশা করিয়া থাকে, হে প্রাণবন্ধো ! আমি তেমনি তোমার আশা করিয়া আছি । যেমন মা'ত ধুইতে গেলে পরিচারিকার পশ্চাৎ পশ্চাৎ মার্জ্জার গমন করে, তেমনি তোমার পশ্চাৎ পশ্চাৎ আমার মন গিয়াছে । যেমন উচ্ছিষ্টাবশেষ ফেলিতে গেলে, বুড়ু কুকুর পশ্চাৎ পশ্চাৎ যায়, আমার অবশ চৈত তেমনি তোমার পশ্চাৎ গিয়াছে । যেমন কলুর ঘানিগাছে প্রকাণ্ডাকার বলদ ঘুরিতে থাকে, তেমনি আশা নামে আমার প্রকাণ্ড বলদ, তোমার প্রণয়রূপ ঘানিগাছে ঘুরিতেছে । যেমন লোহার চাটুতে তণ্ডু তৈলে কৈলাছ ভাজে, তেমনি এই বিরহচাটুতে বসন্তরূপ তণ্ডু তৈলে আমার

হৃদয়রূপ কৈমাত্রকে অহরহ ভাবিতেছে। যেমন এই বসন্তকালের তাপে শক্তিনা খাড়া কাটিতেছে, তোমার বিরহসম্মানে তেমনি আমার হৃদয় খাড়া কাটিতেছে। যেমন এক লাজলে যোড়া গোরু ঘুড়িয়া ক্ষেত্রকে চাষা ক্ষতবিক্ষত করে, তেমনি এক প্রেমলাজলে বিরহ এবং বারম্বারীভক্তিরূপে যোড়া গোরু ঘুড়িয়া আমার স্বামী চাষা আমার হৃদয়ক্ষেত্রকে ক্ষতবিক্ষত করিতেছেন। কথায় আর কি বলিব। বিরহের জ্বালায় আমার ডালে ফুল হয় না, পানে চুল হয় না, ঝোলে ঝাল হয় না, ক্ষীরে মিষ্ট হয় না। সখি, বিরহের তুংখ যে দিন মনে হয়, সে দিন আমি তিন বেলা বই খাইতে পারি না; আমার তুংখের বাটি অম্বনি পড়িয়া থাকে। (চক্ষু মুড়িয়া) সখি, তোমার বসন্তবর্ণনা সমাপ্ত কর, তুংখের কথায় আর কাজ নাই।

স্বামী। আমার বসন্তবর্ণনা শেষ হইয়াছে। ভ্রমর, কোকিল, মলয় মাকত এবং বিরহ, এই চারিটির কথাই বলিয়াছি, আর বাকি কি?

স্বামী। দড়ি আর কলসী।

সুবর্ণগোলক

কৈলাসশিখরে, নবমুকুলশোভিত দেবদাক্ষতলায় শার্দূলচন্দ্রাসনে বসিয়া হরপার্বতী পাশা খেলিতেছিলেন। বাজি একটি সুবর্ণগোলক। মহাদেবের খেলায় দোষ এই—আড়ি মারিতে পারেন না—তাহা পারিলে সমুদ্রমন্ডনের সময়ে বিষের ভাগটা তাঁহার ঘাড়ে পড়িত না। গৌরী আড়ি মারিতে পটু—প্রমাণ, পৃথিবীতে তাঁহার তিন দিন পূজা। আর খেলায় যত হউক না হউক, কান্নাইয়ে অধিতীয়া, কেন না, তিনিই আত্মাশক্তি। মহাদেবের ভাল দান পড়িলে কাঁদিয়া হাট বাঁধান—আপনার যদি পড়ে পাঁচ ছুই সাত, তবে হাঁকেন পোয়া বারো। তাঁকিয়া তিন চক্ষে মহাদেবের প্রতি কটাক্ষ করেন—যে কটাক্ষে সৃষ্টিস্থিতিপ্রলয় হয়, তাহার গুণে মহাদেব দান দেখিয়াও দেখিতে পারেন না। বলা বাহুল্য যে, দেবাদিদেবের হার হইল। ইহাই রীতি।

তখন মহাদেব পার্বতীকে স্বীকৃত কাকনগোলক প্রদান করিলেন।

উমা তাহা গ্রহণ করিয়া পৃথিবীতে নিক্ষেপ করিলেন। দেখিয়া, পকানন অকুটি করিয়া কহিলেন, “আমার প্রদত্ত গোলক ত্যাগ করিলে কেন?”

উমা কহিলেন, “প্রভো, আপনার প্রদত্ত গোলক অবশ্য কোন অপূৰ্ব্ব শক্তিবিশিষ্ট এবং মঙ্গলপ্রদ হইবে। মনুষ্যের চিত্তার্থে তাহা প্রেরণ করিয়াছি।”

গিরীশ বলিলেন, “ভদ্রে। প্রজ্ঞাপতি, বিষ্ণু এবং অগ্নি, এই তিন জনে যে সকল নিয়ম নিবদ্ধ করিয়া সৃষ্টিস্থিতিয় করিতেছি, তাহার ব্যতিক্রমে কখন মঙ্গল হয় না। যে মঙ্গল হইবার তাহা সেই সকল নিয়মাবলির বলেই ঘটিবে। কাকনগোলকের কোন প্রয়োজন নাই। যদি ইহার কোন মঙ্গলপ্রদ গুণ হয়, তবে নিয়মভঙ্গ দোষে লোকের অনিষ্ট হইবে। তবে তোমার অনুরোধে উহাকে একটি বিশেষ গুণযুক্ত করিলাম। বসিয়া উহার কার্য দর্শন কর।”

কালীকান্ত বসু বড় বাবু। বয়স বৎসর পঁয়ত্রিশ, দেখিতে সুন্দর পুরুষ, কয় বৎসর হইল, পুনর্ব্বার দার পরিগ্রহ করিয়াছেন। তাঁহার স্ত্রী কামসুন্দরীর বয়ঃক্রম আঠার বৎসর। তাঁহার পত্নী তাহার পিতৃভবনে ছিল। কালীকান্তবাবু স্ত্রীর সম্ভাষণে স্বস্তরবাড়ী যাইতেছিলেন। স্বস্তর বিশেষ সম্পন্ন ব্যক্তি—গঙ্গাতীরবর্ত্তী গ্রামে বাস। কালীকান্ত, ঘাটে নৌকা লাগাইয়া পদব্রজে যাইতেছিলেন, সঙ্গে রামা চাকর একটা পোর্টম্যান্টো বহিয়া যাইতেছিল। পথিমধ্যে কালীকান্তবাবু দেখিলেন, একটি স্বর্ণগোলক পড়িয়া আছে। বিস্মিত হইয়া তাহা উঠাইয়া লইলেন। দেখিলেন, সুবর্ণ বটে। প্রীত হইয়া তাহা ভৃত্য রামাকে রাখিতে দিলেন; বলিলেন, “এটা সোণার, কেহ হারাইয়া থাকিবে। কেহ খোঁজ করে, বাহির করিয়া দিব। নহিলে বাড়ী লইয়া যাইব। এখন রাখ।”

রামা বস্ত্রমধ্যে গোলকটি লুকাইয়া রাখিবার অভিপ্রায়ে, পথে পোর্টম্যান্টো নামাইল। পরে কালীকান্তবাবুর হস্ত হইতে গোলকটি গ্রহণ করিয়া বস্ত্রমধ্যে লুকাইল।

কিন্তু রামা আর পোর্টম্যান্টো রাখায় তুলিল না। কালীকান্তবাবু

স্বয়ং তাহা উঠাইয়া মাথায় করিলেন । রামা অগ্রসর হইয়া চলিল, বাবু মোট মাথায় পশ্চাৎ পশ্চাৎ চলিলেন । তখন রামা বলিল, “ওরে রামা” বাবু বলিলেন, “আজ্ঞা ?”

রামা বলিল, “তুই বড় বেআদব, দেখিস্ যেন আমার খশুরবাড়ী গিয়া বেআদবি করিস্ না । তাহার ভুল্ললোক ।”

বাবু বলিলেন, “আজ্ঞে তা কি পারি ? আপনি হচ্ছেন মুনিব— আপনার কাছে কি বেআদবি করিতে পারি ।”

কৈলাসে গৌরী বলিলেন, “প্রভো, আমি ত কিছুই বুঝিতে পারিতেছি না । আপনার স্বর্ণগোলকের কি গুণ এ ?”

মহাদেব বলিলেন, “গোলকের গুণ চিত্তবিনিময় । আমি যদি নন্দীর হাতে এই গোলক দিই, তবে নন্দী ভাবিবে, আমি মহাদেব, আমাকে ভাবিবে নন্দী ; আমি ভাবিব, আমি নন্দী, নন্দীকে ভাবিব মহাদেব । রামা ভাবিতেছে, আমি কালীকান্ত বসু, কালীকান্তকে ভাবিতেছে, এ রামা চাকর । কালীকান্ত ভাবিতেছে, আমি রামা খানসামা, রামাকে ভাবিতেছে, কালীকান্তবাবু ।”

কালীকান্তবাবু যখন খশুরবাড়ী পৌঁছিলেন, তখন তাঁহার গম্বুজ অস্তপূরে । কিন্তু বাহিরে একটা গড়গোল উঠিল । দ্বারবান্ রামদাঁন পাড়ে বলিতেছে, “আরে ও খানসামাজি, তোম ছ’য়া মং বইঠিও—তোম হামারা পাশ আও ।” শুনিয়া রামা গরম হইয়া, চক্ষু রক্তবর্ণ করিয়া বলিতেছে, “যা বেটা মেড়ুয়বাদী যা—তোর আপনার কাজ করগে ।”

দ্বারবান্ পোর্টম্যান্টো নামাইয়া নিল । কালীকান্ত বলিল, “দয়ওয়ানজি, বাবুকে অমন করিয়া অপমান করিও না । উনি রাগ করিয়া চলিয়া যাইবেন ।”

দ্বারবান্ জামাইবাবুকে চিনিত, খানসামাকে চিনিত না । কালীকান্তের মুখে এইরূপ কথা শুনিয়া মনে করিল, যেখানে জামাইবাবু ইহাকে বাবু বলিতেছেন, সেখানে ইনি কোন ছদ্মবেশী বড় লোক হইবেন । দ্বারবান্ তখন ভক্তিতাবে রামাকে যুক্তকরে আশীর্ব্বাদ করিয়া

কহিল, “গোলামকি কসুর বাপ কিজিয়ে!” রামা কহিল, “আচ্ছা, তাহাকু ভেজ দেও!”

খণ্ডুরবাড়ীর খানসাহা উদ্ধব, অতি প্রাচীন পুরাতন ভৃত্য। সেই বাঁধা হুকোয় তাহাকু সাজিয়া আনিল। রামা, তাকিয়ায় হেলান দিয়া, তাহাকু খাইতে লাগিল। কালীকান্ত চাকরদের ঘরে গিয়া, কলিকায় তাহাকু খাইতে লাগিল। উদ্ধব বিস্মিত হইয়া কহিল, “দাদা ঠাকুর, এ কি এ?” কালীকান্ত কহিল, ‘ওঁর সাক্ষাতে কি তাহাকু খাইতে পারি?’

উদ্ধব গিয়া অন্তঃপুরে কর্তাকে সংবাদ দিল, “জামাইবাবু আসিয়াছেন, তাঁহার সঙ্গে একজন কে ছদ্মবেশী মহাশয় এসেছেন—জামাইবাবু তাঁকে বড় মানেন, তাঁর সাক্ষাতে তাহাকু পর্যাস্ত খান না।”

কর্তা নীলরতনবাবু নীজ বহির্বর্ষাটিতে আসিলেন। কালীকান্ত তাঁহাকে দেখিয়া দূর হইতে একটি সাষ্টাঙ্গে প্রণাম করিয়া সরিয়া গেল। রামা আসিয়া নীলরতনের পায়ের ধূলা লইয়া কোলাকুলি করিল। নীলরতন ভাবিল, “সঙ্গে সোকটা সভাভবা বটে—তবে জামাই বাবাজিকে কেমন কেমন দেখিতেছি।”

নীলরতনবাবু রামাকে দ্রাগত জিজ্ঞাসা করিতে বসিলেন, কিন্তু কথাবার্তা শুনিয়া কিছুই বুঝিতে পারিলেন না। এদিকে অন্তঃপুর হইতে জলযোগের স্থান হইয়াছে বলিয়া পরিচারিকা কালীকান্তকে ডাকিতে আসিল। কালীকান্ত বলিল, “বাপ রে, আমি কি বাবুর আগে জল খেতে পারি! আগে বাবুকে জল খাওয়াও। তারপর আমার হবে এখন। আম, মাঠাকরুণ, আপনাদের খাচ্ছিই ত।”

“মাঠাকরুণ” শুনিয়া পরিচারিকা মনে করিল, “জামাইবাবু আমাকে একজন শাণ্ডী টাণ্ডী মনে করিয়াছেন—না করবেন কেন; আনাকে ভাল মানুষের মেয়ে বই ত আর ছোট লোকের মেয়ের মত দেখায় না। ওঁরা দশটা দেখেছেন—মানুষ চেনতে পারেন—কেবল এই বাড়ীর পোড়া লোকেই মানুষ চেনে না।” অতএব বিন্দী চাকরাণী জামাইবাবুর উপর বড় খুসী হইয়া অন্তঃপুরে গিয়া বলিল, “জামাইবাবুর বিবেচনা ভাল—

সন্দের মানুষটি না খেলে কি তিনি খেতে পারেন—তা আগে তাঁকে জল খাওয়াও, তবে জামাই খাবেন।”

বাড়ীর গৃহিণী মনে ভাবিলেন, “সে উপরি লোক, তাহাকে বাড়ীর ভিতর আনিয়া জল খাওয়ান হইতে পারে না। জামাইকেও বাহিরে খাওয়ান হইতে পারে না। তা, তার জায়গা হউক বাহিরে, আর জামাইয়ের জায়গা হউক ভিতরে।” গৃহিণী সেইরূপ বন্দোবস্ত করিলেন। রামা বাহিরে জলযোগের উদ্যোগ দেখিয়া বড় ক্রুদ্ধ হইল, ভাবিল, “এ কি অলৌকিকতা ?” এদিকে দাসী কালীকান্তকে অন্তঃপুরে ডাকিয়া আনিল। ঘরের ভিতর স্থান হইয়াছে, কিন্তু কালীকান্ত উঠানে দাঁড়াইয়া বলিল, “আমাকে ঘরের ভিতর কেন ? আমাকে এইখানে হাতে ছোটো ছোলা গুড় দাও, খেয়ে একটু জল খাই।” শুনিয়া শালীরা বলিল, “বোসজা মশাই যে এবার অনেক রকম রসিকতা শিখে এয়েছ দেখতে পাই।” কালীকান্ত কাতর হইয়া বলিল, “আজ্ঞে, আমাকে ঠাট্টা করেন কেন, আমি কি আপনাদের তামাসার যোগ্য ?” একজন প্রাচীনা ঠাকুরানীদিদি বলিল, “আমাদের তামাসার যোগ্য কেন ?—যার তামাসার যোগ্য তার কাছে চল।” এই বলিয়া কালীকান্তের হাত ধরিয়া হড়হড় করিয়া টানিয়া ঘরের ভিতর লইয়া আসিল।

সেখানে কালীকান্তের ভার্য্যা কামসুন্দরী দাঁড়াইয়া ছিল। কালীকান্ত তাকে দেখিয়া প্রভুপত্নী মনে করিয়া সাষ্টাঙ্গে প্রণাম করিল।

কামসুন্দরী দেখিয়া, চন্দ্রবদনে মধুর হাসি হাসিয়া বলিল, “ওকি ও রঙ্গ—এ আবার কোন্ ঠাট্টা শিখিয়া আসিয়াছ ?” শুনিয়া কালীকান্ত কাতর হইয়া কহিল, “আজ্ঞে, আমার সঙ্গে অমন সব কথা কেন—আমি আপনার চাকর—আপনি মুনিব।”

রসিকা কামসুন্দরী বলিল, “তুমি চাকর, আমি মুনিব, সে আজ না কাল ? যত দিন আমার বয়স আছে, ততদিন এই সম্পর্কই থাকিবে। এখন জল খাও।”

কালীকান্ত মনে করিল, “বাবা, এঁর কথার ভাব যে কেমন। কেমন আমাদের বাবু যে একটা গেছো মেয়ের হাতে পড়েছেন দেখতে পাই।

তা, আমার সবাই ভাল।” এই ভাবিয়া কালীকান্ত পুনর্ব্বার ভক্তিতাবে প্রণাম করিয়া পলাইবার উদ্যোগ করিতেছিলেন, দেখিয়া কামসুন্দরী আসিয়া তাঁহার গাত্রবস্ত্র ধরিল; বলিল, “ওরে আমার সোণার চাঁদ! আমার সাত রাজার ধন এক মাণিক! আমার কাছ থেকে আর পলাতে হয় না।” এই বলিয়া কামসুন্দরী স্বামীকে আসনের দিকে টানিতে লাগিল।

কালীকান্ত আত্মরক কাতরতার সহিত হাত ধোড় করিয়া বলিতে লাগিল, “দোহাই বৌঠাকুরাণি, আপনার সাত দোহাই—আমাকে ছাড়িয়া দিন—আপনি আমার দ্বভার জানেন না—আমি সে চরিত্রের লোক নই।” কামসুন্দরী হাসিয়া বলিল, “তুমি যে চরিত্রের লোক, আমি বেশ জানি—এখন জল খাও।”

কালীকান্ত বলিল, “যদি আপনার কাছে কেহ আমার এমন নিন্দা করিয়া থাকে, তবে সে ঠক—ঠকাম করিয়াছে আপনার কাছে হাতযোড় করিতেছি, আপনি আমার গুরুজন—আমায় ছাড়িয়া দিন।”

কামসুন্দরী রসিকতাপ্রিয়: মনে কারণ যে, এ একতর নৃতন রসিকতা বটে। বলিল, “প্রাণাধিক, তুমি কত রসিকতা শিখিয়া আসিয়াছ, তাহা বুঝা যাইবে।” এই বলিয়া স্বামীর দুই হস্ত ধারণ করিয়া আসনে বসাইবার জন্য টানিতে লাগিল।

হস্তধারণ মাত্র কালীকান্ত সর্ব্বনাশ হইল মনে করিয়া “বাবা রে, গেলাম রে, এগো রে, আমায় মেরে ফেলো রে” বলিয়া চীৎকার আরম্ভ করিল। চীৎকার শুনিয়া গৃহস্থ সকলে ভীত হইয়া দৌড়িয়া আসিল। না, ভগিনী, পিসী প্রভৃতিকে দেখিয়া কামসুন্দরী স্বামীর হস্ত ছাড়িয়া দিল। কালীকান্ত অবসর পাইয়া উর্দ্ধ্বাসে পলায়ন করিল।

গৃহীণী কামসুন্দরীকে জিজ্ঞাসা করিলেন, “কি লা কামি—জামাই অমন করে উঠলো কেন? তুই কি মেরেছিস্?”

বিস্মিতা কামসুন্দরী মশ্বপীড়িতা হইয়া কহিল, “মারিব কেন? আমি মারিব কেন—আমার যেমন পোড়া কপাল।” ক্রমে ক্রমে মূর কঁাদনিতে চড়িতে লাগিল—“আমার যেমন পোড়া কপাল—কোন আবাগী আমার

সর্বনাশ করেছে—কে ওয়ুধ করেছে—” বলিতে বলিতে কামসুন্দরী কাঁদিয়া হাট লাগা ইল।

সকলেই বলিল, “ঠা তুই মেরেছিস্ ; নহিলে অমন কাতরাবে কেন ?” এই বলিয়া সকলে কামকে “পাপিষ্ঠা” “ডাইনী” “রাক্ষসী” ইত্যাদি কথায় ভৎসনা করিতে লাগিল। কামসুন্দরী বিনাপরাধে নিন্দিতা ও ভৎসিতা হইয়া কাঁদিতে কাঁদিতে ঘরে গিয়া দ্বার দিয়া শুইয়া পড়িল।

এদিকে কালীকান্ত বাহিরে আসিয়া দেখিল যে, বড় একটা গোলযোগ বাধিয়া উঠিয়াছে। নীলরতনবাবু স্বয়ং এবং দ্বারবান্ ও উদ্ধব, সকলে পড়িয়া যে যেখানে পাইতেছে, সে সেইখানে রামাকে প্রহার করিতেছে ; কিল, লাথি, চড়, চাপড়ের বৃষ্টির মধ্যে রামা চাকর কেবল বলিতেছে, “ছেড়ে দে রে, বাবা রে, জামাই মারে, এমন কখন শুনি নাই, আমার কি—তোদেরই মেয়েকে একাদশী করতে হবে।” নিকটে দাঁড়াইয়া তরঙ্গ চাকরাণী হাসিতেছে, সে সর্বদা কালীকান্তবাবুর বাড়ীতে যাওয়াত করিত, সে রামা চাকরকে চিনিত, সেই বলিয়া দিয়াছে। কালীকান্তবাবু মারপিট দেখিয়া ফ্লপের স্থায় উঠানময় বেড়াইতে লাগিল, বলিতে লাগিল, “কি সর্বনাশ হইল ! বাবুকে মারিয়া ফেলিল।” ইহা দেখিয়া নীলরতনবাবু আরও কোপাবিষ্ট হইয়া রামাকে বলিতে লাগিলেন, “তুই বেটাই জামাইকে কি খাওয়াইয়া পাগল করিয়া দিয়াছিস্—মার বেটাকে জুতো।” এই কথা বলায়, যেমন শ্রাবণ মাসে বৃষ্টির উপর বৃষ্টি চাপিয়া আইসে, তেমনি নির্দোষী রামার উপর প্রহারবৃষ্টি চাপিয়া আসিল। মারপিটের চোটে বস্তুমধ্য হইতে লুকান স্বর্ণগোলকটি পড়িয়া গেল। দেখিয়া তরঙ্গ চাকরাণী তাহা কুড়াইয়া লইয়া নীলরতনবাবুর হস্তে দিল। বলিল, “ও মিলে চোর ! দেখুন, ও একটা সোণার ভাল চুরি করিয়া রাখিয়াছে।” “দেখি” বলিয়া নীলরতনবাবু স্বর্ণগোলক হস্তে লইলেন,—অমনি তিনি রামাকে ছাড়িয়া দিয়া, সরিয়া দাঁড়াইয়া কোঁচার কাপড় খুলিয়া মাথায় দিলেন ; তরঙ্গও মাথার কাপড় খুলিয়া, কোঁচা করিয়া পরিয়া, পাছুকা হস্তে রামাকে মারিতে প্রবৃত্ত হইল।

উদ্ধব তরঙ্গকে বলিল, “তুই মাগি আবার এর ভিতর এলি কেন ?”

তরঙ্গ বলিল “কাকে মাগি বলিতেছি?”

উদ্ধব বলিল, “তোকে।”

“আমাকে ঠাট্টা ?” এই বলিয়া তরঙ্গ মহাক্রোধে হস্তের পাছকার দ্বারা উদ্ধবকে প্রহার করিল। উদ্ধবও ক্রুদ্ধ হইয়া, ত্রীলোককে মারিতে না পারিয়া, নীলরতনবাবুর দিকে চাহিয়া বলিল, “দেখুন দেখি কৰ্ত্তা মহাশয়, মাগির কত বড় স্পর্ধা, আমাকে জুতা মারে!” কৰ্ত্তা তখন একটুখানি ঘোমটা টানিয়া, একটু রসের হাসি হাসিয়া, মৃদুস্বরে কহিলেন, “তা মেরেছেন মেরেছেন, তুমি রাগ করিও না। মুনিব—মারতে পারেন।”

শুনিয়া উদ্ধব আরও ক্রুদ্ধ হইয়া বলিল, “ও আবার ‘ক’য়ের মুনিব—ও চাকর, আমিও চাকর! আপনি এমনি আজ্ঞা করেন! আমি আপনারই চাকর, ওর চাকর কেন হবে? আমি এমন চাকরি করি না।”

শুনিয়া কৰ্ত্তা আবার একটু মধুর হাসি হাসিয়া বললেন, “মরণ আর কি! বুড়ো বয়সে মিসের রস দেখ! আমার চাকর আবার তুমি কিসে হতে গেলে?”

উদ্ধব অবাক হইল, মনে করিল, “আজ কি পাগলের পাড়া পড়িয়াছে নাকি? উদ্ধব বিস্মিত হইয়া রামাকে ছাড়িয়া দাঁড়াইল।”

এমত সময়ে বাড়ীর গোরক্ষক গোবর্দ্ধন ঘোষ সেইখানে আসিয়া উপস্থিত হইল। সে তরঙ্গের দাসী। সে তরঙ্গের অবস্থা ও কার্য দেখিয়া বিস্মিত হইল—তরঙ্গ তাহাকে গ্রাহ্যও করিল না। এদিকে কৰ্ত্তামহাশয় গোবর্দ্ধনকে দেখিয়া ঘোমটা টানিয়া এক পাশে দাঁড়াইলেন। গোবর্দ্ধনকে আড়ে আড়ে দেখিয়া চুপি চুপি বলিলেন, “তুমি উহার ভিতর যাইও না।” গোবর্দ্ধন তরঙ্গের আচরণ দেখিয়া অত্যন্ত রুষ্ট হইয়াছিল—সে কথা তাহার কাণে গেল না; সে তরঙ্গের চুল ধরিতে গেল। “নচ্ছার মাগি, তোর হায়া নেই” এই বলিয়া গোবর্দ্ধন অগ্রসর হইতেছিল, দেখিয়া তরঙ্গ বলিল, “গোবরা, তুইও কি পাগল হয়েছিস না কি? যা, গোরক্ষ

যাব দিয়ে যা।” শুনিয়া গোবর্দ্ধন, তরঙ্গের কেশাকর্ষণ করিয়া উত্তম মধ্যম আরম্ভ করিল। দেখিয়া নীলরতনবাবু বলিলেন, “যা। পোড়াকপালে মিলে কর্তাকে ঠেঙ্গিয়ে খুন করলে।” এদিকে তরঙ্গও জুড়ক হইয়া “আমার গায়ে হাত তুলিস” বলিয়া গোবর্দ্ধনকে মারিতে আরম্ভ করিল। তখন একটা বড় গোলযোগ হইয়া উঠিল। শুনিয়া পাড়ার প্রতিবাসী রাম মুখোপাধ্যায়, গোবিন্দ চট্টোপাধ্যায় প্রভৃতি আসিয়া উপস্থিত হইল। রাম মুখোপাধ্যায় একটা শুবর্ণ-গোলক পড়িয়া আছে দেখিয়া গোবিন্দ চট্টোপাধ্যায়ের হস্তে দিয়া বলিলেন, “দেখুন দেখি মহাশয়, এটা কি ?”

কৈলাসে পার্শ্বতী বলিলেন, “প্রভো ! আপনার গোলক সম্বরণ করুন—ঐ দেখুন গোবিন্দ চট্টোপাধ্যায় বৃদ্ধ রাম মুখোপাধ্যায়ের অন্তঃপুরমধ্যে প্রবেশ করিয়া রামের বৃদ্ধা ভাৰ্য্যাকে পত্নী সম্বোধনে কোতুক করিতেছে। আর রাম মুখোপাধ্যায়ের পরিচারিকা তাহার আচরণ দেখিয়া সম্মার্জ্জনী প্রহার করিতেছে। এদিকে বৃদ্ধ রাম মুখোপাধ্যায়, আপনাকে যুবা গোবিন্দ চট্টোপাধ্যায় মনে করিয়া, তাহার অন্তঃপুরে গিয়া তাহার ভাৰ্য্যাকে টপ্পা শুনাইবেছেন। এ গোলক আর মুহূর্ত্তকাল পৃথিবীতে থাকিলে গৃহে গৃহে বিশৃঙ্খলা হইবে। অতএব আপনি ইহা সম্বরণ করুন।”

মহাদেব কহিলেন, “হে শৈলশ্রুতে ! আমার গোলকের অপরাধ কি ? এ কাণ্ড কি আজ নূতন পৃথিবীতে হইল ? তুমি কি নিত্য দেখিতেছ না যে, বৃদ্ধ যুবা সাজিতেছে, যুবা বৃদ্ধ সাজিতেছে, প্রভু ভৃত্যের তুলা আচরণ করিতেছে, ভৃত্য প্রভু হইয়া বসিতেছে। কবে না দেখিতেছ যে, পুরুষ স্ত্রীলোকের স্থায় আচরণ করিতেছে, স্ত্রীলোক পুরুষের মত ব্যবহার করিতেছে ? এ সকল পৃথিবীতে নিত্য ঘটে, কিন্তু তাহা যে কি প্রকার হাস্যজনক, তাহা কেহ দেখিয়াও দেখে না। আমি তাহা একবার সকলের প্রত্যক্ষীভূত করাইলাম। এক্ষেণে গোলক সম্বৃত্ত করিলাম। আমার ইচ্ছায় সকলেই পুনর্ব্বার স স প্রকৃতিস্থ হইবে এবং যাহা যাহা ঘটিয়া গিয়াছে, তাহা কাহারও স্মরণ থাকিবে না। তবে,

লোকহিতার্থে আমার বরে বঙ্গদর্শন এই কথা পৃথিবীমধ্যে প্রচারিত করিবে ।”

রামায়ণের সমালোচনা

কোন বলাতী সমালোচক প্রণীত

আমি রামায়ণ গ্রন্থখানি আত্মস্তু পাঠ করিয়া অতিশয় বিস্মিত হইয়াছি। অনেক সময়ে রচনা প্রায় নিম্ন শ্রেণীর ইউরোপীয় কাব্যদিগের তুল্য। হিন্দু কবির পক্ষে ইহা সামান্য গৌরবের বিষয় নহে। গ্রন্থকার যে আর কিছুদিন যত্ন করিলে একজন শ্রুতি হইতেন, তদ্বিষয়ে সন্দেহ নাই।

এই কাব্যগ্রন্থখানির স্থূল তাৎপর্য্য, বানরদিগের মাহাত্ম্যবর্ণন। বানরেরা বোধ হয়, আধুনিক Bonerwal নামা হিমাচল প্রদেশবাসী অনার্য জাতিদিগের পূর্বপুরুষ। অনার্য্য বানরগণ-কর্তৃক লঙ্কাজয় ও রাক্ষসদিগের সবংশে নিধন, ইহার বর্ণনীয় বিষয়। তখন আর্য্যেরা অসভ্য ও অনার্য্যেরা সভ্য ছিল।

রামায়ণে কিছু কিছু নীতিগর্ভ কथा আছে। বুদ্ধিহীনতার যে কত দোষ, তাহা কাব্য বুঝাইবার চেষ্টা করিয়াছেন। এক নিকোঁধ প্রাচীন রাজার চারিটি ভাৰ্য্যা ছিল। বহু-বিবাহের বিষময় ফল সহজেই উৎপন্ন হইল। বুদ্ধিমত্তা কৈকেয়ী দ্বায় পুত্রের উন্নতির জন্ত, অসভ্য বন্ধকে ভুলাইয়া ছলক্রমে সপত্নীগর্ভজাত রাজার জ্যেষ্ঠ পুত্রকে বনবাসে প্রেরণ করিল। জ্যেষ্ঠ পুত্রও ভারতবর্ষীয়দিগের স্বভাবসিদ্ধ আলস্যবশতঃ আপন দ্বন্দ্বাধিকার বজায় রাখিবার কোন যত্ন না করিয়া বুড়া বাপের কথায় বনে গেল। ইহার সহিত মহাতেজস্বী তুর্কবংশীয় ঔরঙ্গজেবের তুলনা কর; মুসলমান কেন এতকাল হিন্দুর উপর প্রভুত্ব করিয়াছে বুঝিতে পারিবে। রাম গমনকালে আপনার যুবতী ভাৰ্য্যাকে সঙ্গে করিয়া লইয়া গেল। তাহাতে যাহা ঘটবার ঘটিল।

ভারতবর্ষীয় জ্ঞীলোক যে স্বভাবতই অসতী, এই সীতার ব্যবহারই তাহার উত্তম প্রমাণ। সীতা যেমন গৃহের বাহির হইল, অমনই অশ্রু

পুরুষ ভজনা করিল। রামকে ত্যাগ করিয়া রাবণের সঙ্গে লঙ্কার রাজভোগ করিতে গেল। নির্বোধ রাম পথে পথে কাঁদিয়া বেড়াইতে লাগিল। হিন্দুরা এই জন্তই ত্রীলোকদিগকে গৃহের বাহির করে না।

হিন্দুসভাবের ভগ্নত্বতার লক্ষণ আর একটি উদাহরণ। তাহার চরিত্রে এইরূপে চিত্রিত হইয়াছে যে, তদুদ্বারা লক্ষ্যকে কর্মক্ষম বোধ হয়। অস্বজাতীয় হইলে যে একজন বড় লোক হইতে পারিত, কিন্তু তাহার একদিনের জন্তও সে দিকে মন যায় নাই। সে কেবল রামের পিছু পিছু বেড়াইল, আপনার উন্নতির কোন চেষ্টা করিল না। ইহা কেবল ভারতবর্ষীয়দিগের স্বভাবসিদ্ধ নিশ্চেষ্টতার ফল।

আর একটি অসভ্য মূর্খ ভরত। আপন হাতে রাজ্য পাইয়া ভাইকে ফিরাইয়া দিল। ফলতঃ রামায়ণ অকর্ম্মা লোকের ইতিহাসেই পূর্ণ। ইহা গ্রন্থকারের একটি উদ্দেশ্য। রাম পত্নীকে হারাইলে অনার্য্য (বানর) জাতি তাহার কাতরতা দেখিয়া দয়া করিয়া রাবণকে সবংশে মারিয়া সীতা কাড়িয়া আনিয়া দিল, কিন্তু বর্ব্বর জাতির নৃশংসতা কোথায় যাইবে? রাম ত্রীর উপর রাগ করিয়া তাহাকে একদিন পুড়াইয়া মারিতে গেল। দৈবে সে দিন সেটার রক্ষা হইল। পরে তাহাকে দেশে আনিয়া দুই চারি দিন মাত্র সুখে ছিল। পরে বর্ব্বরজাতির স্বভাবশুলভ ক্রোধ-বশতঃ পরের কথা শুনিয়া ত্রীটাকে তাড়াইয়া দিল। কয়েক বৎসর পরে সীতা খাইতে না পারিয়া রামের দ্বারে আসিয়া দাঁড়াইল। রাম তাহাকে দেখিয়া রাগ করিয়া মাটিতে পুঁতিয়া ফেলিল। অসভ্য জাতের মধ্যে এইরূপই ঘটে। রামায়ণের স্কুল তাৎপর্য্য এই।

ইহার প্রণেতা কে, তাহা সহজে স্থির করা যায় না। কিন্তুদন্তী আছে যে, ইহা বাল্মীকি প্রণীত। বাল্মীকি নামে কোন গ্রন্থকার ছিল কি না, তাৎক্ষণ্যে সংশয়। বাল্মীকি হইতে বাল্মীকি শব্দের উৎপত্তি দেখা যাইতেছে, অতএব আমার বিবেচনায় কোন বাল্মীকিমধ্যে এই গ্রন্থখানি পাওয়া গিয়াছিল। ইহাতে কি সিদ্ধান্ত স্থির করা যায় দেখা যাউক।

রামায়ণ নামে একখানি বাল্লালা গ্রন্থ আমি দেখিয়াছি। ইহা কুন্তিবাস প্রণীত। উভয় গ্রন্থে অনেক সাদৃশ্য আছে। অতএব ইহাও

অসম্ভব নহে যে, বাঙ্গালীক রামায়ণ কৃত্তিবাসের গ্রন্থ হইতে সঙ্কলিত। বাঙ্গালীক রামায়ণ কৃত্তিবাস হইতে সঙ্কলিত, কি কৃত্তিবাস বাঙ্গালীক রামায়ণ হইতে সঙ্কলন করিয়াছেন, তাহা সীমাংসা করা সহজ নহে; ইহা স্বীকার করি। কিন্তু রামায়ণ নামটিই এ বিষয়ের এক প্রমাণ। “রামায়ণ” শব্দের সংস্কৃতে কোন অর্থ হয় না, কিন্তু বাঙ্গালায় সদর্থ হয়। বোধ হয়, “রামায়ণ” শব্দটি “রামা যবন” শব্দের অপভ্রংশ মাত্র। কেবল “ব”কার লুপ্ত হইয়াছে। রামা যবন বা রামা মুসলমান নামক কোন ব্যক্তির চরিত্র অবলম্বন করিয়া কৃত্তিবাস প্রথম ইহার রচনা করিয়া থাকিবেন। পরে কেহ সংস্কৃতে অনুবাদ করিয়া বঙ্গীকরণে লুকাইয়া রাখিয়াছিল। পরে গ্রন্থ বঙ্গীকরণে প্রাপ্ত হওয়ায় বাঙ্গালীক নামে খাত হইয়াছে।

রামায়ণ গ্রন্থখানির আমরা কিছু প্রশংসা করিয়াছি, কিন্তু বিশেষ প্রশংসা করিতে পারি না। উহাতে অনেক গুরুতর দোষ আছে। আদ্যোপান্ত অশ্লীলতাঘটিত। সীতার বিবাহ, রবণকর্তৃক সীতাহরণ, এ সকল অশ্লীলঘটিত না ত কি? রামায়ণে করুণরসের অতি বিরল প্রচার। বানরকর্তৃক সমুদ্রবন্ধন, কেবল এইটিই রামায়ণের মধ্যে করুণ-রসাস্রিত বিষয়। লক্ষ্মণভোজনে কিঞ্চিৎ বীররস আছে। বশিষ্ঠাদি ঋষিদিগের কিছু হাস্যরস আছে। ঋষিগণ বড় রসিক পুরুষ ছিলেন। ধর্মের কথা লইয়া অনেক হাস্য পরিহাস করিতেন।

রামায়ণের ভাষা যদিও প্রাক্কল এবং বিশদ বটে, তথাপি অত্যন্ত অশুদ্ধ বলিতে হইবে। রামায়ণের একটি কাণ্ডে যোদ্ধাদিগের কোন কথা না থাকায় তাহার নাম হইয়াছে “অযোধ্যাকাণ্ড”। গ্রন্থকার তাহা “অযোদ্ধাকাণ্ড” না লিখিয়া “অযোধ্যাকাণ্ড” লিখিয়াছেন। প্রাচীন সংস্কৃত গ্রন্থে এরূপ অশুদ্ধ সংস্কৃত প্রায় দেখা যায়। আধুনিক ইউরোপীয় পণ্ডিতেরাই বিশুদ্ধ সংস্কৃতে অধিকারী।

বর্ষ সমালোচন

সম্মান পত্রের প্রথা আছে, নব বর্ষ প্রবৃত্ত হইলে গত বর্ষের ঘটনা

সকল সমালোচনা করিতে হয়। বঙ্গদর্শন* সম্বাদপত্র নহে, সুতরাং বঙ্গদর্শন বর্ষসমালোচনে বাধ্য নহে। কিন্তু আমাদের কি সাধ করে না? যেমন অনেকে রাজা না হইয়াও রাজকায়দায় চলেন, যেমন অনেকে কালা বাঙ্গালি হইয়াও সাহেব সাজিবার সাধে কোট পেটেলুন আঁটেন, আমরাও তেমন ক্ষুদ্র মাসিক পত্রিকা হইয়াও দোর্দণ্ড প্রচণ্ড প্রতাপশালী সম্বাদপত্রের অধিকার গ্রহণ করিব, ইচ্ছা করিয়াছি।

কিন্তু মনুষ্যজাতির এমনই দূরদৃষ্ট যে, যে বসন যে সাধ করে, তাহার সেই সাথে তখন বিদ্র ঘটে। নূতন বৎসর গিয়াছে পৌষ মাসে, আমরা লিখিতেছি অগ্রহায়ণ মাসের বঙ্গদর্শন! সর্ব্বনাশ, এ যে রাম না হইতে রামায়ণ! সৌভাগ্যের বিষয় এই যে, বঙ্গদর্শন রচনাসম্বন্ধে কোন নিয়মই মানে না—অত্যন্ত স্বেচ্ছাচারী। অতএব আমরা মনের সাধ মনে না মিটাইয়া, সে সাথে বিষাদ ইত্যাদি অনুপ্রাসের লোভ সঞ্চার করিয়া অগ্রহায়ণ মাসেই ১৮৭৫ সালের সমালোচনা করিব। অতএব হে গত বর্ষ! সাবধান হও, তোমাকে সমালোচনা করিব।

গত বৎসরে রাজকাৰ্য্য কিরূপে নিকর্ষাহ প্রাপ্ত হইয়াছে, তদ্বিষয়ে অনেক অনুসন্ধান করিয়া জানিয়াছি যে, এই বৎসরে তিন শত পয়ষটি দিবস ছিল, একদিনও কম হয় নাই। প্রতি দিবসে ২৪টি করিয়া ঘণ্টা এবং প্রতি ঘণ্টায় ৬০টি করিয়া মিনিট ছিল। কোনটির আমরা একটিও কম পাই নাই। রাজপুরুষগণ ইহাতে কোন প্রকার হস্তক্ষেপণ করেন নাই। ইহাতে তাঁহাদিগের বিজ্ঞতার পরিচয় পাওয়া যায় বটে। অনেকে বলেন যে, এ বৎসরে গোটাকত দিন কমাইয়া দিলে ভাল হইত; আমরা এ কথার অনুমোদন করি না; দিন কমাইলে কেবল চাকুরিয়াদিগের বেতন লাভ এবং সম্বাদপত্রলেখকদিগের শ্রমলাভ; সাধারণের কোন লাভ নাই; (আমরা মাসিক, ১২ মাসে বারখানি কেহ ছাড়িবে না।) তবে গ্রীষ্মকালটি একেবারে উঠাইয়া দিলে ভাল হয় বটে। আমরা কর্তৃপক্ষগণকে অনুরোধ করিতেছি, বার মাসই শীতকাল থাকে, এমন একটি আইন প্রচারের চেষ্টা দেখুন।

* এই প্রবন্ধ প্রথম বঙ্গদর্শনে প্রকাশিত হয়।

আমরা শুনিয়া হুঃখিত হইলাম, এ বৎসর সকলেরই এক এক বৎসর পরমায়ু চুরি গিয়াছে। কথাটায় আমরা সম্পূর্ণ বিশ্বাস করি না। আমরা প্রত্যক্ষ দেখিতেছি, আমাদের ৭১ বৎসর বয়স ছিল, এ বৎসর ৭২ হইয়াছে। যদি পরমায়ু চুরি গেল, তবে এক বৎসর বাড়িল কি প্রকারে? নিন্দক সম্প্রদায়ই এমন অযথার্থ প্রবাদ রটাইয়াছে।

এ বৎসর যে সুবৎসর ছিল, তাহার বিশেষ প্রমাণ এই যে, এ বৎসর অনেকেরই সম্ভাবন ছিলিয়াছে : টিষ্টিমেণ্টের ডিপার্টমেন্টের সুদক্ষ ক্যা-চারিংগন বিশেষ তদন্তে জানিয়াছেন, যে, কাহারও কাহারও পুত্র হইয়াছে, কাহারও কন্যা হইয়াছে, এবং কাহারও গর্ভস্রাব হইয়া গিয়াছে। হুঃখের বিষয় এই যে, এ বৎসর কতকগুলি মনুষ্য, অধিক নহে, রোগাণ্ডিত মরিয়াছে। শুনিয়াছি, যে, এদেশীয় কোন মহাসভা পার্লামেন্টে আবেদন করিবেন যে, এই পুণাভূম ভারতরাজ্যে মনুষ্য না মরিতে পায়। তাঁহারা এইরূপ প্রস্তাব করেন যে, যদি কাহারও নিতান্ত মরা আবেদন হয়, তবে সে পুলিশে জানাইয়া অনুমতি লইয়া মরিবে।

এ বৎসর ফাইন্যান্সিয়াল ডিপার্টমেন্টের কাণ্ড অতি বিচিত্র—আমরা ক্রুদ্ধ হইয়াছি যে, গবর্নমেন্টের আয়ও হইয়াছে, ব্যয়ও হইয়াছে। ইহা বিষয়কর হউক বা না হউক, বিষয়কর ব্যাপার এই যে, ইহাতে গবর্নমেন্টের টাকা, হয় কিছু উদ্ধৃত হইয়াছে, নয় কিছু অকুলান হইয়াছে, নয় ঠিক ঠিক মিলিয়া গিয়াছে। আগামী বৎসর (৭৬ সালে) টেক্স বসিবে কি না, তাহা এক্ষণে বলা যায় না, কিন্তু ভরসা করি, ৭৭ সালের এপ্রিল মাসে আমরা এ কথা নিশ্চিত বলিতে পারিব।

এবার বিচারালয় সকলের কার্যের আমরা বিশেষ সুখ্যাতি করিতে পারিলাম না। সত্য বটে যে, যে নালিশ করিয়াছে, তাহার বিচার হইয়াছে বা হইবে, এমন উদ্বোধন আছে, কিন্তু যাহারা নালিশ করে নাই, তাহাদের পক্ষে কোন বিচার হয় নাই। আমরা ইহা বুঝিতে পারি না ; যেখানে সাধারণ বিচারালয়, সেখানে নালিশ করুক বা না করুক, বিচার চাই। কেহ রোজ চাহুক বা না চাহুক, সূর্য্যদেব সর্বত্র রোজ করিয়া থাকেন, কেহ বৃষ্টি চাহুক বা না চাহুক, মেঘ ক্ষেত্রে ক্ষেত্রে বৃষ্টি করিয়া

থাকেন এবং কেহ বিচার চাহুক বা না চাহুক, বিচারকের উচিত, গৃহে গৃহে ঢুকিয়া বিচার করিয়া আসেন। যদি কেহ বলেন যে, বিচারকগণ একরূপ বিচারার্থ গৃহে গৃহে প্রবেশ করিতে গেলে গৃহস্থগণের সম্মাজ্জনায সকল অকস্মাৎ বিঘ্ন ঘটাইতে পারে, তাহাতে আমাদের বক্তব্য যে, গবর্ণমেন্টের কর্মচারীগণ সম্মাজ্জনাকে তাদৃশ ভয় করে না—সম্মাজ্জনার সঙ্গে নিয়ন্ত্রণের হাকিমদিগের বিলক্ষণ পরিচয় আছে এবং প্রায় প্রত্যহ ইহার সঙ্গে তাঁহাদের আলাপ হইয়া থাকে। যেমন ময়ূর সর্পপ্রিয়, ইহারও তেমন সম্মাজ্জনীয়—দেখিলেই প্রায় ভক্ষণ করিয়া থাকেন। আমরা এমনও শুনিয়াছি যে, গবর্ণমেন্টের কোন অধস্তন কর্মচারী প্রস্তাব করিয়াছেন যে, যেমন উচ্চশ্রেণীর কর্মচারীগণের পুরস্কারের জন্য “অর্ডার অব দি ষ্টার অব ইণ্ডিয়া” সংস্থাপিত করা হইয়াছে, সেইরূপ নিম্নশ্রেণীর কর্মচারীগণের জন্য “অর্ডার অব দি ক্রমস্টিক” সংস্থাপিত করা হউক এবং বিশেষ বিশেষ গুণবান্ ডিপুটি এবং সবজ্জ প্রভৃতিকে বাছিয়া বাছিয়া লাকলাইনের দড়িতে এই মহারত্নটিকে বাঁধিয়া তাঁহাদিগের গলদেশে লগ্নমান করিয়া দেওয়া হউক। তাঁহাদের চাপকান চেন চাদরবিভূষিত সদাকম্পমান বক্ষে ইহা অপূর্ব্ব শোভা ধারণ করিবে। রাজপ্রসাদস্বরূপ প্রদত্ত হইলে ইহা যে সাদরে গৃহীতে হইবে, তাহা আমরা শপথ করিয়া বলিতে পারি। আমাদের কেবল আশঙ্কা এই যে, এত উমেদওয়ার ফুটিবে যে, ঝাঁটার সঙ্কলান করা ভার হইবে।

গত বৎসর সুবৃষ্টি হইয়াছিল। কিন্তু সর্বত্র হয় নাই। ইহা মেঘদিগের পক্ষপাত বটে। যে সকল দেশে বৃষ্টি হয় নাই, সে সকল দেশের লোকে গবর্ণমেন্টে এই মর্মে আবেদন করিয়াছেন যে, ভবিষ্যতে যাহাতে সর্বত্র সমান বৃষ্টি হয়, এমন কোন উপায় উদ্ভূত হউক। আমাদের বিবেচনায় ইহার সহুপায় নিক্রপণ জন্ত একটি কমিটি সংস্থাপিত করা উচিত। কোন কোন ষাণ্ড সহযোগী বলেন যে, যদি সরকার হইতে মেঘদিগের বারবরদারি বরাদ্দ হয়, তাহা হইলে তাহাদিগের কোন দেশেই যাইবার আর আপত্তি থাকে না। কিন্তু আমাদের বিবেচনায় ইহাতেও সুবিধা হইবে না—কেন না, বঙ্গদেশের মেঘসকল অত্যন্ত সৌদামিনী-

প্রয়—সৌদামিনীগণকে ছাড়িয়া টাকার লোভেও দেশদোষে যাইতে দাঁকার করিবে না। আমরা প্রস্তাব করি যে, মেঘ সকল এবালিশ করিয়া দিয়া, ভিত্তীর বন্দোবস্ত করা হউক। ক্ষেত্রে ক্ষেত্রে একজন চাপরাশী বা সুযোগ্য ডিপুটি এক একজন ভিত্তীকে দীর্ঘ বংশধরে বাধিয়া উদ্ভিত করিয়া তুলিয়া ধরিবেক, ভিত্তী তথা হইতে হইতে ক্ষেত্রে জল ছড়াইয়া, পারে ত নামিয়া আসিবে। ভাল হয় না ?

আমাদের দেশের কামিনীগণ যে দেশহিতৈষিনী নন—নহিলে ভিত্তীর প্রয়োজন হইত না। তাঁহারা যদি প্রাত্যহিক সাংসারিক কান্নাটা মাঠে গিয়া কাঁদিয়া আসেন, তাহা হইলে অনায়াসেই কৃষিকাষের সুবন্দা হয় ও মেঘ ডিপার্টমেন্ট এবালিশ করা যাইতে পারে। তবে আমরা লোকের শারিরিক ও মানসিক মঙ্গলার্থ বলি যে, আকাশ-বস্তুর পরিবর্তে নারীময়নাশ্রমের আদেশ করিতে গেলে, একটু পাকা রকম পুলশের বন্দোবস্ত করা চাই। মেঘের বিদ্যুতে অধিক প্রাণী নাশ হয় না; কিন্তু রমণী-ময়নমেঘের কটাক্ষ-বিদ্যুতে, মাঠের মাঝখানে, চাষা-ভূষার ছেলেদের কি হয় বলা যায় না—পুলিশ থাকা ভাল।

শুনিলাম, শিক্ষাবিভাগে বড় গোলযোগ উপস্থিত হইয়াছে। শুনিয়াছি, অনেক বিদ্যালয়ের ছাত্রেরা এক একটা কাণমাপা কাটি প্রস্তুত করিয়াছে। তাহাদের মনে ঘোর সন্দেহ উপস্থিত হইয়াছে—তাহারা মলে, অমাপকদিগের প্রবেশদ্রিয়গুলি মাপিয়া দেখিব—নহিলে তাঁহাদিগের নিকট পড়িব না। আমরা ভরসা করি, মাপকাটি ছোট পড়িবে, এমত সম্ভাবনা কোথাও নাই।

যাহা হউক, চুর্ব্বৎসর হউক, সুবৎসর হউক, তিনটি নিগূত তব্ব আমরা স্থির জানিতে পারিতেছি—তদ্বিষয়ে কোন সংশয় নাই।

প্রথম, বৎসরটি চলিয়া গিয়াছে। এ বিষয়ে মতাস্তর নাই।

দ্বিতীয়, বৎসর গিয়াছে, আর কিরিবে না। কিরাইবার জন্ত কেহ কোন উদ্যোগ পাইবেন না। নিফল হইবে।

তৃতীয়ে, কিরে আর না কিরে, পাঠক। আপনার ও আমার পক্ষে সমান কথা, কেন না, আপনার ও আমার পঁচাত্তরেও ঘাস জল,

ছিয়াস্তুরেও ঘাস জল । আপনার মজল হউক, আপনি ঘাস জলের প্রতি দৃষ্টি রাখিবেন ।

কোন “স্পেশিয়ালের” পত্র

যুবরাজের সঙ্গে যে সকল “স্পেশিয়াল” আসিয়াছিলেন, তাঁহাদের মধ্যে একজন কোন বিলাতীয় সম্বাদপত্র নিয়ন্ত্রিত পত্রখানি লিখিয়াছিলেন, আমরা অনুবাদ করিয়া প্রকাশ করিতেছি । সে বিলাতীয় সম্বাদপত্রের নামের জ্ঞান যদি কেহ আগাদিগকে পীড়াপীড়ি করেন, তবে আমরা লাচার হইব । সংবাদপত্রের নাম আমরা জানি না এবং কোথায় দেখিয়াছিলাম, তাহা স্মরণ নাই । পত্রখানির বস্তু এই—

যুবরাজের সঙ্গে আসিয়া বাঙ্গালা দেশ যেরূপ দেখিলাম, তাহা এই অবকাশে বর্ণনা করিয়া আপনাদিগকে আপ্যায়িত করিব ইচ্ছা আছে । আমি এদেশ সম্বন্ধে অনেক অনুসন্ধান করিয়াছি, অতএব আমার কাছে যেরূপ ঠিক সম্বাদ পাইবেন, এমন অস্ত্রের কাছে পাইবেন না । এদেশের নাম “বেঙ্গল” । এ নাম কেন হইল, তাহা দেশী লোকে বলিতে পারে না । কিন্তু দেশী লোকে এদেশের অবস্থা সর্বিশেষ অবগত নহে, তাহারা জানিবে কি প্রকারে ? তাহারা বলে, পূর্বের ইহার এক প্রদেশকে বঙ্গ বলিত, তৎপ্রদেশের লোককে এখনও “বাঙ্গাল” বলে, এজন্ত এদেশের নাম “বাঙ্গালা” । কিন্তু এদেশের নাম বাঙ্গালা নহে—ইহার নাম “বেঙ্গল”—তাহা আপনারা সকলেই জানেন । অতএব এ কথা কেবল প্রবঞ্চনা মাত্র । আমার বোধ হয়, বেঞ্জামিন গল (Benjamin Gall) সংক্ষেপতঃ বেন্ গল্ নামক কোন ইংরেজ এই দেশ পূর্বের আবিষ্কৃত এবং অধিকৃত করিয়া আপন নামে বিখ্যাত করিয়াছিলেন ।

রাজধানীর নাম “ক্যালকাটা” (Calcutta) “কাল” এবং “কাটা” এই দুইটি বাঙ্গালা শব্দে এই নামের উৎপত্তি । এই নগরীতে কাল কাটাইবার কোন কষ্ট নাই, এই জন্যই ইহার নাম “কালকাটা” ।

এদেশের লোক কতকগুলি ঘোরতর কৃষ্ণবর্ণ, কতকগুলি কিঞ্চিৎ

গৌর। যাহারা কৃষ্ণবর্ণ, তাহাদিগের পূর্বপুরুষে বোধ হয়, আফ্রিকা হইতে আসিয়া বাস করিয়াছিল ; কেন না, সেই কৃষ্ণবর্ণ বাঙ্গালদিগের মধ্যে অনেকেরই কৃষ্ণিত কেশ ; নবতত্ত্ববিদেরা স্থির করিয়াছেন, কৃষ্ণিত কেশ হইলেই কাফ্রি। আর যাহারা কিঞ্চৎ গৌরবর্ণ, বোধ হয় তাহারা উপারিক্ষিত বেন গল্ সাহেবের বংশসম্ভূত।

দেখিলাম, অধিকাংশ বাঙ্গালি মাফেটের তত্ত্বপ্রসূত বস্ত্র পরিধান করে। অতএব স্পষ্টই সিদ্ধান্ত হইতেছে যে, ভারতবর্ষ মাফেটের সংশ্রবে আসিবার পূর্বে, বঙ্গদেশের লোক উল্লঙ্গ থাকিত। এক্ষণে মাফেটের অনুকম্পায় তাহারা বস্ত্র পরিয়া বাঁচিতেছে। ইহারা সম্প্রতি মাত্র বস্ত্র পরিতে আরম্ভ করিয়াছে, কি প্রকারে বস্ত্র পরিধান করিতে হয়, তাহা এখনও ঠিক করিয়া উঠতে পারে নাই। কেহ কেহ আমাদিগের মত পেটুলন পরে, কেহ কেহ তুর্কদিগের মত পায়জামা পরে এবং কেহ কেহ কাহার অনুকরণ করিবে, তাহারা কিছুই স্থির করিতে না পারিয়া, বস্ত্রগুলি কেবল কোমরে জড়াইয়া রাখে।

অতএব দেখ, ব্রিটিশ রাজ্য বেঙ্গল দেশে এক শত বৎসর বুড়া হইয়াছে মাত্র, ইতিমধ্যেই অসভ্য জাতিকে বস্ত্র পরিধান করিতে শিখাইয়াছে। সুতরাং ইংলণ্ডের যে কি অসম্মান মহিমা এবং তদুদ্বারা ভারতবর্ষের যে কি পরিমাণে ধন ঐশ্বর্য্য বৃদ্ধি হইতেছে, তাহা বলিয়া উঠা যায় না। তাহা ইংরেজেই জানে। বাঙ্গালিতে বৃদ্ধিতে পারে, এত বৃদ্ধি তাহাদিগের থাকা সম্ভব নহে।

দ্ব্যংখের বিষয় যে, আমি কয়দিনে বাঙ্গালিদিগের ভাষায় অধিক ব্যাংপত্তি লাভ করিতে পারি নাই; তবে কিছু কিছু শিখিয়াছি এবং গোলেস্তান্ এবং বোস্তান্ নামে যে দুইখানি বাঙ্গালী পুস্তক আছে, তাহার অনুবাদ পাঠ করিয়াছি। ঐ দুইখানি পুস্তকের স্থূল মর্ম্ম এই যে, যুধিষ্ঠির নামে রাজা, রাবণ নামে আর একজন রাজাকে বধ করিয়া তাহার মহিষী মন্দোদরীকে হরণ করিয়াছিল। মন্দোদরী কিছুকাল বৃন্দাবনে বাস করিয়া কৃষ্ণের সঙ্গে লীলাখেলা করেন। পরিশেষে তাহার পিতা, কৃষ্ণের নিমন্ত্রণ না করায় তিনি দক্ষযজ্ঞে প্রাণত্যাগ করেন।

আমি কিছু কিছু বাঙ্গালা শিখিয়াছি। বাঙ্গালিয়া হাইকোর্টকে হাইকোর্ট বলে, গবর্ণমেন্টকে গবর্ণমেন্ট বলে, ডিক্রীকে ডিক্রী বলে, ডিবিমিসকে ডিবিমিস, রেলকে রেল, ডোরকে ডোর, ডবলকে ডবল ইত্যাদি ইত্যাদি বলে। ইহাতে স্পষ্টই প্রতীয়মান হইতেছে যে, বাঙ্গালা ভাষা ইংরেজির একটি শাখা মাত্র।

ইহাতে একটি সন্দেহ উৎপন্ন হইতেছে। যদি বাঙ্গালা ইংরেজির শাখাই হইল, তবে ইংরেজেরা এদেশে আসিবার পূর্বে এদেশে কোন ভাষা ছিল কি না? দেখ, আমাদের প্রাচীর নাম হইতে ইহাদিগের প্রধান দেবতা কৃষ্ণের নাম নীত হইয়াছে এবং অনেক ইউরোপীয় পণ্ডিতের* মতে ইহাদিগের প্রধান পুস্তক তৎপ্রণীত ভগবদ্গীতা বাইবেল হইতে অনুবাদিত। সুতরাং বাইবেলের পূর্বে যে ইহাদিগের কোন ভাষা ছিল না, ইহা একপ্রকার স্থির। তাহার পর কবে ইহাদিগের ভাষা হইল বলা যায় না। বোধ করি, পণ্ডিতবর মক্ষমুলর মনোযোগ করিলে এ বিষয়ে মীমাংসা করিতে পারেন। যে পণ্ডিত মীমাংসা করিয়াছেন যে, অশোকের পূর্বে আর্যেরা লিখিতে জানিত না, সেই পণ্ডিতই এ কথা মীমাংসায় সক্ষম।

আর একটি কথা আছে। সর উইলিয়ম জোন্স হইতে মক্ষমুল পর্যন্ত প্রাচ্যবিৎ পণ্ডিতেরা বলেন যে, এদেশে সংস্কৃত নামে আর একটি ভাষা আছে। কিন্তু এদেশে আসিয়া আমি কাহাকেও সংস্কৃত কহিতে বা লিখিতে দেখি নাই। সুতরাং এদেশে সংস্কৃত ভাষা থাকার বিষয়ে আমার বিশ্বাস নাই। বোধ হয়, এটি উইলিয়ম জোন্স প্রভৃতির কারসাজি। তাঁহারা পশারের জন্ত এ ভাষাটি সৃষ্টি করিয়াছেন।**

যাহা হোক, ইহাদিগের সামাজিক অবস্থা সম্বন্ধে কিছু বলিব। তোমরা শুনিয়াছ যে, হিন্দুরা চারিটি জাতিতে বিভক্ত; কিন্তু তাহা

* Dr. Lorinzer &c.

** সাবধান, কেহ হার্মিবেন না মহামহোপাধ্যায় পণ্ডিত ডুগান্ড খুয়ান্ট যথার্থই এই মতাবলম্বী ছিলেন।

নহে। ইহাদিগের মধ্যে অনেকগুলি জাতি আছে, তাহাদের নাম নিয়ে লিখিতেছি।

১। ব্রাহ্মণ, ২। কায়স্থ, ৩। শূত্র, ৪। কুলীন, ৫। বংশজ, ৬। বৈষ্ণব, ৭। শাক্ত, ৮। রায়, ৯। ঘোষাল, ১০। টেগোর, ১১। মোল্লা, ১২। ফরাসি, ১৩। রামায়ণ, ১৪। মহাভারত, ১৫। আসাম গোয়ালপাড়া, ১৬। পারিয়া ডগস্।

বঙ্গালিদিগের চরিত্র অত্যন্ত মন্দ। তাহারা অত্যন্ত মিথ্যাবাদী, বিনা কারণেও মিথ্যা কথা বলে। শুনিয়াছি, বঙ্গালিদিগের মধ্যে শ্রেষ্ঠ পণ্ডিত বাবু রাজেন্দ্রলাল মিত্র। আমি অনেকগুলি বঙ্গালিকে জিজ্ঞাসা করিয়াছিলাম যে, তিনি কোন্ জাতি? সকলেই বলিল, তিনি কায়স্থ। কিন্তু তাহারা আমাকে ঠকাইতে পারিল না; কেন না, আমি সেই পণ্ডিতবর মক্ষমুলরের গ্রন্থে* পড়িয়াছি যে, বাবু রাজেন্দ্রলাল মিত্র ব্রাহ্মণ। দেখা যাইতেছে যে, “Mitra” শব্দ “Mitre” শব্দের অপভ্রংশ, অতএব মিত্র মহাশয়কে পুরোহিতজাতীয়ই বুঝায়।

বঙ্গালিদিগের একটি বিশেষ গুণ এই যে, তাহারা অত্যন্ত রাজভক্ত। যেরূপ লাখে লাখে তাহারা যুবরাজকে দেখিতে আসিয়াছিল, তাহাতে বোধ হইল যে, ঈদৃশ রাজভক্ত জাতি আর পৃথিবীতে কোথাও জন্মগ্রহণ করে নাই। ঈশ্বর আমাদের মঙ্গল করুন, তাহা হইলে তাহাদিগেরও কিছু মঙ্গল হইতে পারে।

বঙ্গালির ঐলোকদিগকে পরদানশীল করিয়া রাখে শুনা আছে। ইহা সত্য বটে, তবে সর্বত্র নয়।** যখন কোন লাভের কথা না থাকে, তখন ঐলোকদিগকে অস্তুপূরে রাখে, লাভের সূচনা দেখিলেই বাহির করিয়া আনে। আমরা যেরূপ ফৌলিংপিস লইয়া ব্যবহার করি, বঙ্গালিরা পৌরাজনা লইয়াও সেইরূপ করে; যখন প্রয়োজন নাই, তখন বাস্তবন্দি করিয়া রাখে, শিকার দেখিলেই বাহির করিয়া তাহাতে বারুদ পোরে।

* Chips form a German Workshop.

** বাঙ্গালী ঐলোকেরা কেহ কেহ অস্ত্রপুত্র পরিত্যাগ করিয়া রাজপুত্রকে অভ্যর্থনা করিয়াছিল।

বন্ধুকের সসের ঝালতে ছার পাক-জাতের পক্ষচ্ছেদ হয়, বালালের মেয়ের নয়নবাণে কাহার পক্ষচ্ছেদের আশা করে বলিতে পারি না। আমি বাঙ্গালি কন্ঠার অজ্ঞাতরণের যেরূপ গুণ দেখিয়াছি, তাহাতে আমার ইচ্ছা করে, আমারও কোলিংপিসটিকে ছুই একখানা সোণার গহনা পরাইব—দেখি, পাখী ঘুরিয়া আসিয়া বন্ধুকের উপর পড়ে কি না।

তবু নয়নবাণে কেন, শুনিয়াছি বাঙ্গালির মেয়ে নাকি পুষ্পবাণ-প্রয়োগেও বড় সুপটু। হিন্দু সাহিত্যোক্ত পুষ্পশরে, আর এই বঙ্গ-কামিনীগণের পরিত্যক্ত পুষ্পশরে কোন সম্বন্ধ আছে কি না, তাহা আমি জানি না; যদি থাকে, তবে বাঙ্গালির মেয়েকে ছুরাকাভিক্ষণী বলিতে হইবে। শুনিয়াছি, কোন বাঙ্গালি কবি নাকি লিখিয়াছিলেন, “কি ছার মিছার ধনু, ধরে ফুলবাণ”; এখন কথাটা একটু ফিরাইয়া বলিতে হইবে, “কি ছার মিছার ফুল, মারে ফুলবাণ”। যাহা হউক, ফুলবাণ সচরাচর প্রচলিত না হইয়া উঠে। বাঙ্গালায় ইংরেজ টেঁকা ভার হইবে—আমার সর্বদা ভয় করে, আমি এই গরিব দোকানদারের ছেলে, ছুঁটাকার সোভে সমুদ্র পার হইয়া আসিয়াছি—কে জানে, কখন বঙ্গকুলকামিনী-প্রেরিত কুসুমশর আসিয়া, এই ছেঁড়া তাম্বু ফুটা করিয়া, আমার হৃদয়ে আঘাত করিবে, আমি অমনি ধপাস্ করিয়া চিতপাত হইয়া পড়িয়া যাইব! হায়! তখন আমার কি হইবে! কে মুখে জল দিবে।

আমি এমনত বলি না যে, সকল বাঙ্গালির মেয়ে একরূপ কোলিংপিস্ অথবা সকলেই একরূপ পুষ্পক্ষেপণী প্রেরণে সুচতুরা। তবে কেহ কেহ বটে, ইহা আমি জনরবে অবগত হইয়াছি। শুনিয়াছি, তাঁহারা নাকি ভর্ষু নিয়োগানুসারেই একরূপ কার্য্যে প্রবৃত্ত। এই ভর্ষুগণ দেশীয় শাস্ত্রানুসারেই এই পদ্ধতি অবলম্বন করিয়াছেন। হিন্দুদিগের যে চারিটি বেদ আছে—তাহার মধ্যে চাণক্যশ্লোক নামক বেদে (আমি এ সকল শাস্ত্রে বিশেষ বাৎসর্য হইয়াছি) লেখা আছে যে,

আত্মানং সততং রক্ষ্যেৎ দারৈরপি ধনৈরপি ।

ইহার অর্থ এই, হে পদ্মপলাশলোচনে ত্রীকৃক! আমি আপনার উন্নতির জন্য তোমাকে এই বনফুলের মালা দিতেছি, তুমি গলায় পর।

BRANSONISM*

জন ডিক্‌সন সাহেবকে কৌজদারী আদালতে খরিয়ানি আনিয়াছে। সাহেব বড় কালো, তা হলে হয় কি, সাহেব ত বটে—পাড়ান্নেয়ে কাছারিতে বিচার দেখিতে অনেক রক্তদার লোক ছুটিয়া গেল। বিচার একটা দেশী ডিপুটির কাছে হইবে। তাহাতে সাহেবের কিছু কষ্ট; তবে মনে মনে ভরসা আছে যে, বাজালিটা ভয়ে আমাকে ছাড়িয়া দিবে। ডিপুটি মহাশয়ের রকম দেখিয়াও তাই বোধ হয়, একটা তেকেলে বুড়ো—নিরীহ রকম ভাল মানুষ; জড়সড় হইয়া বসিয়া আছে।

এদিকে কনষ্টেবল মহাশয়েরা কতকটা ভয়ে ভয়ে সাহেব মহাশয়কে ডকস্থ করিলেন। সাহেব ডকস্থ হইয়াই একটু গরম হইয়া হাকিমের পানে চাহিয়া চোখ ঘুরাইয়া একটু বাঁকা বাঁকা বুলিতে বলিলেন, “সে হামাকে টোমরা হেখানে কেন আনিলা?”

হাকিম বলিল, “কি জানি সাহেব! কেন আনিলা—তুমি কি করেছ?”

সাহেব। যা করে না কেন, টোমার সাথে হামার কোন বাট হোবে না।

হাকিম। কেন সাহেব?

সাহেব। টুমি কালো বাজালি আছে।

হাকিম। তারপর?

সাহেব। হামি সাহেব আছে।

হাকিম। তা ত দেখছি—তাতে কি হলো?

সাহেব। তোমার—কি বলে? সেটা লেই।

হাকিম। তবু ভাল—মাতৃভাষা ধরেছ, এতক্ষণ বাঁকা বাঁকা বুলি ধরেছিলে কেন? কি নেই?

সাহেব। সেই ঝাতে মোকদ্দমা করে—সে তুমি জানে না?

* Ilbert বিল সম্বন্ধীয় বিবাদকালে ইহা লিখিত হয়।

হাকিম । সাহেব, আমি ভাল মানুষ—তোমায় এখনও কিছু বলি
নাই—কিন্তু আর “তুমি” “তুমি” করিও না—জরিমানা করিব ।

সাহেব । টুমি মোর জরিমানা করিতে পারে না—হামি সাহেব
আছে—তোমার সেই সেটা—কি বলে—সেটা লেই ।

হাকিম । কি নেই সাহেব ?

সাহেব । সেই যে—জুষ্টিফেশন ।

হাকিম । ওহো—Jurisdiction ? বটে । তুমি কি বিলাতী
সাহেব ?

সা । হামি সাহেব আছে ।

হা । রংটা এত কাল কেন ?

সা । মুই কোয়লার কাম করেছিল ।

হা । তোমার বাপের নাম কি ?

সা । বাপের নামে কোটের কি কাম আছে ?

হা । বলি সেটা জানা আছে কি ?

সা । হামার বাপ বড় আদমি ছেলো—লেকেন লামটা এখন মনে
পড়ছে না ।

হাকিম । মনে কর না হয় । তোমার নামটা কি ?

সাহেব । আমার নাম জান সাহেব—জান ডিক্‌সন্ ।

হা । বাপের নাম ডিক্‌সন্ নয় ?

সা । হোবে—ডিক্‌সন্ হোতে পারে—লেকেন—

বাদীর মোক্তার এই সময়ে, বলিল, “হুজুর, ওর বাপের নাম
গোবর্দ্ধন সাহেব ।”

সাহেব রাগ করিয়া বলিল, “গোবর্দ্ধন হইলো ত কি হইলো—
তোমার বাপের নাম যে রামকান্ত তোমার বাপ চুড়া বেচিত্ত—আমার
বাপ বড় আদমি ছেলো ।”

হাকিম । তোমার বাপ কি করিত ?

সাহেব । বড় লোকের সাদি দিত ।

হাকিম । সে আবার কি ? ঘটকালি করিত না কি ?

মোক্তার। আজ্ঞে না—বিবাহের বাজনার জয়তাক বাড়ে করিত।
অনেকে হাসিল। হাকিম জুরিস্‌ডিক্সনের আপত্তি নামঞ্জুর করিয়া,
বিচারে প্রবৃত্ত হইলেন। করিয়াদ্দীকে তলব করায় রূপার পৈছা হাতে
নথর কালো কালো একজন স্ত্রীলোক উপস্থিত হইল। তাহাকে
যে রূপ জিজ্ঞাসাবাদ করা হইল, আর সে যে রূপ উত্তর দিল, নিয়ে
লিখিতেছি;—

প্রশ্ন। তোমার নাম কি?

উত্তর। রজ্জিনী জেলেনী।

প্রশ্ন। তুমি কি কর?

উত্তর। বিল খালে মাছ ধরে বেচি।

আসাদী সাহেব কহিল, “সুঁটী বাত! ও সুঁটীকি মাছ বেচে।”

জেলেনী বলিল, “তাও বেচি। তাইতেই ত তুমি মরেছ।”

প্রশ্ন। তোমার কিসের নালিশ?

উত্তর। চুরির নালিশ।

প্রশ্ন। কে চুরি করেছে?

উত্তর। (সাহেবকে দেখাইয়া) এই বাগদীর ছেলে।

সাহেব। মুই সাহেব আছে—মুই বাগদী লই।

প্রশ্ন। কি চুরি করেছে?

উত্তর। এই ত বলিলাম—এক মুঠা সুঁটীকি মাছ।

প্রশ্ন। কি রকমে চুরি করিল?

উত্তর। আমি ডালা পাতিয়া তাতে সুঁটীকি মাছ সাজাইয়া বেচিতে-
ছিলাম—একজন খন্দের এলো—তা তার পানে ফিরে কথা কইতে-
ছিলাম—এমন সময়ে সাহেব ডালা থেকে এক মুঠা মাছ তুলে নিয়ে
পাকেটে পুরিল।

প্রশ্ন। তার পর, তুমি টের পোলে কেমন ক’রে?

উত্তর। পাকেটের যে আধখানা বই ছিল না—তা সাহেবের মনে
ছিল না। সুঁটীকি মাছ সব ফুটো দিয়া বাঁজিতে পড়িয়া গেল।

এই কথা শুনিয়া সাহেব রাগ করিয়া বলিল, “না বাবুজি! ওর

চুপড়িটাই যুটো, তাই মাছ বেয়ইয়ে পড়েছিল ।”

জেলেনী বলিল, “ওর পাকেটে দুই চারিটা মাছ পাওয়া গিয়াছিল ।”

সাহেব বলিল, “সে মুই দাম দেবে ব’লে নিয়েছেলো ।”

সাক্ষীর দ্বারা প্রমাণ হইল যে, ডিক্‌সন সাহেব খুঁটকি মাছ চুরি করিয়াছেন । তখন হাকিম, সাহেবের জবাব লিখিতে বসিলেন । সাহেব জবাবে কেবল এই কথা বলিলেন যে, কালা বাঙ্গালির আমার উপর “জুষ্টিফেশন লেই ।” সে আপত্তি অগ্রাহ্য করিয়া হাকিম তাহাকে এক হস্তা কয়েদের হুকুম দিলেন । দুই চারি দিন পরে এই কথাটা কলিকাতার একখানা ইংরেজি দৈনিক পত্রের সম্পাদকের কাণে গেল । পর দিন প্রভাতে সেই পত্রের সম্পাদকীয় উক্তিমাধো নিয়োজিত লীডর দেখা গেল ।

“The Wisdom of a Native Magistrate.—A story of lamentable failure of justice and race antipathy has reached us from the Mofussil. John Dickson, an English gentleman of good birth though at present rather in straightened circumstances has fallen under the displeasure of a clique of designing natives headed by one Rungini Jeliani, a person, as we are assured on good authority, of great wealth, and considerable influence in native society. He was hauled up before a native Magistrate on a charge of some petty larceny which, if the trial had taken place before a European Magistrate, would have been at once thrown out as preposterous, when preferred against a European of Mr. Dickson's position and character. But Baboo Jaladhar Gangooly, the ebony-coloured Daniel before whose awful tribunal, Mr. Dickson had the misfortune to be dragged, was incapable of understanding that petty larcenies, however congenial to sharp intellects of his own country, have never been known to be perpetrated by men born and bred on

English soil and the poor man was convicted on evidence the trumpery character of which, was probably as well known to the magistrate as to the prosecutors themselves. The poor man pleaded his birth and his rights as a European British subject, to be tried by a magistrate of his own race, but the plea was negatived for reasons we neither know nor are able to conjecture. Possibly the Babu was under the impression that Lord Ripon's cruel and nefarious Government had already passed into Law the Bill which is to authorize every man with a dark skin lawfully to murder and hang every man with a white one. May that day be distant yet ! Meanwhile we leave our readers to conjecture from a study of the names *Jaladhar* and *Jeliani* whether the tie of kindred which obviously exists between prosecutor and magistrate has had no influence in producing this extraordinary decision."

এই লীডর বাহির হইলে পর উগা পড়িয়া জেলার মাজিষ্ট্রেট সাহেব জলধরবাবুকে চাপরাশি পাঠাইয়া তলব করিয়া আনিলেন। গরিব ব্রাহ্মণ নবমীর পাঠার মত কাঁপিতে কাঁপিতে ছজুরের কাছে গিয়া উপস্থিত হইল। তিনি সেলাম করিতে না করিতে, সাহেব গরম হইয়া বলিলেন, "What do you mean, Babu, by convicting a European British subject ?"

উপুটি। What European British subject, Sir ?

মাজিষ্ট্রেট। Read here, I suppose you can do that I am going to report you to the Government for this piece of folly.

এই বলিয়া সাহেব কাগজখানা বাবুর কাছে ফেলিয়া দিলেন, বাবু কুড়াইয়া লইয়া পড়িলেন। সাহেব বলিলেন, "Do you now understand ?"

Deputy. Yes, Sir, but this man was not a European British subject.

Magistrate. How do you know that ?

Deputy. He was very dark.

Magistrate. Do you find it laid down in the Law that a fair skin is the only evidence by which a man shall be adjudged to a European subject ?

Deputy. No, Sir.

Magistrate. Well, what other evidence did you take ?

এখন ডিপুটিবাবুটি বহুকালের ডিপুটি—জানিতেন যে, তর্কে তাঁহার জিত নিশ্চিত, কিন্তু তর্কে জিতিলেই বিপদ। অতএব সূচত্বর দেশী চাকুরের যাত্রা কর্তব্য, —তাহা করিলেন, তর্ক ছাড়িয়া দিলেন। বলিলেন, “I do not presume to discuss the matter with you, Sir, I see I was wrong, and I am very sorry for it.”

এখন ম্যাজিস্ট্রেট সাহেব নিতাস্ত বোকা নহেন, ভিতরে ভিতরে একটু রজদার। এই কথা শুনিয়াই তিনি জিজ্ঞাসা করিলেন, “Very sorry for what ?”

Deputy. For convicting a European British subject.

Magistrate. Why so ?

Deputy. Because it is very wrong for a native to convict a European British subject.

Magistrate. Why very wrong ?

ডিপুটিটি সাহেবকে এক হাতে কিনিতে আর এক হাতে বেচিতে পারে। আমরা উত্তর দিল, “Very wrong, because a European British subject cannot commit a crime and a native cannot judge honestly.”

Magistrate. Do you admit that ?

Deputy. I do not see why I should not. I try to do my duty to the best of my ability, but I speak of my countrymen generally.

Magistrate. You don't think your countrymen ought to try Europeans ?

Deputy. Most certainly they should not. The glorious British Empire will come to an end if they do.

Magistrate. Well, Babu, I am glad to see you are so sensible. I wish all our countrymen were equally so ; at least that all native magistrate were like you.

Deputy. Oh Sir ! how can you expect it, when there are men at the top of our service who think differently.

Magistrate. Are you not yourself near top ? You must have served long.

Deputy. Unfortunately my claims to promotion have always been overlooked. I thought of speaking to you, Sir, on the subject.

Magistrate. You certainly deserve promotion. I will write to the Commissioner and see what can be done for you.

ডিপুটি তখন দুই হাতে সেলাম করিয়া উঠিয়া গেলেন । এই সময়ে জয়েন্ট সাহেব, বড় সাহেবের কাছে আসিয়া উপস্থিত হইলেন । ডিপুটি বাহির হইয়া গেল জয়েন্ট দেখিলেন । জয়েন্ট, বড় সাহেবকে জিজ্ঞাসা করিলেন, “What could you have been saying to this fellow ?”

Magistrate. Oh ! He is very amusing.

Joint. How so ?

Magistrate. He is both fool and knave. He thinks of pleasing me by traducing his own countrymen.

Joint. And did you tell him your mind ?

Magistrate. O no ! I promised him promotion, which I will try to get for him. He has at least the merit of not being conceited. A conceited native is perfectly useless as a subordinate and I prefer encouraging men to make a moderate estimate of their own merits.

এ দিকে, ডিপুটি ফিরিয়া আসিলে পর, আর এক ডিপুটি বাবুর সঙ্গে তাঁহার সাক্ষাৎ হইল। দোশরা ডিপুটি জলধরকে বলিলেন, “সাহেবের কাছে গিয়াছিলেন না কি ?”

জলধর। হাঁ। কি পাপে পড়েছি !

২রা ডিপুটি। কেন ?

জলধর। সে দিনকার সেই বাগদী বেটাকে কয়েদ দিয়াছিলাম বলিয়া, সাহেব বলে, গবর্ণমেন্টে আমার নামে রিপোর্ট করিবে।

২রা ডিপুটি। তার পর ?

জলধর। তার পর আর কি ? প্রমোশনের রিপোর্ট করিয়ে এলেম।

২রা ডিপুটি। সে কি ? কি মন্ত্বে ?

জলধর। মন্ত্বে আর কি ? তটো মন রাখা কথা।

হনুমান্বাসনা

একদা প্রাতঃসূর্য্যাকিরণোদ্ভাসিত কদলীকুঞ্জে শ্রীমান্ হনুমান্ বায়ু সেবনার্থ পরিভ্রমণ করিতেছিলেন। তাঁহার পরম রমণীয় লাদুলবল্লী চক্রে চক্রে কুণ্ডলীকৃত হইয়া কখন পৃষ্ঠে, কখন স্বক্ষে, কখন বৃক্ষশাখায় শোভিত হইতেছিল। চারি পাশে মর্তমান, চাঁপা, কাঁঠালি প্রভৃতি নানাজাতীয় সুপক এবং অপক রস্তু বৃক্ষ হইতে ধরে ধরে, কাদিতে কাদিতে শোভা পাইয়া সুগন্ধে দিক্ আমোদিত করিয়াছিল। বীরবর, কখন কোন গাছ হইতে এক আখটা পাড়িয়া, কখন আত্মাণ, কখন চুষন, কখন লেহন এঃ কদাচিত্ চর্ব্বণ করিয়া কদলীজাতীয় ফলমাত্রেয় অনন্ত মাধুর্য্য সম্বন্ধে বহুতর মানসিক প্রশংসা করিতেছেন। এমত সময়ে দৈবযোগে বুট, কোট, পেটালন, চেন, চসমা, চুরুট, চাবুকধারী টুপাবৃতমস্তক এক নবা বাবু তথায় উপস্থিত। হনুমান্চন্দ্র দূর হইতে এক অপূৰ্ব্ব মূর্ত্তি দেখিয়া মনে মনে ভাবিলেন, “কে এ ? আকার ইঙ্গিতে বোধ হইতেছে, নিশ্চয় কিঙ্কিয়া হইতে এ আসিতেছে।” একরূপ পরাস্কৃত বেশ, গমন, চাহনি প্রভৃতি অগ্ন কোন দেশে অসম্ভব। এ আমার স্বদেশী ও স্বজাতি, অতএব ইহাকে আমি অবশ্য আদর করিব।”

এই ভাবিয়া, মহাত্মা পবনাশ্রয় এক সরস চম্পককদলীবৃক্ষ হইতে উজ্জল হরিজীবর্ণ এক গুচ্ছ সুপক কদলী উন্মোচন করিয়া আত্মাণ করিলেন এবং তাহার জাণে পরিভূষ্ট হইয়া অতিধিসংকারে তৎপ্রয়োগ মসে মনে স্থির করিলেন। ইতাবসরে সেই টুপিকোটপরিবৃত মোহন মূর্ত্তি বীরবরের সম্মুখাগত হইয়া তাঁহাকে সন্দোধন করিল। বলিল—
“Good morning Mr. Hanuman ! how do you do ? So glad to see you ! Ah ! I see you are at break-fast already.”

হনুমান্ কহিলেন, “কিঞ্চিৎ ? কিং বদসি ?”

বাবু ! What's that ? I suppose that is the Kish-

লাজলপাশ হইতে তাঁহাকে বিমুক্ত করিলেন । অবসর পাইয়া বাবু টুপি, চসমা, চাবুক কুড়াইয়া পরিলেন । হনুমান্ বলিলেন, “মহাশয় ! হুজিৎ হইবেন না । আপনার বুলি ইংরেজি, বেশ কিচ্ছিয়া এবং মূৰ্খতা পাশাড়ে-রকম দেখিয়া আপনার জাতি নিরূপণার্থ আপনাকে এতটা কষ্ট দিচ্ছি । এক্ষণে—”

বাবু । এক্ষণে কি ?

হনু । এক্ষণে বুঝিয়াছি যে, আপনার জন্ম বঙ্গদেশীয় কোন মহিলার গর্ভে । এখন আপনি ক্লান্ত আছেন—একটা কদলী ভোজন করিবেন ?

এখন বাবুজির যেরূপ জিব শুকাইয়া আসিয়াছিল, তাহাতে একটু সরস কদলী ভোজন অতিশয় আবশ্যক বলিয়া বোধ হইল—তিনি তখন প্রীত হইয়া উত্তর করিলেন, “With the greatest pleasure.”

হনু । আপনার যে দেশে জন্ম, কদলী এবং বার্তাকু অল্পসঙ্কানে আমি মধো মধো সে দেশে গমন করিয়া থাকি ; এবং তদ্দেশীয়া সুন্দরী-গণ বড়ি নামক যে সুবাহু ভোজ্য প্রস্তুত করিয়া থাকে, তাহাও কদাপি বিনামূল্যে রামানুজ-সেবায় নিযুক্ত করিয়াছি । অতএব আমি বাঙ্গালা উত্তম বুঝি । অতএব মাতৃভাষাতেই আমার সঙ্গে বাক্যালাপ কর ।

বাবু । তার আশ্চর্য্য কি ? আপনি কলা দিতে চাহিতেছেন ? আমি অতিশয় আত্মাদের সহিত আপনার কদলী ভক্ষণ করিব ।

হনুমান্ তখন বাবু মহাশয়কে এক ছড়া কলা ফেলিয়া দিলেন । সে দেবছত্র-ভিত্তি কদলী খাইয়া বাবু অতিশয় প্রীত হইলেন । হনুমান্ জিজ্ঞাসা করিলেন, “কেমন কলা ?”

বাবু । অতি মিষ্ট—delicious !

হনু । হে টুপ্যানত মহাপুরুষ ! মাতৃভাষায় কথা কও ।

বাবু । এটা আমার ভুল হইয়াছে, এইবার আমাকে Excuse করুন—

হনু । তাই বা কাকে বলে ?

বাবু । আমাকে মাপ করুন—আমি বড়—কি বলব ?—ইংরেজি কথাটা forgetful—তার বাঙ্গালা কি ?

আরও কলা খাইতে পার। যত ইচ্ছা তত খাইতে পার। গাছে আছে, পাড়িয়া দিতেছি। আর আমরা হইতে তোমার যদি কোন কার্য সিদ্ধ হইতে পারে, তবে তাহাও আমাকে বল, আমি তৎসাধনে তৎপর হইব।

বাবু। শঙ্খবাদ, হে আমার প্রিয় বানর মহাশয়! এক্ষণে আপনার প্রতি আমি অতিশয় বাধা বোধ করিব, আপনি যদি দয়ালুরূপে আমাকে একটি বিষয় বুঝাইয়া দেন।

হনু। কি বিষয়, হে বিদ্বন্?

বাবু। সেই বিষয়, হনুমান, যাহার অনুরোধে আপনার এখানে আসিয়াছি। আপনি রামরাজ্য দেখিয়াছেন! রামরাজ্যের মত রাজ্য না কি কখন হয় নাই—কেহ কেহ বলেন, সে সকল গল্প মাত্র, fable—

হনু। (চক্ষু আরক্ত এবং জংট্রা বিমুক্ত) রামরাজ্য গল্প! বেটা, তবে আমিও গল্প? তবে আমার এ লাজুলও একটা গল্প? দেখ, তবে কেমন গল্প!

এ বলিয়া মহাক্রোধে হনুমান্ সেই অনন্ত কুণ্ডলীকৃত মহালাজুল আবার বাবু বেচারার স্বক্ষে স্থাপন করিলেন। তখন বাবু বিস্ময়বশত বলিলেন, “থাম থাম, হে মহালাজুল, তুমি গল্প নও—তোমার লাজুল ত নহেই—সে বিষয়ে আমি শপথ করিতে পারি। কাজে কাজেই তোমার রামরাজ্যও গল্প নহে—The proof of the pudding is in the eating thereof—কথাটা কি, তুমি রামের দাস—আমি ইংরেজের দাস। তোমার রাম বড়, কি আমার ইংরেজ বড়? আমার ইংরেজ রাজ্যে একটা নূতন জিনিস হইতেছে—তোমার রামরাজ্যে তা ছিল কি?

হনু। জিনিসটা কি? সুপক্ক কদলী?

বাবু। তা না। local self-government.

হনু। সে কি?

বাবু। স্থানীয় আত্মশাসন। ছিল তোমাদের?

হনু। ছিল না ত কি? স্থানীয় আত্মশাসন ত স্থানবিশেষে আত্মশাসন? তাহা আমরা সর্বদাই করিতাম। আমার আত্মশাসন ছিল

লাজুলে । লাজুলে আমি আত্মশাসন না করিলে ত্রেতাযুগের অর্ধেক লোক সমুদ্রে চুবুনি খেয়ে মরিত । যখনই আমার লেজ সড়্ সড়্ করিত, ইচ্ছা হইত অমুকের গলায় দিষ্ট ; তখনই আমি লাজুল স্থানে আত্মশাসন করিতাম—লেজটাকে পদদ্বয়মধ্যে লুকায়িত করিতাম । এমন কি, যে দিন স্বয়ং রামচন্দ্র সীতা দেবীকে অগ্নিতে প্রবেশ করিতে বলেন, সে দিন আমার এই স্থানীয় আত্মশাসন না থাকিলে—এই লাজুল রামচন্দ্রের গলাতেই যাইত—আমার স্থানীয় আত্মশাসনগুণে লেজ পদদ্বয়মধ্যে বিস্তৃত হইল । আরও আমরা যখন লঙ্কা অপরুদ্ধ করিয়া বসিয়াছিলাম, তখন আহারাভাবে আমাদের সকলেরই আত্মশাসন উদরে নিহিত হইয়া সে অঞ্চলে স্থানীয় হইয়া পড়িয়াছিল ।

বাবু । মহাশয়ের বুঝিবার তুল হইতেছে—সেরূপ আত্মশাসনের কথা বলিতেছি না ।

হনু । শোনই না, স্থানীয় আত্মশাসন বড় ভাল । যথা—স্ত্রীলোকের আত্মশাসন রসনায় হইলে উত্তম স্থানীয় আত্মশাসন হইল । ব্রাহ্মণ পণ্ডিতের আত্মশাসনে শুনিয়াছি না কি ছানা সন্দেশের ঠাঁড়িতে স্থানীয় হইলেই বড় ভাল হয় । তোমাদের আত্মশাসন—

বাবু । কোথায় ? পৃষ্ঠে ?

হনু । না । তোমাদের পৃষ্ঠ শাসনান্তরের ক্ষেত্র বটে—কিন্তু তোমাদের আত্মশাসনের যথার্থ ক্ষেত্র তোমাদের চক্ষু হইল ।

বাবু । সে কি রকম ?

হনু । তোমাদের কান্না পাইলেও তোমরা কাঁদ না । সে ভাল । ত্রাত্রিদিন ঘ্যান ঘ্যান, প্যান প্যান করিলে, প্রভুগণ জ্বালাতন হইবার সম্ভাবনা ।

বাবু । সে যাহাই হউক, আমি সে অর্থে স্থানীয় আত্মশাসনের কথা বলিতেছিলাম না ।

হনু । তবে কি অর্থে ?

বাবু । শাসন কাহাকে বলে, জানেন ত ?

হনু । অবশ্য । তোমাকে চড় মারিলে তুমি শাসিত হইলে । এই

ত শাসন ?

বাবু । তা নয়, রাজ্যশাসন জানেন না ?

হনু । তা জানি । কিন্তু সে অর্থে, তুমি নিজের রাজ্য না হইলে
আত্মশাসন করিবে কি প্রকারে ?

বাবু । (স্বগত) একেই বলে বাঁহুরে বুদ্ধি ! (প্রকাশ্যে) যদি
রাজ্য দয়া করিয়া আপনার কাজ আমাদের কিছু ছাড়িয়া দেন ?

হনু । তা হলে সে রাজারই লাভ । তিনি আপনার কাজ পরের
ছাড়ে দিয়া পাটরাণী নিয়ে রজ করুন, আর আমরা তাঁর খাটুনি খেটে
বরি । এই বুঝি তোমাদের রামরাজ্য ? হা রাম ।

বাবু । কথাটা এখনও আপনার বোঝা হয় নাই Freedom—
liberty কাহাকে বলে জানেন ?

হনু । কিঙ্কিয়ার কলেজে ওসব শেখায় না ।

বাবু । Freedom বলে স্বাধীনতাকে । স্বাধীনতা কাহাকে বলে
জানেন ত ?

হনু । আমি বনের পশু, স্বাধীনতা জানি না ত কি তুমি জান ?

বাবু । ভাল । তা যে পরিমাণে মনুষ্য স্বাধীন হইবে সেই পরিমাণে
মনুষ্য সুখী ।

হনু । অর্থাৎ যে পরিমাণে মনুষ্য পশুভাব প্রাপ্ত হইবে, সেই
পরিমাণে মনুষ্য সুখী ।

বাবু । মহাশয় ! রাগ করবেন না । কিন্তু এ কথাগুলো 'নতাস্ত
হনুমানের মত হইতেছে ।

হনু । আশি ত তাহাই, বাবুর মত কথাগুলি কি শুনি ।

বাবু । স্বাধীনতাশূন্য মনুষ্যজন্মই পশুজন্ম । পরাধীনেরা গো
মহিষাদির স্থায় রজ্জুবদ্ধ হইয়া তাড়িত হয় । সৌভাগ্যক্রমে আমাদের
রাজপুরুষেরা আজন্ম স্বাধীন—free-born.

হনু । আমাদের মত ।

বাবু । আত্মশাসন সেই স্বাধীনতার লক্ষণ ।

হনু । আমরাও সেই লক্ষণবিশিষ্ট । আমাদের মধ্যে আত্মশাসন

ভিন্ন রাজশাসন নাই। আমরা পৃথিবীমধ্যে স্থায়ী জাতি। তোমরা
কি আমাদের মত হইতে চাও ?

বাবু। হি! হি। বুঝিলাম, বীর আশ্রয়শাসন বুঝিতে পারে
না।

হনু। ঠিক কথা ভাই। আইস, দুইজনে কদলী ভোজন করি।

গ্রাম্য-কথা

প্রথম সংখ্যা—পাঠশালার পণ্ডিত মহাশয়

টিপ্ টিপ্ করিয়া বৃষ্টি পড়িতেছে ; আমি ছাতি মাথায়, গ্রাম্য পশু
দিয়া হাঁটিতেছি। বৃষ্টিটা একটু চাপিয়া আসিল। তখন পথের ধারে
একখানা আটচালা দেখিয়া, তাহার পরচালার নীচে আশ্রয় লইলাম।
দেখিলাম, ভিতরে কতকগুলি ছেলে বই হাতে বসিয়া পড়িতেছে।
একজন পণ্ডিত মহাশয় বাঙ্গালা পড়াইতেছেন। কাণ পাতিয়া একটু
পড়ানটা শুনিলাম। দেখিলাম, পণ্ডিত মহাশয়ের ব্যাকরণের উপর বড়
অভুয়োগ। একটু উদাহরণ দিতেছি। পণ্ডিত মহাশয় একজন ছাত্রকে
জিজ্ঞাসা করিলেন, “বল দেখি, ভূ ধাতুর উত্তর ক্ত প্রত্যয় করিলে কি
হয় ?”

ছাত্রটি কিছু মোটা-বুদ্ধি, নাম শুনিলাম, “ভৌদা।” ভৌদা ভাষিয়া
চিন্তিয়া বলিল, “আজ্ঞা, ভূ ধাতুর উত্তর ক্ত করিলে ভুত হয়।”

পণ্ডিত মহাশয়, ছাত্রের মূর্থতা দেখিয়া চটিয়া উঠিলেন এবং তাহারক
“মূর্থ”। “গদ্ভ”।” প্রভৃতি নানাবিধ সংস্কৃত বাক্যে অসংস্কৃত করিলেন।
ছাত্রও কিছু গরম হইয়া উঠিল, বলিল, “কেন পণ্ডিত মহাশয়! ভুত
শব্দ কি নাই ?”

পণ্ডিত। থাকিবে না কেন ? ভুত কিসে হয়, তা কি জানিস্
না ?

ছাত্র। তা জানিব না কেন ? ভাল করিয়া চিবিয়া গিলিয়া
কেলিলেই ভুত হয়।

পণ্ডিত । বেদিক ! বানর ! তাই কি জিজ্ঞাসা করছি ?

তখন ভৌদার প্রতি বড়ই অসন্তুষ্ট হইয়া তিনি তাহার পার্শ্ববর্তী ছাত্র রামকে জিজ্ঞাসা করিলেন, “ভাল, রাম, তুমিই বল দেখি, ভূক্ত শব্দ কি প্রকারে হয় ?”

রাম বলিল, “আজ্ঞা, ভূক্ত ধাতুর উত্তর ভূক্ত করিয়া স্ত হয় ।”

পণ্ডিত মহাশয় ভৌদাকে বলিলেন, “তুন্লি রে ভৌদা ? তোর কিছু হবে না ।”

ভৌদা রাগিয়া বলিল, “না হয় না হোক—আপনার যেমন পক্ষপাত !”

পণ্ডিত । পক্ষপাত আবার কি রে, হনুমান !

ভৌদা । ওর কপালে “ভূজো”, আমার কপালে “ভূ” ?

ছাত্র যে সূচকর্ষণীয় “ভূজো” এবং অদৃষ্টের তারতম্য স্মরণ করিয়া অভিমান করিয়াছে, পণ্ডিত মহাশয় তাহা বুঝিলেন না । রাগ করিয়া ভৌদাকে এক ঘা প্রহার করিলেন, এবং আদেশ করিলেন, “এখন বল, ভূ ধাতুর উত্তর স্ত করিলে কি হয় ?

ভৌদা । (চোখে জল) আজ্ঞে, তা জানি না ।

পণ্ডিত । জানিস্ নে ? ভূত কিসে হয়, জানিস্ নে ?—

ভৌদা । আজ্ঞে তা জানি । মলেই ভূত হয় ।

পণ্ডিত । শূওর ! গাধা ! ভূ ধাতুর উত্তর স্ত ক’রে ভূত হয় ।

ভৌদা এতক্ষণে বুঝিল । মনে মনে স্থির করিল, মরিলেও যা হয়, ভূ ধাতুর উত্তর স্ত করিলেও তা হয় । তখন সে বিনীতভাবে পণ্ডিত মহাশয়কে জিজ্ঞাসা করিল, “আজ্ঞে, ভূ ধাতুর উত্তর স্ত করিলে কি শ্রদ্ধা করিতে হয় ?”

পণ্ডিত মহাশয় আর সহ্য করিতে পারিলেন না । বিরাজী সিদ্ধা ওজনে ছাত্রের গালে চপেটাঘাত করিলেন । ছাত্র পুস্তকাদি ফেলিয়া দিয়া কাঁদিতে কাঁদিতে বাড়ী চলিয়া গেল । তখন বৃষ্টি ধরিয়া আগিয়াছিল, রক্ত দেখিবার জন্য আমিও সঙ্গে সঙ্গে গেলাম । ভৌদার মাতার গৃহ বিদ্যালয় হইতে বড় বেশী দূর নয় । ভৌদা গৃহপ্রবেশকালে কান্নার স্বর

বিশ্বনাথ বাড়াইল, এবং আছাড়িয়া পড়িল। দেখিয়া ভৌদার মা তার কাছে এসে লাঙ্গনায় প্রবৃত্ত হইল। জিজ্ঞাসা করিল, “কেন, কি হয়েছে, বাবা?”

ছেলে মাকে ভেজাইয়া বলিল, “এখন কি হয়েছে, বাবা! এমন ইকুলে আমায় পাঠাইয়াছিলে কেন পোড়ারমুখী?”

মা। কেন, কি হয়েছে, বাবা?

ছেলে। পোড়ারমুখী এখন বলেন, কি হয়েছে, বাবা! শিগ্গির তোর ডু ধাতুর পর স্ত্র হোক। শিগ্গির হোক। আমি তোর আচ্ছ করি।

মা। সে আবার কি বাপ! কাকে বলে?

ছেলে। শিগ্গির তোর ডু ধাতুর পর স্ত্র হোক। শিগ্গির হোক।

মা। সে কি মরাকে বলে বাপ?

ছেলে। তা না ত কি? আমি তাই বলতে পারি নাই ব’লে পণ্ডিত মশাই আমায় মেরেছে।

মা। অধ্যাপেতে মিন্‌সে। আকুল নেই! আমার এই এক রত্তি ছেলের আর কত বিদ্যা হবে! যে কথা কেউ জানে না, তাই বলতে পারে নি ব’লে ছেলেকে মারে! আজ মিন্‌সেকে আমি একবার দেখবো।

এই বলিয়া গাছকোমর বাঁধিয়া ভৌদার মাতা পণ্ডিত মহাশয়ের দর্শনাকাজ্জায় চলিলেন। আমিও পিছু পিছু চলিলাম। সেই সুপুত্র-বতীকে অধিক দূর যাইতে হইল না। তখন পাঠশালা বন্ধ হইয়াছিল। পণ্ডিত মহাশয় গৃহে প্রত্যাবর্তন করিতেছিলেন, পথিমধ্যেই উভয়ে সাক্ষাৎ হইল। তখন ভৌদার মা বলিল, “হ্যাঁ গা পণ্ডিত মহাশয়, যা কেউ জানে না, আমার ছেলে তাই বলতে পারে নি ব’লে কি এমনি মার মারতে হয়?”

পণ্ডিত। ও গো, এমন কিছু শক্ত কথা জিজ্ঞাসা করি নাই। কেবল জিজ্ঞাসা করিয়াছিলাম, তুত কেমন করে হয়।

ভৌদার মা । ভূত হয় গল্প না পেলেই । তা ও সব কথা ও ছেলেমানুষ কেমন ক'রে জানবে গা ? ও সব কথা আমাদের জিজ্ঞাসা কর ।

পণ্ডিত । ও গো, সে ভূত নয় গো ।

ভৌদার মা । তবে কি গোভূত ?

পণ্ডিত । সে সব কিছু নয় গো, তুমি মেয়েমানুষ কি বুঝবে ? বলি, একটা ভূত শব্দ আছে ।

ভৌদার মা । ভূতের শব্দ আমি অমন কত শুনেছি । তা ও ছেলেমানুষ ওকে কি ও সব কথা বলে ভয় দেখাতে আছে ?

আমি দেখিলাম যে, এ পণ্ডিতে পণ্ডিতে সমস্তা, শীঘ্র মিটিবে না । আমি এ রক্তের অংশ পাইবার আকাঙ্ক্ষায় অগ্রসর হইয়া পণ্ডিত মহাশয়কে বলিলাম, “মহাশয়, ও স্ত্রীলোক, ওর সঙ্গে বিচার ছেড়ে দিন । আমার সঙ্গে বরং এ বিষয়ের কিছু বিচার করুন ।”

পণ্ডিত মহাশয় আমাকে ব্রাহ্মণ দেখিয়া, একটু সম্মানের সহিত বলিলেন, “আপনি প্রশ্ন করুন ।”

আমি বলিলাম, “আচ্ছা, ভূত ভূত করিতেছেন, বলুন দেখি ভূত কয়টি ?”

পণ্ডিত সন্তুষ্ট হইয়া বলিলেন, “ভাল, ভাল । পণ্ডিতে পণ্ডিতের মতই কথা হয় । শুন্‌লি মার্গী ?” তার পর আমার দিকে ফিরিয়া, এমনই মুখখানা করিলেন, যেন বিজ্ঞার বোঝা নামাইতেছেন । বলিলেন, “ভূত পাঁচটি ।”

তখন ভৌদার মা গজিয়া উঠিয়া বলিল, “তবে রে মিন্‌সে ? ভূই এই বিজ্ঞায় আমার ছেলে মারিস্ ! ভূত পাঁচটা ! পাঁচ ভূত, না বারো ভূত ?”

পণ্ডিত । সে কি, বাছা ! ও ঠাকুরটিকে জিজ্ঞাসা কর, ভূত পঞ্চ ।
ক্ষিত্যপ্—

ভৌদার মা । বারো ভূত নয় ত আমার এতটা বিষয় খেলে কে ? আমি কি এমনই দুঃখী ছিলাম ?

ভৌদার মা তখন কাঁদিতে আরম্ভ করিল। আমি তখন তাহার পক্ষাবলম্বনপূর্বক বলিলাম, “উনি যা বলিলেন, তা হতে পারে। অনেক সময়েই শুনা যায়, অনেকের বিষয় লইয়া ভূতগণ আপনাদিগের পিতৃকৃত্য সম্পন্ন করে। তখন শোনে নাই, অম্বুকের টাকাটায় ভূতের বাপের জ্ঞান হইতেছে ?”

কথাটা শুনিয়া, পণ্ডিত মহাশয় ঠিক বুদ্ধিতে পারিলেন না, আমি বাজ করিতেছি, কি সত্য বলিতেছি। কেন না, বুদ্ধিটা কিছু স্থূল। তাঁকে একটু ভেকাপানা দেখিয়া আমি বলিলাম, “মহাশয়, এ বিষয়ের প্রমাণ প্রয়োগ ত সকলই অবগত আছেন। মনু বলিয়াছেন,—

“কৃপণানাং ধনকৈব পোষ্যকুয়াণ্ডপালিনাম্ ;

ভূতানাং পিতৃজ্ঞানেষু ভবেন্নষ্টঃ ন সংশয়ঃ ।*

পণ্ডিত মহাশয়ের সংস্কৃতজ্ঞান ঐ ভূ ধাতুর উত্তর ত্ত পর্য্যন্ত। কিন্তু এ দিকে বড় ভয়, পাছে সেই শিশুমণ্ডলীর সম্মুখে, বিশেষতঃ ভৌদার মার সম্মুখে আমার কাছে পরাস্ত হয়েন—অতএব যেমন শুনিলেন, “ভূতানাং পিতৃজ্ঞানেষু ভবেন্নষ্টঃ ন সংশয়ঃ।” অমনই উত্তর করিলেন, “মহাশয়, যথার্থই আজ্ঞা করিয়াছেন। বেদেই ত আছে,—

“অন্তি গোদাবরীতীরে বিশালঃ শাল্মলীতরুঃ”

শুনিয়া ভৌদার মা বড় তৃপ্ত হইল। এবং পণ্ডিত মহাশয়ের ভূয়সী প্রশংসা করিয়া বলিল, “তা, বাবা। তোমার এত বিজ্ঞা তবু আমার ছেলে মার কেন ?”

পণ্ডিত। আরে বেটি, তোর ছেসেকে এমনই বিদ্বান্ করিব বলিয়াই ত মারি। না মারিলে কি বিজ্ঞা হয় ?

ভৌদার মা। বাবা! মারিলে যদি বিজ্ঞা হয়, তবে আমাদের বাড়ীর কর্তাটির কিছু হলো না কেন ? ঝাঁটায় বল, কৌস্তায় বল, আমি ত কিছুতেই কন্থর করি না।

* অসমার্থ। কৃপণদিগের ধন আর বাহারা পোষ্যপুত্ররূপে কৃপণদিগের প্রতিপালন করেন, তাহাদিগের ধন ভূতের বাপের জ্ঞানে নষ্ট হইবে সম্ভব নাই।

পণ্ডিত। বাছা। ও সব কি তোমাদের হাতে হয়? ও আমাদের হাতে।

ভৌদার মা। বাবা। আমাদের হাতে কিছুই জোরের কুশুর নাই। দেখিবে?

এই বলিয়া ভৌদার মা একগাছা বাঁকারি কুড়াইয়া লইল। পণ্ডিত মহাশয়, এইরূপ হঠাৎ অধিক বিভ্রালাভের সম্ভাবনা দেখিয়া, সেখান হইতে উৰ্দ্ধ্বাসে প্রস্থান করিলেন। শুনিয়াছি, সেই অবধি পণ্ডিত মহাশয়, আর ভৌদাকে কিছু বলেন নাই। তু ধাতু লইয়া পাঠশালায় আর গোলযোগ হয় নাই। ভৌদা বলে, “মা, এক বাঁকারিতে পণ্ডিত মহাশয়কে ভুতছাড়া করিয়াছে।”

দ্বিতীয় লংখ্যা—অর্থ-শিক্ষা

I. THEORY.

“পড় বাবা, মাতৃবৎ পরদারেষু।”

ছেলে। সে কাকে বলে, বাবা?

বাপ। এই যত স্ত্রীলোক পরের স্ত্রী, সবাইকে আপনার মা মনে করিতে হয়।

ছেলে। তারা সবাই আমার মা?

বাপ। হাঁ বাবা, তা বৈ কি।

ছেলে। বাবা, তবে তোমার বড় জ্বালা হলো। আমার মা হ’লে তারা তোমার কে হ’লো, বাবা?

বাপ। হি। হি। হি। অমন কথা কি বলতে আছে। পড়,

“মাতৃবৎ পরদারেষু পরস্ত্রব্যেষু লোষ্ট্রবৎ।”

ছেলে। অর্থ কি হলো, বাবা?

বাপ। পরের সামগ্রীকে লোষ্ট্রের মত দেখিবে।

ছেলে। লোষ্ট্র কি?

বাপ। মাটির ঢেলা।

হেলে । বাবা, ভবে মররা বেটাকে আর সন্দেহের দাম না দিলেও হয়—মাটির ঢেলার আর দাম কি ?

বাপ । তা নয় । পরের সামগ্রী মাটির মত দেখ্বে—নিতে যেন ইচ্ছা না হয় ।

হেলে । বাবা, কুমারের ব্যবসা লিখ্লে হয় না ?

বাপ । হি বাবা । তোমার কিছু হবে না দেখ্ছি । এখন পড়,
“মাতৃবৎ পরদারেষু পরজবোষু লোষ্ট্রবৎ ।

আত্মবৎ সৰ্ব্বভূতেষু যঃ পশুতি স পশুতিঃ ॥”

হেলে । আত্মবৎ সৰ্ব্বভূতেষু কি, বাবা ?

বাবা । এই আপনার মত সকলকেই দেখ্বে ।

হেলে । তা হলেই ত হলো । যদি পরকে আপনার মত ভাবি, তা’হ’লে পরের সামগ্রীকে আপনার সামগ্রী ভাব্তে হবে, আর পরের স্ত্রীকেও আপনার স্ত্রী ভাব্তে হবে ।

বাপ । দূর হ । পাজি বেটা, ছুঁচো বেটা । (ইতি চপেটাঘাত)

II. PRACTICE.

(১)

কাদম্বিনী নামে কোন প্রৌঢ়া কলসীককে জল আনিতে যাইতেছে ।
তখন অদীতশাস্ত্র সেই বালক, তাহার সম্মুখে আসিয়া উপস্থিত ।

হেলে । বলি, মা ।

কাদম্বিনী । কেন, বাছা ! আহা, ছেলেটির কি মিষ্ট কথা গো !
মুনে কাণ জুড়ায় ।

হেলে । মা, সন্দেহ খেতে একটি পয়সা দে না মা ।

কাদম্বিনী । বাবা, আমি দুঃখী মানুষ, পয়সা কোথা পাব, বাবা ?

হেলে । দিবনে বেটি ? মুখপুড়ি ! হতভাগি ! আঁটকুড়ি ।

কাদ । আ মলো ! কাদের এমন পোড়ারমুখো ছেলে !

হেলে । দিবনে বেটি, (ইতি প্রহার এবং কলসী-ধ্বংস)

(পরে ছেলের বশে সেই বালককে উপস্থিত)

বাপ । এ কি রে বাবর ?

ছেলে । কেন, বাবা ! এ যে আমার মা । মার সঙ্গে ঘেমন করি,
ওর সঙ্গেও ভেমনি করছি—“মাতৃবৎ পরদারেবু ।” কই মাগি, বাবাকে
দেখে তুই ঘোমটা দিলি নে ?

(২)

ময়রা আসিয়া ছেলের বাপের কাছে নালিশ করিল যে, ছেলের
আলায় আর দোকান করা ভার, ছেলে দোকান লুঠ করিয়া সকল মিঠাই
মণ্ডা লইয়া আসে । গোয়ালী আসিয়া ক্ষীর ছানা সব্বকে সেইরূপ
নালিশ করিল ।

বাপ তখন ছেলেকে ধরিয়া আনিয়া প্রহার আরম্ভ করিলেন । ছেলে
বলিল, “মার কেন বাবা ?”

বাপ । মারব না ? তুই পরের জব্বা সামগ্রী লুটে পুটে আনিব ।

ছেলে । বাবা, চোরের ভয় হয়েছে, তাই টিল কুড়িয়ে জমা করেছে
—পরের সামগ্রী ত টিল ।

(৩)

সরস্বতীপূজা উপস্থিত । বাপ প্রাতঃকালে ছেলেকে বলিলেন, “যা,
একটা ডুব দিয়ে এসে অঞ্জলি দে—নহিলে খেতে পারিবে না ।”

ছেলে । খেয়ে দেয়ে অঞ্জলি বিকলে দিলে হয় না ?

বাপ । তাও কি হয় ? খেয়ে কি অঞ্জলি দেওয়া হয় রে গোপাল ?

ছেলে । তবে এ বছরের অঞ্জলি আর বছরে একবারে দিলে হয়
না ? এবার বড় শীত ।

বাপ । তা হয় না—সরস্বতীকে অঞ্জলি না দিলে কি বিজ্ঞা হয় ?

ছেলে । একটা বছর কি ধারে বিজ্ঞা হয় না ?

বাপ । দূর মূখ্য ! যা, ডুব দিয়ে আসুগে যা । অঞ্জলি দেওয়া
হ’লে দুটো ভাল সন্দেশ দেব এখন ।

“আচ্ছা” বলিয়া ছেলে নাচিতে নাচিতে ডুব দিতে গেল । বড় শীত
—ভেমনি বাতাস—জল কনুনে । তখন ছেলে ভাবিয়া চিন্তিয়া, যাতে

একটা পাঁচ বছরের বাগদীর ছেলে রহিয়াছে দেখিয়া, তাহাকে ধরিয়া, গোটা দুই চুবানি দিল। তারপর তাকে জল হইতে তুলিয়া টানিয়া বাপের কাছে ধরিয়া আনিল। বলিল, “বাবা! নেয়ে এসেছি।”

বাপ। কই বাপু,—কই নেয়েছে?

ছেলে। এই যে বাগদী ছোঁড়াটাকে চুবিয়া এনেছি।

বাপ। বড় কাজই করেছে—তুই নেয়ে এসেছিস্ কই?

ছেলে। বাবা, “আত্মবৎ সর্বভূতেষু”—ওতে আমাতে কি তফাৎ আছে? ওর নাওয়াতেই আমার নাওয়া হয়েছে। এখন সন্দেহ দাও।

পিতা বেত্রহস্তে পুত্রের পিছু পিছু ছুটিলেন। পুত্র পলাইতে পলাইতে বলিতে লাগিল, “বাবা শাস্ত্র জানে না।”

কিছু পরে সেই সুশিক্ষিত বালকের পিতা শুনিলেন যে, সে ওপাড়ায় শিরোমণি ঠাকুরের টোলে গিয়া শিরোমণি ঠাকুরকে বিলক্ষণ প্রহার করিয়াছে। ছেলে ঘরে এলে পিতা জিজ্ঞাসা করিলেন, “আবার এ কি করেছিস?”

ছেলে। কি করি বাবা! তুমি ত ছাড়বে না—বেত মারিবেই মারিবে। তাই আপনা আপনি সেই বেত খেয়েছি।

পিতা। সে কি রে বেটা?—আপনি আপনি কি? শিরোমণি ঠাকুরকে মেরেছিস্ যে?

ছেলে। বাবা—আত্মবৎ সর্বভূতেষু—শিরোমণি ঠাকুরে আর আমাতে কি আমি তফাৎ দেখি?

পিতা প্রতিজ্ঞা করিলেন, ছেলেকে আর লেথাপড়া শিখাইবেন না।

বাল্যলা নাহিভ্যেয় আদর

DRAMATIS PERSONAE

১। উচ্চশিক্ষিত বাঙ্গালী বাবু।

২। উক্ত ভাৰ্য্যা।

উচ্চশিক্ষিত। কি হয়?

ভাৰ্ঘ্যা । পড়ি শুনি ।

উচ্চ । কি পড় ?

ভাৰ্ঘ্যা । যা পড়িতে জানি । আমি তোমার ইংৰাজিও জানি না, কৰ্ম্মীও জানি না, ভাগ্যে যা আছে, তাই পড়ি ।

উচ্চ । হাই ভয় বাজালাগুলো পড় কেন ? ওর চেয়ে না পড়া ভাল যে ।

ভাৰ্ঘ্যা । কেন ?

উচ্চ । ওগুলো সব immoral, obscene, filthy.

ভাৰ্ঘ্যা । সে সব কাকে বলে ?

উচ্চ । Immoral কাকে বলে জান—এই ইয়ে হয়—অৰ্থাৎ যা morality-র বিরুদ্ধ ।

ভাৰ্ঘ্যা । সেটা কি চতুষ্পদ জন্তুবিশেষ ?

উচ্চ । না না—এই কি জান—ওর আর বাজালা, কোথা, পাব ? এই যা moral নয়—তাই আর কি ।

ভাৰ্ঘ্যা । মরাল কি ? রাজহংস ?

উচ্চ । হি । হি ! O woman ! thy name is stupidity.

ভাৰ্ঘ্যা । কাকে বলে ?

উচ্চ । বাজালা কথায় ত আর অত বুঝান যায় না—তবে, আগল কথাটা এই যে, বাজালা বই পড়া ভাল নয় ।

ভাৰ্ঘ্যা । তা, এই বইখানা নিতান্ত মন্দ নয়—গল্পটা বেশ ।

উচ্চ । এক রাজা আর ছুয়ো স্ত্রীয়ে ছুই রাণীর গল্প ? না, নল-দময়ন্তীর গল্প ?

ভাৰ্ঘ্যা । তা ছাড়া আর কি গল্প হ'তে নেই ?

উচ্চ । তা ছাড়া তোমার বাজালায় আর কিছু আছে না কি ?

ভাৰ্ঘ্যা । এটা ত নয় । এতে কাট্‌লেট্ আছে, ব্রাণ্ডি আছে, বিধবার বিবাহ আছে—বৈষ্ণবীর গীত আছে ।

উচ্চ । Exactly. তাই ত বলছিলাম, ও হাই ভয়গুলো পড় কেন ?

ভাৰ্ঘ্যা । কেন, পড়িলে কি হয় ?

উচ্চ । পড়িলে demoralize হয় ।

ভাৰ্ঘ্যা । সে আবার কি ? ধেমোৰাজা হয় ?

উচ্চ । এমন পাপও আছে । Demoralize কি না—চরিত্র মল্ল হয় ।

ভাৰ্ঘ্যা । স্বামী মহাশয় ! আপনি বোতল বোতল ত্রাণি মারেন, যাদের সঙ্গে বসিয়া ও কাজ হয়, তারা এমনই কুচরিত্রের লোক যে, তাদের মুখ দেখিলেও পাপ আছে । আপনার বন্ধুবর্গ ডিনরের পর যে ভাবায় কথাবার্তা কন—তুনিতে পাইলে খানসামারাও কাণে আজুল দেয় । আপনি যাদের বাড়ী মুরগি মাটনের শ্রাদ্ধ করিয়া আসেন, পৃথিবীতে এমন কুকাৰ নেই যে, তাহারা ভিতরে ভিতরে করে না । তাহাতে আপনার চরিত্রের ক্ষত কোন ভয় নাই,—আর আমি গরিবের মেয়ে, একখানা বাজালা বই পড়িলেই গোপ্লায় যাব ?

উচ্চ । আমরা হলেম Brass pot ; তোমরা হলে Earthen pot.

ভাৰ্ঘ্যা । অত পট পট কর কেন ? কইমাছ হাঁকা তেলে পড়েছ নাকি ? তা যা হোক, একবার এই বইখানা একটু পড় না ।

উচ্চ । (শিহরিয়া ও পিছাইয়া) আমি ও সব ছুঁয়ে hand Contaminate করি না ।

ভাৰ্ঘ্যা । কাকে বলে ?

উচ্চ । ও সব ছুঁয়ে হাত ময়লা করি না ।

ভাৰ্ঘ্যা । তোমার হাত ময়লা হবে না, আমি ঝাড়িয়া দিতেছি ।

(ইতি পুস্তকখানি অঁচল দিয়া ঝাড়িয়া মুছিয়া স্বামীর হস্তে প্রদান ।
মানসিক ময়লা ভয়ে ভীত উচ্চশিক্ষিতের হস্ত ইহাতে পুস্তকের ভূমে পতন ।)

ভাৰ্ঘ্যা । ও কপাল ! আচ্ছা, তুমি যে বইখানাকে অত সূণা করচো, কই—তোমার ইংরেজরাও ভত করে না । ইংরেজরা নাকি এই বইখানা গুরুত্বা করিয়া পড়িতেছে ।

উচ্চ । কেনেহ ?

ভাৰ্য্যা। কেন ?

উচ্চ। বাঙ্গলা বই ইংরেজিতে তরজমা ? এমন আবাদে গল্প তোমায় কে শোনায ? বইখানা seditious ত নয় ? তা হলে government তরজমা করান সম্ভব। কি বই ওখানা ?

ভাৰ্য্যা। বিষবৃক্ষ।

উচ্চ। সে কাকে বলে ?

ভাৰ্য্যা। বিষ কাহাকে বলে জান না ? তারই বৃক্ষ।

উচ্চ। বিষ—এক কুড়ি।

ভাৰ্য্যা। তা নয়—আর এক রকমের বিষ আছে জান না ? বা তোমার জ্বালায় আমি একদিন খাব।

উচ্চ। ওহো ! Poison ! Dear me ! তারই গাছ উপযুক্ত নাম বটে—ফেল। ফেল।

ভাৰ্য্যা। এখন, গাছের ইংরেজি কি বল দেখি ?

উচ্চ। Tree.

ভাৰ্য্যা। এখন ছোটো কথা এক কর দেখি ?

উচ্চ। Poison Tree ! ওহে ! বটে বটে ! Poison Tree বলিয়া একখানি ইংরেজি বইয়ের কথা কাগজে পড়িতেছিলাম বটে। তা সেখানি কি বাঙ্গলা বইয়ের তরজমা ?

ভাৰ্য্যা। তোমার বোধ হয় কি ?

উচ্চ। আমার Idea ছিল যে, Poison Tree একখানা ইংরেজি বই, তারই বাঙ্গলা তরজমা হয়েছে। তা যখন ইংরেজি আছে, তখন আর বাঙ্গলা পড়বো কেন ?

ভাৰ্য্যা। পড়াটা ইংরেজি রকমেই ভাল—তা কেতাব নিয়েই হোক, আর গেলাস নিয়েই হোক। তা তোমাকে ইংরেজি রকমেই পড়িতে দিতোছি। এই বইখানা দেখ দেখি। এখানা ইংরেজির তরজমা—লেখক নিজে বলিয়াছেন।

উচ্চ। ও সব বরং পড়া ভাল। কি ইংরেজি বইয়ের তরজমা—Robinson Crusoe না Watt on the Improvement of the Mind ?

ভাৰ্ঘ্যা । ইংরেজি নাম আৰি জানি না । বান্ধলা নাম হায়ামৰী ।

উচ্চ । হায়ামৰী ? সে আবার কি ? দেখি (পুস্তক হস্তে লইয়া)

Dante, by Jove.

ভাৰ্ঘ্যা । (টিপি টিপি হাসিয়া) তা ওখানা ভাল বুঝিতে পারি না
—পোড়া বান্ধালিৰ মেয়ে, ইংরেজিৰ তরজমা বুঝি এত বুদ্ধি ত রাখিলে
—ওটা তুমি আমায় বুঝিয়ে দেবে ?

উচ্চ । তার আর আশ্চৰ্য্য কি ? Dante lived in the fourteenth century. অৰ্থাৎ তিনি fourteenth centuryতে flourish করেন ।

ভাৰ্ঘ্যা । ফুটন্ত সুন্দৰীকে পালিশ করেন ; এত বড় কবি ?

উচ্চ । কি পাপ । fourteen মানে চৌদ্দ ।

ভাৰ্ঘ্যা । চৌদ্দ সুন্দৰীকে পালিশ করেন ? তা চৌদ্দই হোক, আর
পনেরই হোক, সুন্দৰীকে আবার পালিশ করা কেন ?

উচ্চ । বলি চৌদ্দ সেঞ্চুৰিতে বৰ্ত্তমান ছিলেন ।

ভাৰ্ঘ্যা । তিনি চৌদ্দ সুন্দৰীতে বৰ্ত্তমান থাকুন আর চৌদ্দ শ
সুন্দৰীতেই বৰ্ত্তমান থাকুন, বইখানা নিয়ে কথা ।

উচ্চ । আগে অথৱেৰ লাইকটা জানতে হয় । তিনি Florence
নগরে জন্মগ্ৰহণ করিয়া সেখানে বড় বড় appointment hold
কৰিভেন ।

ভাৰ্ঘ্যা । পোৰ্টম্যান্টো হলদে কৰিভেন । আমাদের এই কালো
পোৰ্টম্যান্টোটা হলদে হয় না ?

উচ্চ । বালি বড় বড় চাকৰি কৰিভেন । পরে Guelph ও
Ghibillineদিগেৰ বিবাদে—

ভাৰ্ঘ্যা । আর হাড় জালিও না ! বইখানা একটু বুঝাও না ।

উচ্চ । তাই বুঝাইতেছিলাম । অথৱেৰ লাইফ না জানিলে বই
বুঝিবে কি-প্রকারে ?

ভাৰ্ঘ্যা । আৰি হুখী বান্ধালিৰ মেয়ে, আমার অত ঘটায় কাজ কি ?
বইখানার মৰ্য্যটা বুঝাইয়া দাও না ।

উচ্চ । দেখি, বইখানা কি রকম লিখেছে দেখি ।

(পরে পুস্তক গ্রহণ করিয়া প্রথম ছত্রে পাঠ)

“সন্ধ্যা গগনে . নিবিড় কালিমা”

তোমার কাছে অভিধান আছে ?

ভার্য্যা । কেন, কোন্ কথটা ঠেকিল ?

উচ্চ । গগন কাকে বলে ?

ভার্য্যা । গগন বলে আকাশকে ।

উচ্চ । “সন্ধ্যা গগনে নিবিড় কালিমা”—নিবিড় কাকে বলে ?

ভার্য্যা । ও হরি ! এই বিজ্ঞাতে তুমি আমাকে শিখাবে ? নিবিড় বলে ঘনকে । এও জান না ? তোমার মুখ দেখাতে লজ্জা করে না ?

উচ্চ । কি জান—বাক্সলা ফাক্সলা ওসব ছোট লোক পড়ে ওসবের আমাদের মাঝখানে চলন নেই । ওসব কি আমাদের শোভা পায় ?

ভার্য্যা । কেন, তোমরা কি ?

উচ্চ । আমাদের হলো polished society—ও সব বাজে লোকে লেখে—বাজে লোকে পড়ে—সাহেব লোকের কাছে ও সবের দর নেই —polished societyতে কি ও সব চলে ?

ভার্য্যা । তা মাতৃভাষার উপর পালিশ-বক্সির এত রাগ কেন ?

উচ্চ । আরে, যা মরে কবে ছাই হয়ে গিয়েছেন—তার ভাষার সঙ্গে এখন আর সম্পর্ক কি ?

ভার্য্যা । আমারও ত ঐ ভাষা—আমি ত মরে ছাই হই নাই ।

উচ্চ । Yes for thy sake, my jewel, I shall do it—তোমার খাতিরে একখানা বাক্সলা বই পড়িব । কিন্তু mind একখানা বৈ আর নয় !

ভার্য্যা । তাই মন্দ কি ?

উচ্চ । কিন্তু এই ঘরে দার দিয়ে পড়িব—কেহ না টের পায় ।

ভার্য্যা । আচ্ছা তাই ।

(বাছিয়া বাছিয়া একখানি অপকৃষ্ট অঙ্গীল এবং হুর্নীতিপূর্ণ অথচ সরস পুস্তক স্বামীর হস্তে প্রদান । স্বামীর তাহা আন্তোপান্ত পাঠ সমাপন ।)

ভার্য্যা । কেমন বই ?

উচ্চ । বেড়ে । বাজালায় যে এমন বই হয়, তা আমি জানিতাম না ।

ভার্যা । (দুপার সহিত) হি । এই বুঝি তোমার পালিশ-বক্সি ? তোমার পালিশ-বক্সির চেয়ে আমার চাপড়-বক্সি, নীতল-বক্সি অনেক ভাল ।

NEW YEAR'S DAY DRAMATIS PERSONAE

রামবাবু

শ্রামবাবু

রামবাবুর স্ত্রী (পাড়ারগৈয়ে মেয়ে)

রামবাবু ও শ্রামবাবুর প্রবেশ (রামবাবুর স্ত্রী অন্তরালে)

শ্রামবাবু । শুভ্ মণিং রামবাবু—হা ডু ডু ?

রামবাবু । শুভ্ মণিং শ্রামবাবু—হা ডু ডু ।

[উভয়ে প্রগাঢ় করমর্দন]

শ্রামবাবু । I wish you a happy new year, and many many returns of the same.

রামবাবু । The same to you.

[শ্রামবাবুর তথ্যবিধ কথাবার্তার জন্ত অস্থিত প্রস্থান । ও রামবাবুর অন্তঃপুরে প্রবেশ]

রামবাবুর স্ত্রী । ও কে এসেছিল ?

রামবাবু । ঐ ও বাড়ীর শ্রামবাবু ।

স্ত্রী । তা, তোমাদের হাতাহাতি হচ্ছিল কেন ?

রামবাবু । সে কি ? হাতাহাতি কখন হলো ?

স্ত্রী । ঐ যে তুমি তার হাত ধ'রে ঝঁক'রে দিলে, সে তোমার হাত ধ'রে ঝঁক'রে দিলে ? তোমার লাগে নি ত ?

রাম । তাই হাতাহাতি । কি পাপ । ওকে ঝেলে shaking hands. ওটা আদরের চিহ্ন ।

স্ত্রী। বটে। ভাগ্যে, আমি তোমার আদরের পরিবার নই। তা, তোমার লাগেনি ত ?

রাম। একটু নোক্সা লেগেছে ; তা কি ধরতে আছে ?

স্ত্রী। আহা তাই ত ! ছ'ড়ে গেছে যে ? অঞ্চপেতে ড্যাক্রা মিন্‌সে ! সকাল বেলা মরুতে আমার বাড়ীতে হাত কাড়াকাড়ি করতে এয়েছেন ! আবার নাকি হটোছটি খেলা হবে ? অঞ্চপেতে মিন্‌সের সঙ্গে ও সব খেলা খেলিতে পাবে না ।

রাম। সে কি ? খেলার কথা কখন হ'লো ?

স্ত্রী। ঐ যে সেও ব'লে, তুমিও ব'লে, “হাঁড়ু ডু ডু !” “হাঁড়ু ডু ডু !” তা, হাঁ ডু ডু ডু খেলবার কি আর তোমাদের বয়স আছে ?

রাম। আঃ, পাড়ার্গেয়ের হাতে প'ড়ে প্রাণটা গেল। ওগো, হাঁ ডু ডু ডু নয় ; হা ডু ডু—অর্থাৎ How do ye do ? উচ্চারণ করিতে হয়, “হা ডু ডু !”

স্ত্রী। তার অর্থ কি ?

রাম। তার মানে, “তুমি কেমন আছ ?”

স্ত্রী। তা কেমন ক'রে হবে ? সে তোমায় জিজ্ঞাসা করলে “তুমি কেমন আছ ?” তুমি ত কৈ তার কোন উত্তর দিলে না,—তুমি সেই কথাই পালটিয়া বলিলে !

রাম। সেইটাই হইতেছে এখনকার সভ্য রীতি ।

স্ত্রী। পাল্‌টে বলাই সভ্য রীতি ? তুমি যদি আমার ছেলেকে বল, “লেখাপড়া করিস্নে কেন রে ছুঁচো ?” সেও কি তোমাকে পাল্‌টে বলবে “লেখাপড়া করিস্নে কেন রে ছুঁচো ?” এইটা সভ্য রীতি ?

রাম। তা নয় গো তা নয়। কেমন আছ জিজ্ঞাসা করিলে, উত্তর না দিয়ে পাল্‌টে জিজ্ঞাসা করিতে হয়, কেমন আছ। এইটা সভ্য রীতি ।

স্ত্রী। (ষোড়হাতে) আমার একটি ভিক্ষা আছে। তোমার ছু বেলা অনুখ—আমায় দিনে পাঁচ বার তোমার কাছে খবর নিতে হয়, তুমি কেমন আছ ; আমায় যেন তখন হা ডু ডু বলিয়া তাড়াইয়া দিও

না। আমার কাছে সত্য নাই হইলে !

রাম। না, না, তাও কি হয় ? তবে এ সব তোমার জেনে রাখা ভাল

স্ত্রী। তা ব'লে দিলেই জানতে পারি। বুঝিয়ে দাও না ? আচ্ছা, গ্রামবাবু এলো আর কি কিচিরমিচির ক'রে ব'লে আর চলে গেল ; যদি ঠাডু ডু ডু খেলার কথা বলতে আসেনি, তবে কি করতে এয়েছিল ?

রাম। আর নূতন বৎসরের প্রথম দিন, তাই সম্বৎসরের আশীর্বাদ করতে এয়েছিল।

স্ত্রী। আজ নূতন বৎসরের প্রথম দিন ? আমার স্বস্তর শান্তড়ী ত ১লা বৈশাখ থেকে নূতন বৎসর ধরিতেন।

রাম। আজ ১লা জামুয়ারী—আমরা আজ থেকে নূতন বৎসর ধরি।

স্ত্রী। স্বস্তর ধরিতেন ১লা বৈশাখ থেকে, তুমি ধর ১লা জামুয়ারী থেকে, আমার ছেলে বোধ করি ধরবে ১লা শ্রাবণ থেকে ?

রাম। তাও কি হয় ? এ যে ইংরেজের মূলুক—এখন ইংরেজি নূতন বৎসরে আমাদের নূতন বৎসর ধরিতে হয়।

স্ত্রী। তা, ভালই ত। তা, নূতন বৎসর ব'লে এতগুলো মদের বোতল আনিয়েছ কেন ?

রামবাবু। সুখের দিন বন্ধু বান্ধব নিয়ে ভাল ক'রে খেতে দেতে হয়।

স্ত্রী। তবু ভাল। আমি পাড়ার্গেয়ে মানুষ, আশি মনে করিয়া-ছিলাম, তোমাদের বৎসর কাবারে বুঝি এই রকম কলসী উৎসর্গ করতে হয়। ভাবছিলাম, বলি বারণ করু যে, আমার স্বস্তর শান্তড়ীর উদ্দেশ্যে ও সব দিও না।

রাম। তুমি বড় নির্বোধ !

স্ত্রী। তা ত বটে। তাই আরও কথা জিজ্ঞাসা করতে ভয় পাই।

রাম। আবার কি জিজ্ঞাসা করিবে ?

স্ত্রী। এত কপি, সালগম, গাজর, বেদানা, পেস্তা, আঙ্গুর ভেটকি

মাহ সব আনিয়েছ কেন ? খেতে কি এত লাগবে ?

রাম । না । ও সব সাহেবদের ডালি সাজিয়ে দিতে হবে ।

স্ত্রী । ছি, ছি, এমন কস্ম কবো না । লোকে বড় কুখ্যা বলবে ।

রাম । কি কথা বলিবে ?

স্ত্রী । বলবে, এদের বংসর কাবারে কলসী উৎসর্গও আছে, চোন্দ পুরুষকে তুচ্ছ উৎসর্গ করাও আছে । [ইতি প্রহারভয়ে গৃহিণীর বেগে প্রস্থান । রামবাবুর উকালের বাড়ী গমন এবং হিন্দুর Divorce হইতে পারে কি না, তদ্বিষয়ে প্রশ্ন জিজ্ঞাসা ।]
